



زهراء رزاق

# المنسية



قبل عشر سنوات  
رجعت من المدرسه واني اركض بس اريد اوصل البيت  
واختي مها تركض ورايه بس تريد توصلني  
واني عبالك شاده محرك سياره رياضيه وياه رجليه لا  
انتضر احد ولا اوكف  
جانو ( مصطفى ومرضى ) ولد عمي يركضون ورايه  
ويكلولي اوكفي. لا تندعمين عمي ما طاير هسه تصلين  
البيت وتلكينه  
بيبي جنت اريد اوصل للبيت حته اشوف ابويه.  
واكله هاي اني طلعت الاولى. اشتريلي فرس  مثل ما  
وعدتني  
اول ماوصلت  
شفت شارعه مليون سيارات وناس. وصايره خبصه  
بلشت ابطي بمشيتي وكل ما اوصل. اسمع صوت صريخ  
وعياط وهرجه  
بيت جدي جان بيت عملاق واحنه وعمامي كلنه بيه  
عندي عمام ثنين وابوي  
بس اليوم البيت من كد الناس الي بي. صرت ادافع بيهم  
حته اوصل  
چان منصر محفور بذاكرتي مستحيل بيوم انساه  
لهيب ابن عمي. ( جان اكبر واحد بولد عمامي سادس  
عدادي صح جان المفضل عند أبويه. بس هو شرس

مخيف عصبي هوايه بالحياة يمنعي من كلشي احبه  
واكثر من مره يضربني) شفته يبجي چانت دموعه.  
تارسه عيونه

بلشت اقترب شويه شويه. هذا تابوت  بنص الصاله  
مال البيت. الكل مجمع داير مداريه  
هذا عمي محمد عمي الجبير ابو لهيب وعمي احمد ابو  
مصطفى ومرضى يبجون بحركه  
والموقف الاكبر جدي الي جان نازع عگاله ويبجي هو  
وجدتي الي دگ وتلطم عله راسه  
بدت الصوره توضح عندي من شفت امي حاضنه  
التابوت وتبجي  
ابويه الي ميت ابويه  
ضليت مثل الصنم لا انطق ولا احبي  
جرني جدي عليه وحضني وهو يبجي بس اني ساكنه  
حرف مانطقت  
الي ان اجه الوقت الي يشيلون بي جئه ابويه حته  
يدفونه

حسيت روعي راح تروح وياه  
كل صرخه بداخلي. طلعت  
اني جنت اكثر بشر قريب من ابويه بهل حياة. ماجان  
عندي لا صديق ولا قريب  
اروح المدرسه. وارجع اتغده وانتضر ابويه يرجع من  
شغله واخلص كل وقتي وياه  
بس بعد اليوم. اني ما عندي اب

ضليت ابجي واصيح واعيط اريد ابويه  
الي مثلي ما يعرف شنو معنى مات وراح الدار حقه  
اني الي اريده ابويه  
شالو التابوت واني خبصت الكون اله ارواح وياكم محد  
قبل ياخذني  
بس لهيب گال لجدي خلي ناخذه ويانه ( لهيب الي محرم  
عليه طلعه الباب گال ناخذه يعني وضعي شكذ حزين  
وخله لهيب يشفق عليه )  
رحت وياهم للنجف. الطريق كله اني ابجي وصلنه  
المقبره. حفر الكبر وخلو ابويه  
والي جنت اريده. اندفن وياه. جنت اصرخ بعلو صوتي  
دفنوني وياه اني اصلا ماريد ارجع وياكم  
جدي شالني بحضنه وضل يبجي وياي  
جدي الي الكل يحسبله الف حساب ومحد يكله لا والكل  
طوع اشارته  
جنت اكله جدو انتة. اذا كلت البابا ارجع عيش راح يرجع  
هو ماكولك لا  
كله خلي يرجع  
بيومه ماقبلت ارجع وياهم من رجعو للبيت الكل انكسر  
كلبه عليه.  
عمي محمد كال لهيب انتة ابقه يمه والصبح جيبه وتعال  
احنه مانكدر نبقي ورائه فاتحه وعالم  
نيج اليه اني للصبح جنت ابجي يم گبر ابوي

بس خلص ذيج اليه خلصت وابوي بعد ما يرجع وصار  
جوه التراب  
بس اني عقل طفله شلون تقنعي بهل شي  
رجعني لهيب للبيت  
مرت الفاتحه وخلصت واني عله نفس حاله اضل ابجي  
الى ان اتعب وانام.  
مانتبهت لاحد امي اختي عمتي جديتي نسوان عمامي كله  
تبجي وتلطم  
وره الفاتحه جنت كاعده مثل كل يوم باب البيت انتضر  
ابويه يرجع من الشغل  
بذاك اليوم ماجنت خايفه لا يشوفني لهيب ويعيط ويصيح  
عليه. لا اني اريد ابويه  
مرت ثمنت ايام ابوي ماكو.  
اجه جدي وكعد يمي سوائف ويايه جان ذاك الشيخ  
المهيوب كاعد بالمغربيه هو وعكاله وبشته يم طفله  
عمره عشر سنوات. باب بيته يحاول بلكت عسى ولعل  
تقتنع بسالفه ابوهه بعد ما يرجع.  
كالي اني ابوج بعد اليوم. كتله انتة جدي اني بنت  
محمود. مو بنتك  
نزلت دموعه وگال انتي بمعزه ابوج موتت ابوج كسرت  
ضهري يا جدي لاتعذبيني بعنادج  
وجان ردي واحد اريد ابوي هسه يجي ابوي  
مل الكل مني عمامي حاولو وياي جديتي امي الكل جنت  
كل يوم نفس الوقت اضل كاعده باب البيت انتضر ابوي

الى ان اتعب وغفه واصحى الصبح الكه روعي بفراشي  
خلصت عطله نصف السنه وصار وكت الرجعه للمدارس.  
مها رجعت تدرس جائت سادس ابتدائي بس اني مارجعت  
ماقبلت اداوم

اني جنت ادرس واطلع لاولي علمود ابويه اني اصلا  
ماحب الدراسه

وهسه ابوي مات ماروح المدرسه لو تنكلب الدنيا  
كله حاولت وياي وامي ملت مني ومن عنادي  
نبح الكل مها ومصطفى ومرضى واختهم لاره وسعد  
وفهد ولد عمي محمد. وبنات عمتي نجمه هيفاء  
وشهلاء

وحتى لهيب نبح وخلص من السادس  
اله اني. جنت اعتبر راسيه للعام الدراسي. هاي السنه  
وبقيت بالخامس ابتدائي

جنت اني اصغر وحده باحفاد الشيخ. ضرغام  
امي جائت بالعطله تاخذ مها وتروح لبغداد لببيت جدي  
اله اني ماجنت اقبل اروح وياها اني اصلا ماحب خوالي.  
ولا كل كرايب امي

وبلشت سنه جديده كلهم راحو متوسطه ولهيب انقبل  
كليه عسكريه

جان الكل بنات عمامي وبنات عمتي واختي يحضرون  
المدرسه

مها امي اخذته جهز من بغداد ملابس اله. وقرطاسيه  
شكد حاولت ويايه اروح وياها وابلش دوام

بس اني راسي وائف سيف اخر شي ملت مني واخذت  
مها وراحت

جديتي حجت ويايه وكامت تبجي وتتوسل بيه وتكلي  
شوفي فلانه وعلانه راح يدرسن وينجحن وانتي  
يصيرون يصيحولج كسوله  
واني اسمع منا واطلع منا.

بيوم جان ماباقي عل مدارس غير سبوع.  
جنت كاعده مثل كل يوم وحدي بالبستان الدنيا ضهرية  
وشمس تسمط وضاربتني واني اصلا اتحسس من الشمس  
صاير وجهي احمر. عبالك طماطه ومتعاوكة وياه امي  
وضربتني وشعري مكفش

للعلم اني نسيت شي اسمه دموع وبجي صرت فد وحده  
تموتني ومارد اعاند والي براسي اسوي لو يشبعوني كتل  
وجدي مايقبل احد يضربني  
يكلهم يتيمه ويستخطوني بس اني هل شي خلاني  
اتفرعن بالزايذ

جنت كاعده جوه الشجر واكو ساجه مال مي كدامي العب  
بالمي والطين  
جان اشوف لهيب گدامي

هذا الشخص الوحيد الي اخاف منه. لان اذا ضرب احد  
يجرم بي اصلا عمتي سمي الكافر  
كلت بكلي اهوووو هذا هسه شجابه  
هو من شافني اجه كعد بصفني. مارزلني ولا عيط مثل كل  
مره. جان يكول

لهيب

انتي تدرين ابوج شكد جان يحبج. وجان دائمن يگول

منسى راح تطلع الاولى

لئش تخلين ابوج بگيره زعلان عليج

منسى

بس هو ماكو راح وعافني بعد المن ادرس

لهيب

هو مو بكيفه راح وعافج كئنه بالاخير لازم نموت وانتي

مو زغيره تعرفين هل شي كئنه راح نموت

منسى

ي كئنه راح نموت لعد شكو ادرس

لهيب

لو عمي عايش انتي جان عفتي المدرسه وصرتي هيچ

وصخه وكسوله ومكروهه

منسى

اني لا وسخة ولا كسوله وعادي خلي اصير مكروهه

واذا ماحببتوني

لهيب

احنه كئنه نحبج. وتره الي عايفه المدرسه وماتدرس

هاي اسمه كسوله

بعدين. اي انتي وسخة وين اكو بنيه بكدج كاعده

بالضهرية بالبستان تلعب بالطين




منسى  
انى ماجيت العب بالطين تعاركت ويه امي وضربتني  
واجيت  
لهيب  
هسه اروح احجي ويه عمتي وانوب الي يصيح عليج  
اكفر بي وكلشي تردينه يجي لعيندج بس لازم ترجعين  
للمدرسه

منسى  
مارجع. ختولي ماريده  
لهيب

انى البارحه جنت حلمان بعمي

منسى  
( من گال جنت حلمان بعمي صفتت بي وانتضر يكمل )  
لهيب

عمي كلي خلي منسى ترجع للمدرسه واريده اطلع الاولى  
ومن تطلع الاولى تشتريه فرس 

هاي جانت اول جذبه لهيب واني صدكته  
اخذني ورجعت للبيت وحذر الكل ممنوع احد من اليوم  
يحجي ويبي واذا اني غلظت لهيب الي يحاسبني. كلهم  
تجون تكلولي منسى سوت كذا وكذا. واني احجي وياها

ام منسى

مو بكيفك هل حجي لاعبالك كبرت وصرت تتصرف  
بكيفك بناتي معليك بيهم محد يحاسبهم غيري لا انتة لا  
غيرك  
لهيب

اسمعي عمه خليني ساكت ومحترمخ لخاطر ذكرى عمي  
واله انتي شاييل عليج هواي حته انتي الي هيه امه اذا  
اجتي وكالت امي حجت عالي قسما بذات الله ماتلومين  
غير روحج

من كال لهيب هيچ امي حارت شحجت وشسوت بس  
لهيب مانفه اله وخاصة جدي عده لهيب الكل بالكل. محد  
يكدر يحجي وياه

هو حجه الي حجاه وكالي روهي اسبجي وبدلي حته  
اروح اشتريلج ملابس مدرسه وقرطاسية  
صح جنت ماحبه رجعتي للمدرسه بس جنت مصدكه  
بسالفه ابوي جاي بالحلم لهيب وكايله هيچ

امي جانت ترزل بيه وتحجي عليه وتسوي اني بس اريد  
حجه حته اخذجن واروح البيت ابويه تجيني انتي سلطين  
لهيب عليه

بعدج بگد القنדרه ماكدرلج اني اعلمج  
جانت امي تحجي وتهدد

واني اخر همي رحت ركض سبحت عبالك عدي عيد  
يمكن اذا رجعت للمدرسه وطلعت الاولى ابويه يجيني  
بالحلم. وهم اشوفه واحجي وياه  
طلعت من الحمام ولبست ملابسي ردت امي تمشطلي  
ماقبلت ورزلتني وطرقتني  
رحت لجديتي لكيت لهيب يمه رحت عله كيفي لا اسوي  
وكاحه ولهيب يعيط بيه  
كتله جده مشطيلي اني شعري طويل وثخين ماكدر اني  
امشطه واضفره  
وراها اخذ لهيب سيارته ورحنه للمدينه  
لان احنه بحكم جدي شيخ عشيره ومضيف وهل سوائف  
كاعدن بالريف  
اخذني لهيب لنفس المول الي جان ابوي كل يوم خميس  
يجييني اله العب بالالعاب اكل واشتري وارجع اني وامي  
واختي مها  
لهيب اشترالي هوايه اشياء حته اكو اشياء محتاجه  
واخذ من كلشي تلاته اربعه كال خاف تخلصين دفاتر  
واقلام واني بالذوام مو يمج  
بلشت شويه احس بحماس الدراره  
واول يوم مدرسه ماخلاني اروح ويه اختي واوولاد  
عمامي للمدرسه وداني هو وصه المعلمات كاللهم ممنوع  
احد يسمعه كلمه او يكله شي كونه ماناجحه وبعده بنفس  
صفه  
وراها طلعت من الذوام هم لكيتته ينتضرني باب المدرسه

طبعاً اني طلعت بعد ماتعاركت وياه . نص بنات المدرسه  
شعري مهوس و جنطتي صفح و غسلت و طلعت مباله من  
شفته كلت اهووووو هذا شيسوي هنا هسه تبلىش رحمه  
الله .

هو من شافني نفحت خدودي ازفر الهوى واني اسوي  
اهوووو بيني وبين نفسي  
ضحك و كال

لهيب

تعالي سوسه البله تعالي ما حبيج كونه اول يوم الج  
بالمدرسه بعد عطله طويله

منسى

وليش اني شمسويه . حته تحاجيني

لهيب

مناكد تعاركتي حته وياه الفراشه (عاملته النضافه )

منسى

كلشي ماسويت بعدين انتة راح ضل يوميه تجي تاخذني  
من للمدرسه وترجعني

لهيب

شو ما عجبج ست منسى

منسى

لا اني شعليه بيك تجي ماتجي بس سوال

لهيب

ولج شو السانج صاير شطوله بابا انتبهي الكلامج اني

بكدج تحجين هيچ وياي

منسى

( من عصب صراحه رجعت اخاف منه ادري موصارك

سبوع حباب شبيك هيچ رجعت مثل قبل متوحش)

كتله

اسفه تره مو قصدي

لهيب

شلونهن دروسج

منسى

سهلات كلهن قديمات مالات العام

لهيب

السنه اطلعين الاولى مو تنسين

منسى

ي ان شاء الله

رجعني لهيب للبيت لكيت بعد مها والبقية ماجين امي

متعاركه ويه مرة عمي ام لهيب وكاعده. بالغرفه زعلانه

جديتي تصلي مره عمي محمد بالمطبخ هيه وام لهيب

جدي عده خطار بالديوان لهيب راح عليه هو وعمامي

اني سبحت وبدلت ولفيت راسي ونمت حته من كعدوني  
عل غده ماكعدت

العصر كعدت طلعت شفت مصطفى ومرتضى وسعد  
وفهد يلعبون طوبه بالحديقه الي وره البيت رحى اللعب  
وياهم لان متعوده اللعب طوبه وياهم  
هدفت عله فريق مصطفى وسعد ومرتضى شانني عله  
جفته ونهوس وماسمع غير صوت لهيب. سوه بينه  
خرعه

كل واحد اخذله جلاق معدل وكالهم كلمن يروح يلزم  
كتابه

واني ما حجيلكم عله كميه الرزايل والغلط اخر شي كلي  
اذا مره ثانيه اشوفج تلعبين طوبه اشمرج بالشط  
اني طببت ركض بعد ما اخذتلي كفخه معدله جف ايده  
طابع بوجهي  
جديتي كالت

الشيخه

ولج يمكموعه هاي من ضاريج

منسى

حفيدج الخبل

الشيخه

اليوم اريد اكفر بيه ياهو منهم الي ماد ايده عليج اله

اكسره اله

منسى

عله كيفج جده اكعدي وسكتي لهيب الي ضربني  
الشيخه

هااا لهيب شمسويه لعد انتي هل ضربج  
منسى

ها مو قبل شويه تردين تهدين  
الشيخه

يجده هذا مالي غرض بيه واذا ضربج يعني اكيد انتي  
الغلطانه

ام منسى  
محد اله حق يضرب بناتي غلطات او لا. اني الي  
احاسبهم

منسى  
جده اني اروح اقره هسه يجي عمي محمد يراجع انه  
واذا طلعت ما حافضه يكل لهيب يسويلنه كتله جماعيه

عفتهن ورحت وامي وبييتي متعاركات للعلم امي دائما  
هيه الغلطانه بس شيسون قبل يسكتون لخاطر ابويه  
وهسه يكولون خطيه هاي امانه المرحوم

منسى

مرت ايامي بين الدراسه والعركات جنت هواي تعارك  
بالبيت وبالمدرسة اني اصلا بطبعي جنت هواي حركه  
خاصه بالفتره الي يلتحق بيه لهيب لدوامه هنانه محد  
يحاسبني ولا احد يحجي ويايه فاتفر عن عل عالم احير  
شسوي وجدي يتخبل اذا واحد من عمامي صاح بيه.  
المهم عنده جنت اطلع درجات عاليه بالمدرسه  
بيوم جانت دنيه ضهر وشته جو بارد وماطره الدنيا الكاع  
كله طين اني تعاركت ويه امي كل عاده اخذت. طوبه  
ورحت وحدي العب بالحديقه كسرت نص الشجر لان  
اضرب الطوبه كل قوتي عل شجره  
بعد ماتعت حيل كعدت بنص الحديقه اباوع عله روهي  
صايره كلي طين باجر عدي امتحان واني متعاركه ويه  
امي ويه عمي محمد منو يدرسني هسه.  
ضليت صافنه. وينه لهيب هسه  
كلته بصوت مسموع جان اسمع صوته وهو يكول

لهيب

موجود

منسى

انداريت بسرعه عل صوت واشوف صدك لهيب واكف  
مرتجي عل سياج الحديقه وبيده جكارته  
رحت ركض عليه وكمزت بحضنه صار فوك الشهرين ما  
شايفته



## هو ضحك و حضني كال

لهيب

بويه على كيفج طيحتي حضي انتي وطينج اني كم مره  
كايلاج ماتلزمين الطوبه

منسى

جنت ضايجه

لهيب

بويه احنه مريين وحش هنا هاي شمسويه بالشجر

منسى

هاي مو. اني

لهيب

وفوك كل هل اخبال صايره جذابه تره اني واكف هنانه  
من طلعتي من الصاله والطوبه بيدج

ضليت ساكنه بعد شكول هو اشربي للحمام وكال اني


انتخرج بالاستقبال ادرسج


رحت ركض سبحت وبدلت ومشط ولبست جاكيتي

الصوف الجو بارد واخذت كتبي وكعدت لهيب يدرسني

بذاك اليوم ماكتلني ولا زرلني جان حباب

بس اكيد هل شي مراح يطول

ثاني يوم انخبزت خبزہ محترمه خاصه من عمتي كالتله  
تتعارك وية ولد الشارع خرب شرفه عمتي سجله  
شمسويه مامسويه خلال فتره التحاقه كله  
مرت الايام بين هادي وعاصف  
وخلصت السنه وجنت الأولى مثل ما وعدت ابويه ولهيب  
ولهيب وفه بوعدہ وجابلي فرس  بيضه وجبهته مثل  
النجمه اسود جنت طايره بيه بس جان شرط لهيب  
ماوصله اله هو ويايه  
بس اني جنت فرحانه بيه اريد اخلص كل وكتي عله  
ضهره

واول مالتحق لهيب ضهر جان الكل نايم  طلعت بله  
محد يحس واخذت الفرس وطلعت بذالك اليوم الله حماني  
ورجعت سالمه مابيه شي لان ماطلعت حدود البستان  
وصرت اسوي هل حركه كل ما نامو اهلي  
وراها بيوم ماجنت ادري بلهيب راجع للبيت جنت  
ضايجه حيل امي زن بروسنه حته انعوف البيت ونروح  
لخوالي البغداد واني مستحيل اقبل بس هيه جانت  
مسيطره عله مها

وراها تعاركت وية جدي وجديتي كلوله اذا تردين  
تروحين روي بس البنات لا  
وبيومه مها حارت شحجت لحد ما عمي محمد مد ايده  
عليه وضربه وصعدت تبجي وامي تدعي وتحجي عليهم

اني اخذت الفرس وطلعت جنت احس كلشي بيه يريد

ينفجر 🤔 كلي غضب 😡

ماحسيت بروحي غير اني طايره من ظهر الفرس  
ومشموره

بذاك اليوم تكسرت بكل معنى الكلمه كسر بظلوع صدري  
ايدي ورجلي

من شالوني الفلح وجابوني للبيت جنت عباره عن قطعه  
دم حمره

صحيت عله روعي بالمستشفى امي وجديتي وجدي  
ولهيب فوك راسي بس اني ماكدر احرك شي بجسمي  
محد حجه ويايه بس غضب 😡 لهيب واضح من عيونه  
وامي ماتركته بحاله كله من وراك انتة الي جبت لطفله  
طايشه فرس اكو واحد يخلي طفله عمره ١٢ سنه تتركب  
فرس

هو جان ساكت ويباوع عليه احس نضراته تعاتبني  
رجعوني للبيت وصعدوني لغرفه امي طبعا بيت جدي  
نضامه سويتات يعني الغرفه بيه صاله وشبه مطبخ  
وغرفه نوم وحمام وصحيات

صعدت وامي تعد وصف همه ذوله عمامج الي كاتله  
روح عليهم عبالك عمامي كلولي اخذي الفرس وطيري  
جانت مها هيه الي توديني للحمام وجيبني هيه ولاره بت  
عمي ما عفني ابد

وامي بس تحجي عليه كوه تريد تسوي الحادث مالتى  
حجه حته تاخذنه وتروح لاهله  
وبيوم مها نزلت واني جنت نايمه بفراشي  
سمعت امي تحجي بالتليفون هيه عباله انى نايمه **22**  
جانت تكل لخالتى ان شاء الله مابقه شى اجيب بناتى  
واجى وهو كلى انى اخذج لو عدج عشر جهال. وبناتج  
احظهن بعيونى ذنى بناتى  
من سمعت امي تحجي هيج احس روى. اريد احرك  
الدنيا يعنى هيه تريد تزوج ضليت ساكته وماحجبت شى  
وياها ولا كلت شى لاحد.  
اعتبرته وحده خاينه خانت ذكرى ابويه. ماصارله غير  
سنه من مات مو علساس اتحبه وتموت عليه شهل حب  
ماصدكت مات راحت لغيره  
وراها حطتتى حجه تريد تعالجنى بغداد وهناته جدى كال  
عادي لان انى بالموضوع الحفيدة المقدسه عنده

الشيخ

ماشى بويه اخذى البنيه خلى تتعالج هاي صار شهرين  
هيه بالفراش

منسى

ماروح ويه احد تردون تعالجونى اخذنى انتة وجديتى  
ويه امي ماروح المكان  
ام مها

ولج انتي شنو من بشر. امج اني امج مو عدوتج عبالك  
رايحه ابيعج شنو شو متستحين كل احترام ماعدج ولو.  
عليمن اعتب اذا اني عايفه بتي لهيب يصرف بيه بكيفه  
شراح تطلع اكيد هيچ

لهيب

خيرج مرة عمي شبي لهيب

ام مها

شسوي بعد اكثر حته تحرض بتي عليه وتخليه تكرهني  
منسى

محد محرضني عليج ولا اكرهج كتلج لببت ابوج ماروح  
اني هذا بيتي وهذوله اهلي تردين ترحين لاهلج الله وياج  
اني يم اهلي وهمه يحIRON بيه  
ام مها

والله ثم والله يا منسى اخليج تكرهين الساعه الي جبتيج  
بيه اذا بقيتي بهل لسان  
لهيب

جربي بس جربي تاذيه امسح ذكر سابع ضره الكم.  
(التفت عله جدي وكال )

شيخ البنت بنته مثل ماكالت احنه مامانعيه من امه  
وخواله ولا احنه الي ماتكدر عله علاجه خيرنه يغطي  
عين الشمس

واذا عدج هم مرضه من اهلج يا مرة عمي كليلي اعالج  
بثواب عمي.

اما منسى هاي حصتي من باجر اخذه اني وجديتي ونطلع  
لاربيل نجيك وضعه وجهاز للمدرسه ونرجع  
( التفت عله مها وكال )

وانتي مهاوي بويه ترحين ويه اختج هم تونسي وهم  
اشتري الي تردينه وهم عينج عله اختج اذا تريد شي  
مها

لا اني ابقه ويه امي

لهيب

كيفج بويه واي شي تحتاجينه تليفون بس تلكينه يمج.  
وهسه اودعناكم رايح اكمل شغله حته الخميس ناخذ  
منسى ونسافر

كلام. لهيب جان شي قطعي غير قابل للنقاش وامي  
ماكدت تحجي شي بس ادعي وتحجي عله لهيب  
وراها اخذنه لهيب اني وجديتي ومره عمي ام لهيب هم  
راحت ويانه

اول يوم ماظلعنه ثاني يوم اخذني لهيب ورحنه للدكتور  
شاف كل الفحوصاتي ورجع هم عادهن كلهن وسوالي  
اشعه هم

وراها كال مابيه شي اصلا تكدر تمشي عله رجله  
وتستخدم ايده

بس جان صدري بعده ولازمني راحه اكثر



لېش بېچ مرض توحده شو ماشاء الله السانچ بسببې  
عرب ۲۴ ساعه داېحه بالبستان ماكو فلاح ولا بشر  
يمشي بالشارع خلصان منج  
خو لازمه كل ولد عمج تهديد وكل واحد لازمه وعليه  
شغله وتهدينه اذا مايسوي الي تردينه تگلين لهيب

منسى

شمدرىك انته

لهيب

هاااااا هسه صار المهم شلون عرفت مو شلون انتي  
بنيه وبت شيوخ هيچ سوين  
وتخلين الكل يحجي ويكول لهيب مايعرف يربي

منسى

وهسه اني شمسويه

لهيب

لا هو منا وهيچ اني اعلمج شراح اسوين وشلون  
تتصرفين

منسى

يعني شلون

لهيب

اول شغله سوينه منا وهيچ بعد ماكو طلعه بله حجاب

منسى

لا بله لېش يعني

لهيب






هاي جانت اول حركه حته ادخل بجحيم الشيخ لهيب

ام لهيب

ولك يمه علم بختك لاتوكم البنيه

لهيب

كلشي ماعليه يمه هاي ماشوفيه جنه قرد  شلون  
مجلبه بشعري ولج عوفي شعري انطيني ادينج

منسى

والله ما توكني

لهيب

ولج بابا ماوكمج انطيني ادينج يله بنيتي

رفعلي ادينه وضل مجلب بديه بالبدايه جنت خايفه بس  
بعدين نسيت اصلا اني لهيب شاييني ضليت اضحك  
واسولف واباوع علم ناس  
جنت ناعمه كل الي يشوفنه عباله بته  
وبيبى تسويله يله عاد زوج حته شيل جهالك

لهيب

هااا بلشت رحمه الله. خلي اتخرج من الكليه وازوج

عشره مو وحده هسه عوفيني

الشيخه

والله شايفه تاليتك ووحده ماماخذ  
لهيب

جده اني شاكيلج دباوعي عل ناس شوفي العالم وعوفيني

بيومه ضلينه نضحك ونسولف كومه اشترالي لهيب  
غراض والعب  
وراها رجفنه للبصره  
وره سبوعين بلش الدواوم واول شي جان لازم يكوله  
لهيب

(( اريدج الاولى + ديري بالج عله روحج ))  
مرت الايام. وخلص السادس ابتدائي وجنت الاولى عل  
محافضه وهذا الشى ماحرك ساكن شي عد امي جان كل  
همه تاخذنه وترجع لببيت اهله علمود تزوج حبيب الكلب  
واخر شي ماصبرت عافتنه وراحت. وحده من شافت  
جدي عند وماقبل ينطينه اله  
بس مها جانت هوايه متاثره ومتعلقه بامي بدت حاله  
سوء وتتمرض واصلا دخلت بحاله ككتاب وجان رائي  
جديتي خلوهه اتروح يم امه بالبدايه جدي وعمامي  
تخبلوا بس من بده وضع مها يزيد سوء خضعو للامر  
الواقع

بس اني اكيد مستحيل اروح ويه امي خاصه اعرف كلش  
زين هيه اصلا راح تتزوج وتعوفنه ماميته عليه

بس من طلعت امي من البيت هيه ومها اني صرت انام  
ويه بيبي وجدي بغرفتهم  
لان ما قبلو ابقه وحدي بالغرفة انام وحدي  
بهاي الفتره جنت اول متوسط عمري ١٤ سنه كوني اني  
اصلا متاخره سنه عن الي بعمرى  
جنت البس الحجاب من يجي لهيب للبيت من يروح  
انزعه لان هو يريد حته بالبيت البس حجاب يكول  
مصطفى ومرضى بالبيت هو ميدري اني من يروح. اني  
ومصطفى ومرضى مسوين فريق واني الكابتن  
بس اني بهاي الفتره ما عرف شنو صار لي. جسمي فجاة  
كبر وصار ابد مو يم عمري صرت عبالك عمري ٢٠  
سنه ومفاتن جسمي كله برزت  
يعني لاره اكبر مني بسنه مبينه اني اكبر منه  
بيوم جنت نايمه كل عاده بحضن جديتي هاي هيه الي  
مره الي فعلا تستحق اكله يمه  
اني ماجنت غافيه بس همه عبالهم غافيه جان اسمعه  
اتكل الجدي

الشيخه

شيخ مو كافي عاد صار لازم نزوج لهيب

الشيخ

هو المفروض لان هم كبر وهم اموره كله تمام ماعده  
شي ياخره زين هو باله احد. عاجبته وحده

## الشيخه

لا ماعده احد باله بس من كتله بالبدايه كال مو هسه  
بعدين كال بكيفج حبيه شوفي امي واذا لكيو بت الحلال  
وناسبتني اني ماعدي مشكله

بذاك اليوم اني ماكدت انام. صارت فجاة كل ذكرياتي من  
مات أبويه لليوم ويه لهيب تجي براسي  
مستحيل اقبل احد ياخذ لهيب مني  
فجاة بداخلي نمه شعور التملك هذا الي ماعرف شنو  
قصته بذاك الوقت اني ما جنت سامعه بشي اسمه احبه  
ويحبني ماجنت اعرف شنو يعني شعور الحب  
بس كل الي اعرفه لهيب هذا مالتني اني ابويه اني  
وحدني محد ياخذه مني  
اني وصلت بيه مرات اكله بابا. جنت احسه يفرح هواي  
بهل كلمه  
خاصه اخر فتره من تمرضت وكعت من الحصان وخذني  
لاربيل اليوم اني ماكيلتله باسمه كله اكله بابا  
يعني معقوله احد ياخذ لهيب مني واني اصير بره حياته  
صرت مدري شلوني خاصه لهيب اصلا جيته للبيت قليله  
بحكم دوامه. واذا اجه يخلصه بالديوان  
ويجي يشوفني شمحتاجه شناقصني  
لذالك اني صرت بعالم والدنيا بعالم

وراها بلشنه داوم جنت اداوم بثانويه اهليه يعني من اول  
متوسط السادس اعدادي  
سمعت مرة عمي اكل لجديتي عله وحده ويايه بالمدرسه  
صف سادس اعدادي  
من كرايينه من كالت اسمه  
ربطت الأحداث واني اكل شبيه هاي كل ماشوفني  
تاكلني اكل بالسلام  
بس اني مرات اشوفه توكف ويه ولد. من المدرسه الي  
كدامنه مال الولد  
واني اعرف لهيب يتخبل من البنيه الي تحجي ويه الولد  
احنه ولد عمي اني ومصطفى ومرضى  
وهو ميقل اكد وياهم هوايه اني ولاره  
بذاك اليوم بلشت اتغير وبرائتي بدت تختفي بسبب لهيب  
سويت روعي مريضه وماكدر ارجع للبيت وحدي. جان  
بذاك اليوم لهيب بالبيت خلّيت المديره تخابر عليه اريد  
احجي وياه

لهيب  
الو تفضلي ست خما صاير شي  
منسى  
بابا هاي اني  
لهيب  
خير منسى شبيج شصاير  
منسى


مادري بس احس بطني حيل تاذيني ماكدر ارجع مشي  
لهيب  
ماشى بويه اني هسه جايج  
منسى  
لا لا بعد عدي درس اريد احضره تعالى بلحله ارجع وياك  
لهيب  
ماشى بنيتي يله بالحله تلكيني باب المدرسه

بذاك اليوم اني جذبت جذبه اكبر مني من عمري من  
تفكيري بس خوفي من سالفه لهيب يزوج ويتركني  
وحدي بله اب ماريد اصلا اتخيله هو الشخص الوحيد  
الي باقيلي  
من اجه لهيب جان كاعد بالسياره فهاي البنيه ماشفته  
هو جان يباوع عليه من. طلعت من المدرسه.  
وهل شي خلاني افور من الداخل بذاك الوكت ماجنت  
اعرف هاي اسمه غيره  
وماقبل يباوع عله وحده غيري بس من شافه تمشي  
وهذا الولد يمشي وراهه ومدري شيحجون بقه ساكت  
وهذا اني الي اريده بس الي جان مضوجني اني وصلت  
يمه وفتحت الباب وصعدت وهو مااحس عليه الي ان من  
ضوجتي ضربت الباب حيل

وهو صاح بيه بكل عصبية و غضب حيل استهضمت  
معقوله هيه اهم مني لذكالك هيچ عيط و عصب عليه  
اني دموعي الوحده نزلت رغم اني ابد مو هيچ وهو  
اصلا مانتبه عليه جان يسوق بغضب من وصلنه البيت  
عود اذكر يسال من شاف اني باجيه و عيوني حمر كال  
بسرعه

لهيب  
هاي شبيج بويه ليش تبجين  
منسى  
ماكو شي

كلته ونزلت اخذت جنطتي وصعدت لغرفته القديمه حته  
مافتت سلمت علىه جديتي ومره عمي  
هو اسمع صوته يكل لاره الي جانت غايبه روي شوفي  
منسى شبيهه

اني كبل فقت للحمام سويت روي اسبح ماريد لاره  
شوف حالتي شيخلصني منه ادخل تحقيق  
وراها نمت الضهر. بغرفته ما نزلت اتغده حته  
واني اتخيل منضره شلون عصبى  ومنزعج من  
شاف هاي تمشي ويه الولد



بليل جدتي سعدتلي حسيت بيه تمسح عله راسي  
وتحجي واياي بهدوء فتحت عيوني جان تكول

الشيخه

ها حبيبته شبيج اليوم شو لهيب يكول مريضه

منسى

مابيه شي يمه شويه تعبت من المدرسه

الشيخه

لعد شو لا جيتي سلمتي لا كلت اشوف جدتي مرة عمج  
صعدتلج تلت مرات تكول نايمه مثل الموته  
ضل باله يمج

وراها ماكدت بعد. لازم انزل جوه

كمت بدلت لبست دشداشه مستوره وحجاب لان استاذ  
لهيب بالببيت نزلت سلمت عله مرته عمي بسته وهيه  
خطيه تموت عليه كل ماشوفه اذكر امي لعد وينه من

عمه مريم عبالك هيه امي

ورحت لغرفه جدتي لكيت جدي كاعد يمه هو ولهيب  
بست جدي من راسه وكعدت بصفه. كال

الشيخ

شبيه حبيبته جده عيونه ذبلانه





هدي يمه هدي طفله ماتفهم شي. بس فهمني شكو  
لهيب  
ادبسنرز هاي اذا اسمعه مره ثانيه هيچ تحجي اطيح  
حضه خاف تكولون

كال هيچ ونهض وهو يكل لاجدي هاي بت مهدي تلغين  
سالفه خطبته وبعد متفتحين ويبي سالفه الزواج  
ممنوع اني من اريد ازوج اني اجي اكول روجو خطبولي  
افلانه

لهيب جان عصبي بشكل مفرط معقوله جان يريده واني  
خربت السالفه وهو ضايح ضليت ساكته هو طلع  
بره وراها الكل نام صارت الساعة ب ١ ونص وهو ماكو  
جنت كاعده باب البيت الخلفي لي يطل عل بستان  
ماحسيت غير هو فوك راسي. جان يكول بعصبيه

لهيب  
انتي شمكعديج لهسه شسوين اهنانه  
منسى  
انتضرك بابا  
لهيب

خير شكو

منسى

يصير تكعد

لهيب

كومي فوتي جوه نامي

منسى

هسه افوت انام بس لازم احجي وياك

لهيب

كلت روهي نام

منسى

بس بابا اني ماعرف انام وانته زعلان مني

لهيب

مازعلان منج وهسه يله فوتي

منسى

ماشني بس هم اريد احجي وياك

لهيب

شلحيتي بابا شتردين تكولوبن

منسى

اني اسفه ماجنت ادري انتة. هيچ تریده والله مجان

سويت هيچ

لهيب

شنو قصدج ليش انتي سويتني

منسى

اني اسفه والله مو قصدي اجذب عليك تعرفني ماجذب  
عليك والله

لهيب

احجي بشنو جذبتي

منسى

اني ماجنت مريضه اليوم بس تقصدت اسوي هيچ حته  
شوف هاي البنيه هيه والولد

لهيب

ليش

منسى

ادري بيك متقبل ومتحب البنيه الي تحجي ويه والولد  
وجنتت ادري اذا شفته ويه الولد راح تعوفه وبعد  
ماتزوجه بس والله ماجنت اعرف هيچ انتة تربده

لهيب

وليش سويتني هيچ

منسى

خفت من تزوجه بعد معليك بيه وتعوفني وانتة تعرف اني  
ماعدي احد غيرك. بهل دنيا خفت تاخذك مني بس والله  
مو قصدي اخليك هيچ ضوج وتزعل

من كتله هيچ سحبني لحضنه وباسني من راسي وكال

لهيب

هاي اخر مره الج تغلطين منسى وخليه بالج انتي بنيتي  
واني ابوج لو مو مره او الف وحده ماتاخذني منج ولا  
اكو احد بهل دنيا كله يكدر يخليني اتغير عليج انتي امانه  
عمي الي راح اضل كل عمري ابوج واخوح وصديق  
وسندج

بس هاي اخر مره الج تجذبين وسوين هل سوائف اني  
منسى بنتي برئيه ونضيفه وماله شغل بهل سوائف  
التعبانه اريدج تضلين مثل ماتتي  
خوش بابا

وهاااا منسى حطيه بالج اني شغله وحده تخليني ازعل  
منج وابتعد  
والي هيه سوين شي ما قبل عليه  
خوش بويه كل الي اريده منج تديرين بالج عله دروسج

منسى

ماشي بابا يله هسه اني اروح انام تصبح عله خير  
لهيب

وانتي من اهل الخير بنيتي

اليوم اني صف ثالث متوسط عندي امتحانات وزارى  
وانى بعالم وكل الكون بعالم لهيب كلى اشتريلج ارقى  
تليفون اذا هم طلعتى الاولى عل محافظه  
جنت كاعده اقره اليوم اخر يوم عدنه فيزياء  
بس هاي المسألة مجاي اعرف شلون تتحل  
ومستحيل اعوفه انى لازم اطع الاولى  
لهيب مجان بالببيت ملتحق بالدوام. جان اروح ابجى  
لجديتى

لان الشى الى نسيت اذكره الكم جدى توفه وستلم عمى  
محمد الشيخه من بعد جدى لان المفروض الشيخ هو  
لهيب بس لهيب كال لعمى. انى هسه ماكدر دوامى  
مخربط انتة نوب عنى. وماكو فرق بين الاب وابنه انى  
اصلا ما طلع عن شورك بكل الاحوال  
المهم رحى لجديتى كتله

منسى

يمه ما عرف احل هاي شلون بيه  
الشيخه

ولج يمه كافي بجى هسه اشوف عمتج مريم تلكالج احد  
يحلله الهج

عفت جديتى ورحى ادري عمتى مريم شسويلى رحى  
اخذت تليفون مصطفى منه بله اصلا ماستاذنه



وتصلت عله لهيب وهو صافن يسوي ناس ماعده  
لاسلوب لا احترام  
واني كل بالي يم لهيب من رد كال

لهيب

هاي صافي اليوم متصل

منسى

بابا هاي اني

لهيب

خير بويه شبيج

منسى

ماعرف احله ( كلته واني ابجي )

لهيب

هدي هدي بويه شني الي ماتعرفين تحلينه

منسى

هاي المساله . خبلتني كله مجاهيل

لهيب

عوفيه بويه هسه انتي مو مكمله كل الكتاب

منسى

ما ما اعوفه بله اجتي هيچ ماراح اطلع الاولى

لهيب

هههههههه . ديله صوريلي المساله وديزه اليه وهسه

اتصل بيچ فديو اشرطه الج

ماصدكت من كال هيچ كبل صورته ومصطفى يضحك  
عليه. وراها اتصل على مصطفى فديو فتحت ردبت  
بسرعه اول مادك

من شافني لهيب كال

لهيب  
ول ول بويه هاي شصاير بيچ شهل بجي خشمج صاير  
بي اربع خشوم  
منسى  
بعدين بعدين تتمر عليه هسه اشرحلي

بلش لهيب يشرحلي اني ماعرف ليش على لهيب افهم  
من اول مره بس يشرحلي شي افهمه بسرعه  
هو يشرحلي واني مندمجه  
جان اسمع واحد يمه كال والله لايكلك دور الاب عههه

هو اشرله يسكت وكمل شرح وراها كال

لهيب

ها بابا فهمتي اعيد

منسى

ي فهمت كتله ببتسامه واني مرتاحه كل حيلي

لهيب

ههههههههه هسه انتي كملتي كل ماده

منسى

ي بابا كله خلصت هيه جانت. بس هاي المساله وهسه

راح ارجع اعيد

لهيب

لا أبويه. روعي نامي هسه ماضل وكت ساعه تسعه

نامي وكعدي صبح من وكت ومن ترجعين كلي شلونج

منسى

ماشي بابا يله تصبح عله خير

ثاني يوم رحى للمدرسه وامتحنى وجات الحمد لله كل

الاساله اشوفه سهله من رجعت اخذت تليفون بيبي

واتصلت بيه كتله

منسى

بابا حضر روك ماقبل غير بتليفون اصدار هل سنه

وشرط ايفون

لهيب



بس يحبني مثل بنته بدت يوم عن يوم ضوجني والشغله  
الي ماجنت افهمه

الصوره الي جانت مغوشه صارت واضحه عندي  
وفهمت كلشي اني احب لهيب بصوره حب المرأة للرجل  
مو حب ابوي صح لهيب معوضني عن حنان الابوه بس  
اني مو بنته والحب الي اريده مو حب ابوي  
جنت اريده كرجل بحياتي جنت اريد لهيب كحبيب  
وهذا الشي جان اول خطوه الي بطريق الجحيم

وره فتره طلعت النتائج والصدمة اني ماجنت بس الاولى  
عل محافظه اني جنت من اول تلت اوئل عل عراق  
بيومه لهيب باسني من كصتي وكال

لهيب

انتي بنيتي الشي الي كل عمري افتخر بي انتي اعضم  
انجازاتي

بعده اشترالي صدك ارقى تليفون 📞 بس هل تليفون  
جان شي مشروط ممنوع اسوي بي اي برنامج تواصل  
اجتماعي غير الواتساب

وكومه شروط واوامر كله ماجانت مهمه عندي المهم  
عندي صار عندي تليفون اقدر اتصل بلهيب شوكت  
ميخطر بالي

اني جنت اتواصل وياه مها من تليفون بيبي بس هسه  
صار عندي تليفون

اني علاقتي بمها ما جانت كلش قويه. بس نتواصل بين  
فتره وفتره

اني الي جانتلي اخت هيه لاره بت عمي  
جنه نكعد نسوالف كل اليوم. اول ماخلص دروسي اركض  
للاره خاصه بعد ماكتشف اني غرگانه كل حيلي بحب  
لهيب

جانت لاره بيت اسراري واني نفس الشئ اله  
خاصه لاره هم اتحب ابن خاله وحيل خايفه لا عمي  
مايقبل بيه

جنه مرات نخلص الليل واحنه وحده تحجي الثانيه عن  
الي بكلبه

وبيوم وليله جديتي قفلت اله زوج لهيب خاصه مصطفى  
الي هو ازغر منه زوج. ومرتضى خطب  
هو سكت ماوجه شي

هنانه اني معدل الخبال سعد عندي وماعرف منين جبت  
هل جرئه اخذت كتبي جان عدي رياضيات ثاني يوم  
امتحان. اني متعوده لهيب يدرسني

رحت اخذت كتبي ولبست حجابي ورحت للاستقبال.  
حطيت كتبي وكعدت كدامه هو صفن بيه بالعادة اني  
رياضيات سهل عدي ماخلي يشرحلي  
باوعلي وكال

لهيب  
رياضيات  
منسى  
اذا عدك شي اروح  
لهيب  
لا بابا اكعدي بس استغربت  
منسى  
ماعرف هذا الموضوع دوخني

هو جان يشرحلي اني بالي مو يمه شلون امنع هل زواج  
شراح اكله. شرح اكثر من تلت مرات وكل مره اكله  
مافهمت حته هو ستغرب  
اخر شي انطاني سوال كال حلي جان هو كاعد يسولف  
هو مصطفى  
كمت كتبتله (( احبك ))  
وانطيته الورقه اخذه وهو يسوي

لهيب

شيسرعه حليتيه  
من شاف شكاتبه حسيت عيونه كامت طلح جمره كال  
لمصطفى روح عمرلنه النركيله  
مصطفى طلح من الاستقبال  
ولهيب لزمني من زندي كل قوته حسيته دخل اصابعه  
بلحمي الالم موتتي ودموعي كامت تنزل وهو يحجي  
بغضب وصوت ناصي

لهيب  
ولج بعدج بگد القندره شهل حجي هااا شنو احبك  
تعرفين اني منو

منسى  
اخخخخخ بابا والله دتاذيني

لهيب  
انتي جاي سمعين روحج شتكولين بابا يعني اني ابوج  
سوالف المراهقه هاي والمزعطه اذا اسمعج مره ثانيه  
تسولفين بيه ادفنج منسى احفرلج كبر واخليج بي

منسى  
انته اذا زوجت ماكو. داعي تموتتي ولا تدفني اني راح  
اموت روجي

لهيب  
لج انتي شنو منين جايبه ها صلافه وهل جراعاه منسى.  
هل سالفه تنسيه وتحيرين بدروسج بابا هل سالفه طلعيه  
من راسج



كاله وهو يضرب راسي بيده  
دخل مصطفى سكت لهيب وهو ملين غضب وعاط بيه  
وهو يسوي ممنوع شوفيني وجهج يله امشي اقري

من ذاك اليوم لهيب اتغير عليه.  
ومعنى لهيب يتغير عليه يعني موتني بيده  
صح موضوع زواجه انسد ما عرف شلون بس لهيب  
صرت اصلا ماشوفه حته من ينزل مجاز  
صار اخر همه اني خلصت الرابع ونجحت مثل كل مره  
الاولى بس هو حته مبروك ماكالي  
ضليت ساكته ولاره تهدي بيه.  
جنت بيوم العصر كاعدين كانه مجتمعين عمي محمد سوه  
ثواب لابوي وجدي  
عمامي ولهيب وجديتي كاعدين بالاستقبال والكل جان  
كاعد بره بالحديقه رحت اسوي جاي  
سمعتهم يعيطون وصوتهم عالي. اول شي سمعته صوت  
لهيب من كال

لهيب

اله قنادر يمنه عمي مات قبل جدي يعني كل ورث اله  
يمنه ماكو مو راحت زوجت ومن عافه هسه كامت طالب  
بنات ورث كلشي ماله عدنه تنجب وتسكنت

عرفت امي تريدني ورايده حصه ابوي من الميراث  
بس الي ضل بالي كلام لهيب من كال كلشي مالهن عمي  
مات وحدي حي  
ماعرف ليش هيچ الكلمه بقت بالي  
اخذت الجاي وفتت عليهم انطيم هو جان يتصفح  
بتليفونه مانتبه من طببت  
غير من كال عمي محمد.

محمد

هله عمي منسى تعاي عدي سالفه وياج

هو اهتانه رفع راسه وكال بغضب

لهيب

يا به شسالفتك وياها خلي تروح عدك شي تحجي يخصه

سوالفه الي

منسى

خير عمي شصاير

محمد

عمي امج رافعه دعوه عليه تريديج

منسى

وليش تسالني عمي رأي واضح بهل موضوع واعتقد  
صار عمري ١٨ مو من حقه ترفع دعوهه اني بالغه

لهيب

هههه لا حضرتج مو بالغه بعده عمرج ماصار ١٨ انتي  
نهايه سنه متحسبلج

منسى

وهسه شنو الي المفروض اني اسوي

لهيب

ما مطلوب منج شي روجي اني اصرف

منسى

تمام بابا الموضوع يمك

تعمدت اذكر اني منو هل تعامل مو الي  
عفتهم وطلعت كعدت يم الكل جانو يسولفون ويشاقون

وضحكون بس اني بغير عالم

صح الكل هناته يحبني ومدلني بس الى متى كل واحد

بيهم اله حياته الخاصه بيه

وجديتي بعد عمر طويل اذا صار عليه شي اني اضيع

صح مرة عمي تحبني وتعزني بس اذا بقه لهيب هيچ

معادينني ويعاملني بوحشيه اكيد مراح تبقه نفسه

وامي الي عافنتي وراحت وهسه كل همه الفلوس وبعد  
الي فهمته احنه مائه ورث يعني هههه ما ورايه فلوس  
مستحيل بعد طالب بيه  
جنت بعالم ثاني صحاني صوت لهيب من كال بصوت  
عالي

لهيب  
مو جاي احجي وياج ادبسنز  
منسى  
(صحيت من شرودي الكل يباوع عليه اصلا ماعرفت هو  
ليش ييرزل بيه )  
كتله ( ها بابا ) واني تايهه  
لهيب  
(فرك وجهه وكال )  
امج اتريد اشوفج كومي حضري روح

ضليت صافنه بي معقوله صار يشوفني ثكل عليه وقرر.  
يكمل ويبلش حياته ويزوج ويريد يوديني يم امي لان لو  
عله لهيب القديم مستحيل يسمحي افكر اروح يم امي مو  
هو بيده يودينه  
احس الدموع جمعت بعيني

## نهضت وكتله

منسى

اني ماعدي ام وصاعده انام بغرفتي احس راسي ياذيبي  
لهيب

ولج بس تريد تحجي وياج واني رايج وياج لان حضرته  
رافعه دعوه عليه اتكول مبيقج يمي تحت التهديد

منسى

ومن شوكت انتة تهتم لهل سوائف. من شوكت امي صار  
كلامه اله تاثير عليك

لهيب

شقصدج

منسى

ماقصد شي اني مثل ماكتك راичه انام. وخلي هيه

اسوي الي سوي اخر همي

صعدت الغرفتي بدلت لبست تراك خفيف بعد ماطلعت من

الحمام. واكفه كدام المرايه صافنه بروحي

اني ايه جمال سبحان الي خلقتني

هواي اسمعه عيونج تسبي عربان.

بس اني ماريد كل هل عربان اني اريد شخص واحد بس

يلتفت الي

معقوله كل هل جمال مو كافي حته الفت انتباهه

صافنه بروحي شعري هذا الي جنه شلال بطولي جنت

لازمته بيدي صافنه بيه

معقوله يجي يوم وهم لهيب يحب شعري ويكلي اذا  
تكسين شعرج اكص راسج مثل ما مصطفى يكل لمرته  
اندكت الباب بالي ما جان يمه كلت تفضل لان اكيد هاي  
لاره مستحيل لهيب يفكر يجي يحجي ويابه  
بس من انفتخ الباب ودخل لهيب  
بالبدايه صفن بيه بعدين دار وجه وكال

لهيب  
بابا البسي شي اريد احجي وياج  
منسى  
بصفي جان جادر الصلا(ازاره الصلاه) لبسته وكتله  
تفضل

هم من اندار صفن بيه حته حسني اكو شي بوجهي  
بعدين فرك وجهه وسحب الكرسي وكعد كدامي  
كال

لهيب  
اسمعي منسى انتي من جنتي طفله ولهذا يومج انتي  
بنتي الي اعزه واحبه ومحد يكدر بيازيح بكلمه  
منسى  
وهسه شصار لان كتلك اني احبك تغير كلشي وصرت  
مو منسى العزيزه لا عدوه

لهيب

اسمعيني بويه راح احجي وياج لآخر مره بعقل وتفهم  
واكول منسى كبرت وصارت مره مو اعيط واصيح.  
سالفه احبك هاي تنسيه تدرين بالج عله روج ودروسج  
خوش

منسى

اهاااا ليش انتة تدري شصار ويايه العام نجحت رسبت

لهيب

ادري بكلشي واني مو بعدت متقصد حته هل سالفه الي  
براسج تشيله اني ادري بيج انتي الي بداخلج مو حب الي  
سامعه بي هذا اسمه حب تملك وشوفيني ابوج لذالك  
بعدت وخليه بالج كلته كبل وارجع اكوله هسه. اني محد  
يكدر يغرنى عليج لذالك هاي للسالفه اشيليه من راسج  
منسى

لهيب اني احبك تعرف شنو احبك. يعني مو خايفه من  
احد ياخذك مني لو يغرك عليه لا اني احبك وماريد وحده  
تاخذك مني ادري بيك محد يكدر بغيرك عليه  
بس يا لهيب اني احبك وماريد احد يشاركني بيك

هاي جانت اول مره اكوله لهيب هيچ بدون بابا بدون اي  
القاب جنت احجي وهو حسيته بديه يفور

الى ان جان رد فعله عليه كلمه ( احبك لهاب ) راشدي  
(كف).

دار بي وجهي للجبهه الثانيه. والدم طلع من حلقي  
وخشمي وهو يكول

لهاب

الضاهر ماعرف اربي ولازم ارجع اربيج من جديد

كال هذا الكلام وطلع بدون ميباوع شعاف وراه  
ثاني يوم التحق واني انزلت عن العالم. الضهر طلعت  
للستان واتجه ناح اسطبل الخيل بعد ما تركت ركوب  
الخيال من سنين  
حر البصره بتموز كافر. يعني عايف روحه الي يطلع ب  
٢ ضهر بتموز بالشارع  
طلعت اخذت الحصان وطرت بي حسيت حته هل حيوان  
يكول ارحميني  
نزلت نهايه البستان جنت احس روي راح انفجر جان  
اسمع صوت واحد كال

.....

سبحان الي خلق هل غزلان عمي البصره بيه ....

منسى

منو انتة وشدخلك لهل بستان



....  
هدي هدي اعصابج تراني مو حرامي. عطلت سيارتي  
واجيت ادور احد يساعدي وشفنتج  
منسى  
مضيف الشيخ مفتوح روحه ماكو داعي تتختل مثل  
الحرامية

هو ضحك وراح يتمشه بعد ما شافني مو مال انطي  
مجال بس الصدمه جانت من شفت لهيب متجه عليه  
بس عيونه عله الولد الي صعد بسيارته وراح  
الخوف جان متملكني لحد ما وصل يمي اني قطرة دم  
مابقا بيه ماعرف شلون جنت واكفه عله طولي  
دار وجه عليه وجان شكله ونضراته مرعبه كال  
لهيب

شسوين هنانه ومنو هذا  
منسى

(جمعت كل ذره قوه بيه حته ارد عليه لان اني ماغلطانه)  
شسوي هنانه اختنكت احس روعي تنازع وطلعت  
اما هذا ماعرفه كال سيارتي عطلانه وكتله مضيف الشيخ  
مفتوح ماكو داعي تفتت مثل الحرامية هنانه

صفن بيه وجابني براشدي احسه طير وجهي وكال

لهيب

روح من ترید تطلع خلی تطلع بغرفتیج مو هنانه  
منسی

هسه هل ضربه علمود شنو شنو غلطي لان اني احبك

من كتله هيچ رجع ضربني راشدي اقوه منه احسه يكلي  
هذا عقابج كل ما تنطقين هل كلمه

بس اني جانت حرفيا روعي جاي تطلع مني شويه شويه  
الجو والقهر الي بداخلي وكل الي جاي يصير ويبي  
ماحسيت عله روعي غير اني بغرفتي وجديتي فوك

راسي  
كتله

منسی

يمه اني شلون اجيت

الشيخه

لج يمه ليش تموتيني ناقصه عمر شطلعج بهل ضهرية

لو صايرلج شي وين ننطي وجوهنه

وهذا وجهج شبي ولج لهيب ضاريج

منسی

لا بيبي محد ضربني. بس يجوز نايمه عليه

جديتي عبرت عليه هل جذبه بس عمه مريم لا ما عبرت  
عليه واول ما طلعت بيبي كالت

ام محمد

يمه منسى انتي مثل بنتي وربج يشهد لذالك اسمعي هل  
نصيحه واخديه مني لهيب ابني اعرفه من انفاسه لذالك  
يا بنيتي ابتعدي عنه وعن الي يعصبه تره مايرحمج انتي  
شفتي حبه ودلاله لا تخلي يشوفج عذابه

عمتي بذاك اليوم انطتني رساله بس اني مافهمته

ولا فهمت لازم ابتعد بطريقه صح

وره ذاك اليوم بعد ما شفت لهيب

مره اكثر من شهرين وبلشت المدارس بس هل مره

لهيب مو ويايه ماخذني يجهز الي مثل كل سنه بس لازم

اطلع

لاره كالت انروح اني وياج وامي شسوين لعد كتله ماشي

بس خلي اخبره لا يعرف اني طالعه وهم يسويلي مشكله

وجانت اول نصيحه غلط اخذه من لاره وهو شعليه.

مو شال ايده منج. لا كونه هههه ابوج ولا قبل بحبج هو

شعلي

مشيت وره لاره بس اني جان قصدي شي ثاني

رحت وياها اني وامه اخذت فلوس من الي عندي لان

بيبي تنطيني مصروفي من العام او بالاحرى من اللحضه

الي كلت بيه لهيب اني احبك

رحت اشتريت كم شغله مالي نفس بكلشي

الطلعه وياهم ماتشبهه الطلعه ويه لهيب ويه لهيب احس  
روحي طير حر مثل فراشه اظير من ورده لورده  
بس هسه الدوام بعدله يومين واني كلشي ماكو  
اصلا رحى لكيت المحلات شبهه مخلصه هل سوائف  
صداري وقمصان باقيات شكو شغله لعبان نفس اني حته  
ما باوحت شخدت لاره اشترلتي بس دفعت الفلوس  
رجعت للبيت ذبيت الغراض بالغرفه ورحى لجديتي مددت  
بحضنه ونمت

احسه تحس بعذابي

جانت تمسح على راسي لحد ما غفيت سمعت صوته

مادري اني حلمانه لو صاحيه

بس سمعته من كال لجديتي

لهيب

خلص اخطبيه الي بعد ما بيه مجال انتضرت هواي كافي

عاد

الشيخه

وهذا احسن قراري سوي يمه. عين العقل كلامك

صبح الصبح واني احس روحي خلص بعد خلصت ماضل

شي حته اعيش لخاطره

جنت توني كاعده افرك بعيني الي ورمت من السهر

والبجي جان اشوفه بوجهي والغضب واضح عليه

يا ستار هاي هيح صارت شوفتي تغته وتعكر مزاجه

جان يلزمني من زندي كله قوته وكال

لهيب

انتي منو سمحلج طلعين من البيت واني مادري

منسى

( اهااااا هنانه الحجي نكسرته حبايه ) جريت ايدي منه

وكمت واني مابيه حيل افتح عيوني كتله

باجر دوام وماعندي كلشي جنت مجبوره عل طلعه

مارحت لا مطاعم لامولات لا متنزهات مازلت خاضعه

السجنك يعني من طلعت مجبوره سامحني بحق كل هل

سنوات الي جنت اكلك بيه تم وحاضر

من حجيت هيچ هو ضل صافن عليه بعدين كال

لهيب

يا سنه اني عفتج بله تجهيزات

منسى

ان شاء الله منا وهيچ. يله شيخ اعذرني من رخصتك

اريد اروح. اغسل وجهي واساعد عمتي بالريوك

عفته وصعدت لغرفتي. فتحت الباب وفتتت

لكيت علايك هوايه عل جربايه شنو هاي فتحتهن ملابس  
مدرسه وطلعه من أرقى مايكون وقرطاسية اخر ماركات  
عرفته هو جابهن بس فضل يجيبهن وحده حته يبعدي  
عنه

اووووف يا منسى هيچ صار تاليج لهيب يشرد منج  
بذاك اليوم قررت مستحيل بعد ابقه وياه بنفس البيت.  
العصر حجيت ويه مها اسال عنه شلونهم كالت

مها

عائشه باحسن مايكون بس كل همي انتي  
اني عل اقل جدي اشترالنه بيت وكعدنه احنه وامي بغداد  
بيت مرتب ومدلله عائشه بس انتي الي كاعده تحت رحمه  
هذا وذاك

منسى

شهل حجي شنو رحمه هذا وذاك

مها

منسى تره قبل جنت اكول خلي عاد عل اقل وحده منه  
تعيس بحق ابويه بذاك البيت  
بس حسب كلام ابن عمج انتي عاليه عليه هو الي متحمل  
مصروفج واحنه ماله اي حق بميراث ابويه. لان هو  
توفه قبل جدو

وامي من سمعت هيچ ماقبلت تبقين وياهم كالتله بنتي  
مسوالياي بس هو ماقبل كالله اله اكسر خشمج بيه مثل  
ما عفتي البيت وطلعتي

حجت مها بعد هوای اشیاء بس انی ضل بالی یم انتی  
عاله علیه هو یصرف علیج  
صح هو مامجبور بیه صح انی عالہ صح هذا کلام لهیب  
انی سمعته باذنی من کال هل کلام لعمامی مها ماجذبت  
ثانی یوم رحل للمدرسه بس انی بغير عالم  
رجعت حجیت ویه مها کتله ارید اجی یمکم  
کالت مستحیل لهیب یخلیج تجین  
کتله اشرد منه مابقه یمه  
حجیت ویه امی کالت راح اجیلج ورقه قبول من مدرسه  
یمنه وحضری روح الخمیس اخذج یمی  
جنت اعد الايام لموتی  
والی کتلی اکثر شی من سمعت کلمه الخمیس اخطبه  
یعنی الخمیس اخر یوم الی بهل دنیا  
اخذت کل کتبی بالجنطه وماخذت ولا قطعہ ملابس کل هل  
اشیاء هو جایبه الیه ماریده حته هذا التلیفون ماریده.  
سویت تسجیل خروج من کل برامجی وکسرت الخط  
وظلعت للمدرسه امی جانت مکمله اوراق نقلی وجایبه  
والموفقه  
رکبت سياره ورحل ویاها. وصلنه بغداد تقریبا العصر  
رغم کل الی صار ویایه بس خطیه بیبی. شنو ذنبه راح  
یضل باله علیه.

بليل اتصلت بيه من تلفون مها بله محد يحس لان امي  
كالت بعد ممنوع تحجين وياهم

الشيخه

الو منو

منسى

بيبي هاي اني

الشيخه

ولج يمه وينج يمه فدوه رحتلج سالمه انتي مايبج شي

وينج يابعد حيلي

منسى

اهدي بيبي اهدي فدوه مايبه شي اني يم امي رحت يم

امي

من كنت هيچ سمعت صوت لهيب كاله اساليه راحت جبر  
لو هيه راحت طلعت من البيت بدون علم احد شردت من  
البيت اساليه ياكواد هذا الي اخده لامه ويامن شردت  
كلامه جان مثل سجاجين معقوله هيچ شايفني شردت ويه  
واحد ورحت لامى واني لآخر لحضه اكله احبك اخذت  
نفس بقوه وكتله



منسى  
كليله ماشردت ويه احد اني قررت من سبوع اعوف  
البيت وكلت لامي وكملت اوراق نقلي وهيه بنفسه آجت  
اخذتني  
كليله خلصته من همي من مسوليتي وبطلت عاليه عليه

كلت هل كلام وسديت التليفون. بذيح اللحضه قررت  
خلص شي اسمه لهيب صفحه ونطوت

قررت ابدي بحياة جديده واول ما فتحت عيوني بصباح  
يوم جديد نزلت دمعتي واني اذكره من جان الصبح يقول  
يله اكعدي بويه ماعدي بنات كسلانه وراح مدرسه  
وانكر كلامه اني عاليه عليه يعني شكك تحملي كل هل  
سنوات

يعني معقوله هيچ اني جنت مثيره للشفقه لدرجه خلته  
يشفق عليه بهل طريقه

كلامه من كال الجديتي لازم اخطبه انتضرت هواي  
يعني اني اصلا جنت سبب بعده عن انسانه يحبه  
ومختاره

معقوله ماجنت اشوف كل هذا

بدلت ملابسي وطلعت للمدرسه أتفاجات مها تروح  
للجامعه بله حجاب  
وامي كالت انتي هسه مو بالبصره البسي الي يعجبج  
مامجبوره اتلبسين حجاب لهيب هنانه ماكو  
بس اني اليوم لابسه الحجاب لحبي اله مو خوف من  
لهيب  
اخذت جنطتي وطلعت للمدرسه اول مره اشوفه  
ناس اول مره اتعرف عليهم  
مر اول يوم عادي واول سبوع الي ان فد يوم  
جنت راجعه من المدرسه اتاخرنه المدرسه اخذته درس  
اضافي  
رجعت وحدي ساعه ٢ ونص ضهر  
جان اكو شاب لح هوايه يتغزل ويتحرش  
ماعرف ليش اذكرت لهيب شلون جان محد يجراً مجرد  
يفكر يباوع عليه كله تعرف اني منو بت الشيوخ شحده  
الي يوصل لشي يخص الشيخ لهيب  
كعدت عل رصيف واني ابجي من كل كلبي  
حته الولد انصدم اقترب وكال

.....  
خير شبيج تره ماسويتلج شي

منسى  
روح منا عوفني

....

بابا ليش تبجين بعدين ياغبى يعوف كل هل جمال

منسى

والله جاي ابجي عل حضي لاغير الي خله وحده مثلي

جان الكل يخاف بياوع عليه واحد مثلك يجرأ ويوصله

لبيتهم

عفته وكمت واني امسح بدموعي

رجعت للبيت امي جانت نايمه ومها بعده اصلا مرجعت

من الكليه سبحت ورحت لفراشي

فتحت تليفوني ودخلت عل انستغرام دخلت عله صفحه

لهيب ضليت اكلب بصوره دخلت شفت الستوري مالتة

مخلي صورته واكف يم لفرس الي جابه الي وكاتب (

لاحد يستحق شي فلا تقدم لاحد شي )

ماعرف ليش حسيته يقصدني

اني حسابي عام واصلا مابي اي شي يدل عله هاي اني

لا اسم ولا صوره

سويتله متابعه

مرت الايام وراحت

بس هذا الولد بعد ماشفته صارت عطلت نصف

السنة. اخذتني امي اني ومها لاربيل كالت حلو الجو هسه

ثلج واجواء

رحنه احنه وبيت خال امي

بس ذيج السفره جانت بدايه لعذابي ابن خال ماما بعد  
ذيج السفره من شافني قفل اله منسى وامي اتحاول ويايه  
بس اني قفلت هو اني تركت البيت لان ماكدر اشوف  
لهيب ويه غيري اجي اروح ازوج واحد ثاني  
من هذا اليوم بدت امي تتغير عليه  
صرت اني وياها عبالك بحرب  
خلصت السنه والحمد لله نجحت مثل كل مره من الاوائل  
خليت نتيجتي ستوري بس ما بينت اسمي  
بليل دخلت اريد اشوف منو شايفه الي صدمني لهيب  
شايف الستوري  
حسيت كلبي راد يطلع من مكانه عبالك مدري شمسويه  
ولا عبالك هو اصلا مايعرف اني منو  
بعدها نسيت السالفه امي شنت حرب عليه اله زوجني  
اني كتله خلي نروح نزور للنجف  
ماعرف شلون قبلت واخذتني ورحنه صدك وراها رحت  
للمقبره اخذت صوره لكبر ابوه  
ونسيت اني لهيب متابعتي ومرات يشوف ستوري  
نزلت الصوره وكتب (ابنتك بحاجتك)  
جنت هاي اول مره بحياتي بعد موت أبويه حرفيا احس  
اني بحاجه لاب

من رجعه بليل خابرتني جديتي عله مها لان ماعده  
رقمي

ما عرف شحجن بس مها كالت بيبي تريديج لحمد لله امي  
جات كاعده هيه وخالتي مو يمنه

منسى

الو

الشيخه

هله بهل صوت شلونج يروح جديتج

منسى

هلو بيبي الحمد لله والله مشتاقتلج موت

الشيخه

انتي لو تعزيني صدك مارحتي وعفتيني

منسى

تدرين بيه شكدا اعزج وتدرين روعي بهذاك البيت بس

، .. عوفينه من كل هذا بيبي. شلونج

الشيخه

اني زينه بس بالي يمج شلونج

منسى

زينه الحمد لله وهم طلعت الاولى.

الشيخه

مو جديده هاي بجده الف مبروك يروحي

منسى

يمه اليوم رحت للنجف زرت ابوي

الشيخه

ادري بيچ هل خابرت اريد اشوف شلونج

منسى

شمدرىج مها كالتج

الشيخه

هااا اي مها كالت شلونج زرتي. ابوج

منسى

ي يمه زرتة ولاول مره احس روعي صدك يتيمه  
وبحاجه اب. يمه حسيت روعي نفسني ذيج الطفله الي  
كاعده باب البيت ومتقبل تصدك مات ابوهه

الشيخه

ليش يروعي محتازه شي فلوس احد مضوجج احد  
مسمع حاجايه

منسى

ولا وحده منهن جده ولا وحده. بس حنيت لابوي  
شسوي.

الشيخه

اووووف يجده ياريتج مارحتي بذاك اليوم الاكشر

منسى

ههههه يمه ادري شقصدج ادري قصدج لهيب بس يمه  
اني مو بنته وهو مو ابوي لشوكت يضل رابط روجه  
بيه. والصراحه اني ملبت من شفقتة عليه  
خليني اشوف حياتي بعیده عن ضله وصدكيني مامتدنه  
عله طلعتي ولا اني الي منتضره يجي يوم ويسامحني بي  
لهيب لان عفت البيت بدون علمه

بعدي مامكنه كلامي وطبت امي سويت روجي احجي  
ويه صديقتي وراها سديته حته بدون ما اودع بيبي  
لان امي مانعته من نتواصل ويه عمامي  
وراها مرت الايام. وكل عاده اني ارقب لهيب من بعيد  
لبعيد.

كل الطلاب بالعطله دخلو محاضرات تقويه علمود  
السادس واني حرب ويه امي الي وصلت بيه مرحله  
تحبيني بالبيت اخذت مني تليفوني  
صرت حرفيا اعيش الجحيم. لو تزوجين هذا لو تزوجينه  
ماكو غير. اختيار  
ومها صافه وياها كله حبايه وكالت عده فلوس يطلعنه  
من هل فكر

مره مها كالت ازوجي وضمني مستقبلج تره امي ماتكدر  
تدفع تكاليف دراستج وانتي رايحه علمي  
ماعرف شلون بيوم وليله صرت مخطوبه  
مثل الي حطو بركبته طوق الاعدام  
ماريده اعيط اصيح محد يسمع مني صرت من صدك اشك  
بيه هاي امي صرت اخاف من كلشي الطلاب بلشت داوم  
من سبوعين واني حابستني بالبيت من تزوجين كملني  
يمه

صرت بشر عايش بله احساس  
صافنه بروحي واني لابسه البدله البيضه دقايق تفصلني  
عن موعد موتي

جنت اتمنه اكو طريقه اوصل بيه لهيب واكله اسوي الي  
تريده بس خلصني

شفت بت خالتي زغيره بيده تليفون امه  
دون محد يحس اخذته منه وخليته جوه الماسكه مال  
الورد الي بيدي

وكلت لمها اريد افوت للحمام. كومتني اني وبدلتي وهيه  
دردم

اول ما طببت للحمام قفلت الباب ودون تردد اتصلت بلهيب  
اتصلت تلت مرات يله رد بصوت ناعس [?]

منسى  
( ضلّيت ساكته بس صوت انفاسي مسموع ) خايفه شنو  
اكله

لهيب  
احجي شبيج شكو متصله شتردين

منسى  
( عرفني من انفاسي عرفني )

اسوي الي تريده عسما تحولني خدامه بس انقذني محد  
يخلصني غيرك

لهيب  
شصاير وياج

منسى  
اني حابسه روعي بدله العرس بالحمام وانتة كيفك بعد

لهيب  
آخذ نفس بقوه وكال



## احصدي زرعج بيدج

مستحيل جنت اصور هذا لهيب كعدت مصدومه 😬 هذا  
بيوم جان يكلي بنتي  
ضليت كاعده بالحمام فاصله عن العالم  
يدكون بالباب يردون اصلا ماكدر افتح الباب  
ماعرف شكدر مر من الوقت انكسرت باب الحمام ودخلت  
مها وامي الكل يباو علي بصدمه  
يسالون يحاولون ويايه بس اني بغير عالم  
جانت الساعة ب ٢ ظهر والزفه المفروض ب سبعة  
يزفوني للقاعة كاعده والعالم تتفرج عليه  
وراها اخذني خالي بسيارته حته نروح للقاعة ومناكه  
يزفونه للفندق  
دخلني لغرفه بالقاعة حته يرتبون شكلي وهم يجي السيد  
يعقد النه  
لان اني ماعقدت سيد امي خافت لا ارفض او اسوي شي  
سمعت صوت طلق وهوسه بس اني اخر همي اني متنت  
خلص بعد  
جنت كاعده بدلتني سائده راسي عل حايط ومغمضه  
عيوني  
ماعرف شلون طلعت مني كلمه  
( اكرهك لهيب )

.....  
كومي فضيني

فتحت عيوني واني اسال نفسي هذا صوته لو اني اتخيل

لهيب

كومي فضيني علساس ميت عليج حته تحبيني

منسى

لهيب هذا انتة

لهيب

هذا العار عاقد عليج لو لا

منسى

( نهضت واني ماعرف من فرحتي شسوي شمريت

روحي بحضنه مثل ايام الي جنت طفله واركض الحضنه

جنت ابجي بحركه )

كتله لا

لهيب

يله كدامي هاي دموعج ماعد اله تاثير يمي انتي ورقتج

محروكه

من كال هيچ ابتعدت ورجع الماضي براسي بتعدت

سحبني من ايدي ونزل وهو بيده سلاحه

جان السيد واكف كدامنه جان يكله انتہ جابوك تعقد  
لعرسان وهاي احنه  
امي تخبلت هو كبل سحب اقسام وكله افرغ شاجور  
براسج  
اني جنت بصدمتي حته مادري شلون كلت موافقه  
اخذني وصعدني بسيارته جان مرتضى ومصطفى وياه  
بالصدر هو كعد يمي ليوره  
ماعرف شلي جاي يصير يعني هسه اني مرة لهيب بس  
شنو يعني  
من وصلنه بيت جدي طببت اني وبدلتي بس لهيب جان  
مخلي مدري شنو عله راسي اصلا مانكر شوكت خلاه  
امه اجتي تركض هيه وجديتي ولاره ونسوان عمامي  
عبالك كله تنتضر جيتنه  
شمرني بنص الكل واكال. من اليوم هاي خدامه الكم  
هنانه لاحد يفتح حلكه ويكول بت خوانه وبنبت عمه وهل  
سوالف  
والي يكول مالك حق لا اني ابو الحق صارت مرتي  
لاره اخذتني وصعدتني لغرفتي ذبيت البدله ومشيت  
للحمام  
ضليت جوه المي لحد ما خلص بعد ماكو مي طلعت لبست  
اي شي كدامي  
وشمرت روعي بفراشي  
نمت ماعرف شلون  
كعدت لكيت روعي بالمستشفى وببيبي ولاره يمي

الي فهمته حرارتي مرتفعه وضغط هابط  
ماهتميت رجعوني للبيت الي صدمني من بقت لاره يمي  
وكالت

لاره  
ليش سويتي هيچ جنتي تكولين احبه واموت عليه ماكدر  
اعيش من دونه ليش من قرر يخطبج وصيرين اله  
فشلتني كدام الكل وعفتي وشردتني  
تدرين شصار بي من بيوم الي شردتني شفته مفرح مثل  
الطير المذبوح وهو يدور عليج

منسى  
شقصدج منو الي يريد يخطبني

لاره  
لهيب غير منو. قابل  
منسى

انتي تحجين صدك لو تشاقين

لاره  
لا والله حته بالحضه الي عرف بيه انتي يم امج كال  
لجديتي هاي احتركت ورقته يمي  
وراها ماعرف شصاير انتي راичه لكبر ابوج مدري  
شلون وهو كال لجديتي  
بيه شي خابريه شوفيه  
بيومه جديتي كالتله بعدك تحبه يمه رده الك

لسه اذكر كاله لو حياتي عليه بعد ما التفت الاله الصراحه  
استغربت شلون راحلج من خابرتي.  
لان هو كال لمصطفى ومرضى روجو جيبوهه يعني هو  
ماراد يروح

لاره جانت تحجي واني سحبت الغطه وغطيت راسي.  
نمت مثل جنين بطن امه  
ياريت ميته وخلصانه ولا شوف نضرات الكره والحد  
بعيونه  
ثاني يوم صحيت عله صوت عياطه وهو يسوي وينه  
العروس عيني  
عرفته يقصدني  
انطاني محاضره شطوله شعرضه اني صافنهه بعينه  
وهو يحجي كل الي كالهن الي مابيهن منسى روجي  
للمدرسه  
هاي فعلا اوامر لوحده خدامه  
كال هيچ وطلع وراها كل من راح لغرفته واني بلشت  
تنضيف وسويت غده لان هو هدد الكل محد يساعدني  
رحت اودي جاي لببي كالت

الشيخه

من باجر ترحين للمدرسه

منسى

ولهيب

الشيخه

جاي اكلج مدرستج

منسى

يمه ولهيب

الشيخه

يدري سخام يدري هو كال.

بعد ذاك اليوم ماشفت لهيب بس اسمع صوته اسمع  
اخباره جنت اخلص شغل البيت بليل واسويلهم غده عود  
اكعد ادرس رغم مره عمي ولاره ميقلن بس خلي هذا  
عقابي

جنت اجاهد جهاد ويه السادس لان بالمدرسه ميشرحون  
هوايه مثل قبل كون طلاب السادس كله داخله محاضرات  
مره جان عدي امتحان كيمياء والموضوع صعب 😞  
انجبرت اكل لاره اريد تليفونج اريد اقره عل يوتيوب  
جنت كاعده اقره عليه ومندمجة بعد ماكملت كل شغل  
البيت صارت الساعه ب ٣ ونص واني كاعده بالمطبخ  
عل ميز لان كل شويه اريد جاي ومابيه حيل اصعد وانزل  
جان اسمع صوته وهو يكول

لهيب

منو جابلج تليفون

منسى

هاااا محد هذا تليفون لاره

عصر يدي بيده جنت لازمه القلم وهو عصر يدي احسه

كسر اصابعي جان يكول

لهيب

اذا مره ثانيه اشوف تليفون بيدج اكسره

منسى

والله جنت اقره عليه ماقتهم

لهيب

الضاهر كلامي الج مجان واضح

منسى

الخدم هم عدهم تليفونات

من كتله هيچ عصر وجهي بيده احس كسر فكي وهو

بياو علي بغضب كتله

منسى

ليش متريدني الزم تليفون

لهيب

كيفي





طلعت من المطبخ صار لهيب بوجهي دنكت راسي  
وكملت طريقي  
وراها بكم يوم جنت كاعده وحدي بالبستان  
جان تجيني لاره

لاره  
ولج لهيب كلب البيت يدور عليج  
منسى  
ماشي جايه

اول مادخلت انطاني محاضره وختمه بعد ممنوع اوصل  
البستان. وصعدي حضري جنطتي لازم التحق  
صعدت لغرفته  
بديت احضر بملابسه واخلي اشياؤه بالجنطه تليفونه جان  
عل شحن  
اجته رساله الفضول كتلني حته اشوف باوحت عل شاشه  
الرساله من رقم بله اسم (انتضرك حبيبي اليوم مو تتاخر  
والله شتاقيتلك)  
ضليت صافنه كعدت بالكاع انتجيت عل حايط  
شسوي وين اروح. ربي شسوي. امووت والله امووت  
حته دموع ماضلت عدي

هو دخل للغرفه من شافني كاعده بهل طريقه عكد حاجبه  
كتله واني اكوم

منسى  
دير بالك تكسرنى لهيب اتحمل اذيه من الكون كله اله  
انتة خليه بالك انتة حتة اذا تتنفس بغضب يمي تجرحني  
لهيب  
اطلعي بره  
منسى

اذا جان الك نيه تكسرنى هيچ كسره ( واني اباوع عله  
تليفونه )  
ليش رجعتني لعد  
لهيب  
اكسرج شنو ولج انتي منو حتة تحجين هيچ تره سانتيم  
بحياتي مكان مالح  
منسى  
تمام الي عندي كتله

عفته وطلعت سمعت صوت تكسير غراض ونزل شايل  
جنطه بيده وطلع حتة ماسلم عله احد  
مرت الايام وطلعت نتايج نصف السنه جنت طالعه ب  
اربع دروس وجديتي كاعده تبجي شلون هيچ اطلع  
وتتعي اني اخر همي  
كتله

منسى

بله هسه لو طلعت ميه شراح يغير

الشيخه

يول شنو شيتغير هذا مستقبلج انتي جنتي طلعين الاولى

جنت اكعد اتباها بيچ بين العالم حفيدتي الاولى

منسى

يمه كملت كل شغل البيت وصارت ساعه ب ١٢ بليل

خلي ارواح انام

طلعت من غرفه جديتي شفت لهيب مرتكي عل حايط باب

الغرفه تعديته وطلعت هذا شوكت رجع مو جان بالدوام

مانمت ذيج اليله واني افكر شنو مصيري

كعدت الصبح من وكت قبل الكل جان يوم جمعه

سبحت وبدلت ملابسي ونزلت يم بيبي كعدته وهيه

مصدومه اني جنت اذا ما عرف احل مساله اخلصه بجي

سويتله ريوك عمي محمد كعد عود زعلان عليه ميجبي

وياي شلون اطلع ب ٤ دروس

مصطفى ومرضى يسولي كسوله

نزل هو كعد. عل ميز بس ساكت جان مره عمي اتكول

ام لهيب

ولج جنتي سوال ماتعرفينه تشبعين بجي شلون طلعين ب

٤ لهسه مامصدكه. البارحه اني وعمج ضلينه صافنين

محمد ( ابو لهيب )

والله يا منسى امرج غريب عمي لهسه مامصدك انتي الي  
تكلبين الدينا. شلون هيچ ضحكين

منسى

هههه عمو كبرنه يا مدرسه اصلا دافكر ابطل اصلا اروح  
للمدرسه ماعرف شتشرح طب صيح وتطلع تصيح وكله  
صايره احزاب

وحده تكل لثانيه شلون مادخلتي يمي

الشيخه

انتي تريدن تموتيني لو شنو شنو تبطينين

منسى

والله احسن من الفشله يمه تخيلي نطلع النتائج والعالم  
كله شوفه وتجيح اقوه شي خمسين ب سلاميه

شيخه

كومي كومي لا بارك الله بيج

كمت بست راسه واني اضحك وطلعت. من المطبخ  
وبداخلي انزف.

دخلت لغرفتي انتضرهم يكملون ريوك حته اروح انضف  
المطبخ واشوف شسوي غده

وهيچ مر اليوم

بليل حسيت روحي ماكدر بعد اني مو شاطره بالتمثيل  
نزلت حته انام يم جديتي

رحت سحبت الغطه ومددت بصفه وهيه تلعب بشعري

وراها عادي رجعت للمدرسه لان ما قبلت لا هيه ولا عمي  
محمد اترك المدرسه وامتحتت وازري

وجبت

اسلاميه ١٠٠

عربي ٦٠

انكليزي ١٠٠

رياضيات ٣٠

احياء ٩٠

كيماء ٤٠

فيزياء ٥٤

جانت نتيجتي صدمه لكل منسى هاي الي هيچ درجاته  
اني اصلا ماجنت انتضر النتيجة جنت كاعده اشرب جاي  
اني وعمتي وجديتي اصلا مادري اليوم النتائج  
بس لهيب شايل تلفونه ويفتر وكل شويه يباع عليه.  
حته خوفني شبي هذا معقوله اني مسويه شي  
وراها كعد فرك وجهه وعاطبيه اجيله مي. هذا شبي  
تخبل عليه  
جبته مي وطب مصطفى كال

مصطفى

انتي بالعطله ماخذتي محاضرات

منسى

شقصدك

مصطفى

بالعطله الصيفيه مادخلتي دروس تقويه

منسى

لا

مصطفى

ليش

منسى

جنت محبوسه هههه امي مقبلت كالت يم رلج تكملين

جانت تخاف لا اتواصل وياكم

مصطفى

اهااا زين شفتي نتيجتج

منسى

ليش هيه اليوم

مصطفى

اي تعاي شوفيه

كعدت بصف مصطفى شوفني النتيجة بالتليفون احس

عيوني نملت دموع بس ماريد احد يحس عليه

نهضت واني عود مبتسمه

كتله

منسى

عادي واذا. حته بعد عدي عذر من ماروح للمدرسه

عفت وصعدت لغرفتي حبست روحي والله تعبت كومه  
قريت بس شسوي ماجنت افتم وحدي مدرسين المدرسه  
جانو بس بالاسم مدرسين هاي الاسلاميه وانكليزي لان  
عل طالب جبت بيهن ١٠٠ بس البقيه لازم اكو مدرس او  
عل اقل احد يساعدي

شبعث بجي  
بليل جنت غافيه بدموعي حسيت بيد تمسح عله راسي  
فتحت عيوني لكيت بيبي كالت

الشيخه  
تعوضيه سنه الاخره انتة طول عمرج الاولى مارضه  
بغير هل شي  
منسى  
نروح للنجف بيبي

الصبح صاحتني كالت يله بدلي نروح للنجف  
صدك بدلت وطلت اني وياها وعمي محمد  
رحت زرت الامير وراها رحنه للمقبره زرت ابويه.  
ورجعت عمي محمد جنه كلنه كاعدين عل عشه. وكال

الشيخ محمد

منسى عمو

منسى

ها عمو

شيخ محمد

السنة راح ترجعين لمدرستج القديمه يعني رجعتي  
لمدرسه الاهليه وهم. خليتلج مدرسين خاصين لاربع  
مواد عربي وكيمياء وفيزياء ورياضيات

منسى

ماله داعي عمو اني مدارس بعد

الشيخه

مو بكيفج ترجعين وراسج فوك رجلينج

الصراحه فرحت بداخلي لان راح اقدر عل اقل احقق شي  
بس جانت غصه بداخلي مو لهيب الي وفرلي هل اشياء

بلشتك بالمحاضرات من شهر السابع بالنسبه للبقية اني  
مبلشه متاخره بس احس روعي بلشت اسيطر  
جنت راجعه من المعهد مال دروس التقويه شفت هوسه  
باب البيت خفت ماعرف شبيه

طببت الوجوه تضحك الحمد لله 😊 ماكو احد مات  
من شفتمهم يضحكون ضحكت لاره كالت شكو ضحكين  
كتله



منسى  
هههه مو شفت هوسه باب البيت خفت بس من شفتكم  
ضحكون لا الحمد لله يعني محد ميت  
لاره  
لا يجوز انتي متي

من كالت هيج بسرعه ماعرف ليش باوحت عله لهيب  
الي جان يباوع عليه من اول ما دخلت حتته وترني كتله

منسى  
شقصدج  
( كتله واني اباوع بعيون لهيب )  
لاره  
عمتي ومريم وجديتي هستوهن اجن راحن خطبن لهيب

اهاااا يعني قرر يدفني واني عايشه حاولت اسيطر عله  
روحي رحت لغرفتي دخلت سبحت بدلت ضليت بغرفتي.  
ماحسيت عله روعي غير ساعه ٢ ونص بليل  
كمت رحت فتحت الباب ودخلت عليه هو انصدم من  
شافني وعصب كتله

منسى

اخر مره راح افتح هل موضوع وياك. اخر مره

لهيب

شكو

منسى

حابه اعيش والله متمنيه اعيش مثل كل البنات

لهيب

ومنو لازم عيشي

منسى

لهيب انتة. انتة حياتي يعني اذا تخليت عني ماكدر بعد

اعيش

لهيب

بابا الى متى راح ضلين بهل سالفه كم مره تردين بعد

ارفضج خلي عدج شويه كرامه تره كبرتي هسه انتي مو

مراهقه

منسى

لذالك جاي اكلك هيچ لهيب اترجاك. عاقبني بكشني

بس مو انتة. كلشي ولا انتة.

لان راح شيل خطيتي عمرك كله

لهيب

لا شيل خطيتج ولا انفه لوحده مثلج. رفضتني وشردت

من البيت وخله راسي بالطين

منسى  
شلون ارفضك واني اول ما فتحت عيني عليك. انتة اذنك  
تسمع شتكول  
لهيب  
منسى لو اشوفج تموتين كدامي اعوفج واروح

نهضت من يمه نليت روعي هواي احس روعي خلص  
هاهيه جان بداخلي الم مو طبيعي كتله

منسى  
ياريتك عفتني يم امي وماجيت  
لهيب  
لازم جان عاجبج العريس.  
منسى  
يمكن جنت بيوم اقدر اعيش وياه طبيعي  
لهيب  
منو لازمج روعي عيشي حياة طبيعه بعيده عن لهيب  
وججيمه  
منسى  
هههههههه واصل مرحله مضحي بيه واني عله ذمتك  
هيج صاير سعري رخيص يمك

لعد شببيه قبل ماجنت منتبه لهل شي ليش ما جنت  
اشوف اني شنو عندك  
رغم تعامل مافرق انتة انتة من يومك  
ليش ماجنت اشوف. اني هيح عدك معقوله. جان حبي  
الك عاميني

لهيب

وهسه شنو من بطلتي تحبيني شفتيني عله حقيقتي  
منسى

لا بس يكولون من توكع بحفره اليد الي تتملك هيه  
بس الي تنقذك الي ينطيك اقتراحات للنجات هذا منافق  
لهيب

ي وكتشفتي هسه اني جنت وياج منافق  
منسى

شماجنت تكون الك فضل عليه حته لو جنت مجبور. بيه  
هم الك فضل عليه

اخذت نفس قوي وكتله وياريتك عايفني. بذاك اليوم  
بمهب ريح ولا لازم ايدي

تركته وطلعت. من غرفته بيومه. مسحني لهيب من  
حياته. الصراحه لآخر لحضه مجنت مصوره اني هيح  
صفر يم لهيب

جنت مصدكه هوايه اشياء  
وماخذه موضوع رفضه الي يعتبرني بنته اخته

ابد مجنت مصوره يشوفني ثقل بحياته وماصداك اول  
غلطه الي ماصداك حته يمسحني  
رحت لغرفتي جته بله روح  
من اليوم بعد ماله حكم عليه . مستحيل بعد اليوم. يجي  
يوم اسمع بيه صوت لهيب شيكول او شيريد  
ثاني يوم كمت من فراشي واني افكر بعقل منسى اجتجت  
فرصه اضمني مستقبليج مادام جديتج وعمج وياج. اذا  
صار لهم شي تنمسيحين من الوجود  
رحت للمعهد صرت احضر المحاضرات الصباحيه حته  
بليل اضل اقره. رجعت ساعه ب ٣ العصر لان حضرت  
كل المحاضرات وحده حسيت لازم اعيده من آجو البنات  
الي بغير وقت لذلك رجعت متاخره  
وبما انو السايق والسياره جانو لهيب مارجعت بيهم من  
رجعت لكيت لهيب واكف بالباب  
من فتت من يمه سحبني من ايدي لطشني بالحايط وكال

لهيب

وين جنتي لهسه ولبش مارجعتي ويه السايق يكول  
صارت ب ١ ونص وماطلعت

حجه حجه بس رادني ارد عليه ما نطقت حرف طلع  
عمي عله عياطه  
سحبني من ايده

## دخني جوه كال عمي

الشيخ محمد

بابا وين جنتي

منسى

عمو بالمعهد. اكو محاضره مجنت مفتهمه كم شغله بيه

وعدته ويه الوجبه الثانيه

الشيخ محمد

لعد ليش ما انطيتنه خبر بابا ضل بالانه

منسى

عمو شلون انطيك خبر تليفون ماعندي

شيخ محمد

العصر لهيب يجيلج

منسى

ماريد عمو اي شي من لهيب ماريد

لهيب

انطيني اياها خلي اعلمه شلون تحجي

منسى

عمو اني لهيب من جابني هنانه عقد عليه عله اي

ساس وليش وشلون ماعرف. لذكك عمو اريدك تخلي الله

بين عيونك وتحكم بحق الله. وتخلي طلكني لان هو سوه

هل شي حته يتحكم بيه واني زين تعرفني عمو ما اطلع

عنه شوركم من جنت طفله عفت امي وضليت وياكم

من حجيت هيچ لهيب حرفيا صار لهب يسعر بس عمو  
كال

شيخ محمد  
يجرالج بابا الي تردينه اصلا لهيب خطب يعني هل سالفه  
واكفه بت العالم هم شنكله واصلا انتي وين ولهيب وين  
بعدج طفله  
منسى  
تمام عمي اني صاعده لغرفتي

عفت الصاله شعج جحيم من عيون. لهيب. اسمع صوته  
عالي ومادري شجان يكله عمو وئيش هيچ صوته اني  
سبحت. ونمت بدون غده  
كعدت المغرب. صليت ونزلت يم لاره كالت

لاره  
شنو فلمج حولتي البيت جحيم

منسى  
ليش شكو  
لاره

مادري بس انتي من جهه وابوي من جه ولهيب جنه  
عمي محمد راح يتخبل من وراكم

منسى  
ليش  
لاره

أبوي كمل البيت ويريدنه نطلع بيت وحدنه يكول كافي  
صرت شايب واني بيت ابوي  
وعمي محمد ميقبل. ولهيب مدري شبي عمي يكله انتة  
ماتحترمني

وانتي شنو سالفه طلكني مو جنتي كاتله روح عليه  
منسى

واني ويني هسه لاره شوفني وياه تره لهيب بايعني  
بسعر الاتراب.  
لاره

متعرفين الله شنو ضامج غلسي هسه عله سالفه الطلاك

سويت صدك مثل مكالت لاره بس اني صرت اصرف عله  
اساس ماكو شي اسمه لهيب



بيوم جنت حاطه كتبي اقره بالبستان جان قبله بيومين  
لهيب لبست حلقات بس ماشفته لان اكيد خلصت ذاك  
اليوم ابجي بعرفتي  
جنت جاي اقره احاول اشرد من واقعي الاسود بالدراسه  
جان اسمعه يكول

لهيب  
اني كم مره كتلج ممنوع دخلين البستان

سويت روي ماسمعه خاصه اني مخليه  
هتفونات باذاني. بس اني سمعته من حجه  
بس من جرنني من ايدي صدك خفت وجفلني  
ضليت صافنه بيه جريت السماعات من اذاني كتله

منسى  
وخر اذيت ايدي

لهيب  
اني شكايلاج

منسى

هاااا

لهيب

انتي شنو صايره سوين شغله اعناد

منسى

شنو عله شنو اعناد

لهيب

اني مو كايل متوصلين البستان

منسى

تره اخر همي سالفه اعانك كل مافي الموضوع. المكان

الي اقدر اقره بي براحتي وارکز راح تلكاني كاعده بي

عسما بنص جهنم مو بستان

بعدين تعال انتة شدعوه هلكد مركز بيه وين رحت وين

اجيت

بربك كل عقلك حاظ راسك براسي وصاير شغلك الشاغل

اديتي

تره اني ماسويت الك شي ولا اذكر سويت شي انتة

بالذات من حقاك تحاسبني عليه

صفن بيه وكال

لهيب

وين جان الغلط بتربيتج مانكر. غلظت بشي

منسى

ماجنت صادق هذا الغلط وكلشي بيدي والنيه بيه مو

صادقه بالاخير تخسره

او مو تخسره لا انته لو جنت رايده جان كنت صادق بس  
كول تخسر طاعته العميه

كلته وعفته ورحت اخذت كتبي ودخلت. اول مادخلت  
شفت فهد ابن عمتي كدامي  
كال

فهد  
صارساعه ادور عليج وينج  
منسى

خير جنت اقره  
فهد

هاج بويه هاي لابتوب والتليفون جديتي وصنتي اجيبهن  
الج  
منسى

شكرا تعبتك ويابه  
فهد

لا يابه تعبج راحه كم منسى عدنه

اخذتھن وصعدت للغرفه  
رتبتھن عل مكتبه القديمه مالتی ہنہ وکتبی مجنت منتبہ  
اکو مقلمہ قديمہ جابہ الی لہیب مرہ من بغداد اخذنی  
ورحنہ للمتبی وشرالی ایاها  
اخذت صورہ للمکتبہ وکتبت اللہم عوضنا عن کل شیء  
مؤذی کان بالماضي

صارت ساعہ ب ۱۲ سدیت کتبی واخذت تلیفونی وکعدت  
اشوف شکو ماکو  
جان الکہ لہیب راد عل قصہ

هههههه المفروض تتخلصين من كلشي بالماضي حته  
يعوضج ريج  
عرفته يقصد المقلمه كتبتله  
منسى  
آخر شي جنت اتخيله تعيرني بشي جايبه الي.

شاف الرساله ومارد  
سدیت تلیفونی ونمت بس شلون نومہ کل شویہ افز  
بکابوس شکل

كعدت الصبح معالم التعب ونعاس عليه جانو كاعدين  
يتركون عمتي مريم كالت

ام لهيب  
خير يمه شبيهن عيونج  
منسى  
عمه ماكدرت انام اليل كله كو ابيس كل ماعفه افز  
الشيخه  
صمله يمه ليش مائزنتي يمي  
منسى  
ههههههههه خفت انزل  
شيخه  
يا يمه منين تخافين  
منسى  
مادري بس خفت يله هسه خلي اروح اتاخرت  
ام محمد  
تعالى اكلى لكمه  
منسى  
لا راح اتاخر

عفتهم وطلعت رجعت ب ه عصر لان هم عدت اكثر من  
محاضره مدري شبيه صايره مهوسه دراسه  
رجعت شفت سياره باب البيت  
دخلت وجانت الصدمه  
خطيبه لهيب يمنه وجايبين غرفه الاخشاب وجايه شوفه  
دخلت سلمت هيه اول ماشافتني كالت

هاله

انتي منسى مو

منسى

ي اني

هاله

صدقه الله شهل جمال يربي هواي سمعت عن جمال بت  
المرحوم بس هسه صدكت وراح ابطل اكول بيالغون  
منسى  
تسلمين حبي عيونج الحلوه

اترخصت منهم اني ماعرف امثل رفعت راسي شفت  
لهيب صافن بيه. غلست وعفت الكل وصعدت  
ودخلت بسباتي حسيت عله روجي الكل فوك راسي حته  
لهيب استغربت. شكو طلعت اني مرتفعه درجه حرارتي

ومتخربطه وهسه يله صاحيه بس شنو شلون هيچ يصير  
ويايه واني ماحس

بعد سبوع عرس لهيب الكل مشغول يجيب غراض والي  
يشتري ملابس والي يجهز  
طلعت من غرفتي البيت هدوء الدنيا ضهر طلعت بله  
حجاب مجنت منتبه على روعي ما عرف شبيه  
اني مو وعدت نفسي اخر همي لهيب ليش هيچ جاي  
اموت على بطيء كل ما قترت عرسه  
طلعت صار بوجهي طالع من غرفته. جان يكول

لهيب

حجاب البيت متروس عالم

منسى

فدوه لاتكمل هل عرس. انهي كلشي. لهيب والله امووت  
ماكدر. تاخذ روعي مني اذا تزوج اني احبك بطريقه اني  
اخاف على روعي من حبك

لهيب

اتاخر الوقت شنو نسيتي بعد سبوع عرسي

منسى

لو جنت اني مكانك شتقول اتردد لو لحضه وحده

لهيب

اني مو انتي حبيج هذا نزوه وعناد وغرور

منسى  
كافي يابشر كافي شنو انتة من بشر عقابك  
وصلني شماجنت ترید سوي سوي بيه بس لا تخلي شي  
يبعدك عني عيشني جحيم وانتة يمي ماريد الجنه وانتة  
مو بيه

عافني وراح واني نهاريت حضنتي امه وهيه تبجي  
وتكلي

ام لهيب  
كافي يروحي هو الخسران خلي يجيه يوم ويعض اصابعه  
ندم  
منسى

عمه ماريد يجي هل يوم ماريد اكره عمه ماريد اكره كل  
عمري اكله بابا شلون راح اكرهه ماريد ماريد اكره

جنت اصيح بعلو صوتي بذاك اليوم الكل عرف اني احب  
لهيب وهو عافني وراح لغيري  
مرت الايام وجه لهيب ماشفته بعد حنه ماسوه بس  
العرس وحنه البنيه. مارحت اني



بيوم زفته ماعرف شصارلي من شفته هيه وياه سوه  
دخلو للبيت

من صحيت كالو صارلي ١٠ ايام بالمستشفى فاقده  
بس من صحيت صحيت فعلا غير وحده  
صرت المكان الي بي لهيب اني ماتواجد بيه من ينزل  
مجاز ارواح لبيت عمي احمد بحجه اخلص الوقت وياه  
لاره

مرت خمس اشهر  
وبلشت امتحاناتي الوزاري جنت الصبح احضر بغراضي  
وعمتي واكفه فوك راسي

ام لهيب  
اقلامج عمه بطاقتج الامتحانية كلهم موجودات  
منسى


ي عمه كلشي جاهز  
هاله

باعي لا تستعجيلين اقري الفاتحه لام البنين قبل ماشوفين  
الاساله وحلي بهدوء  
منسى

اهدو شويه انتو حته اني اعرف اهدا  
لهيب  
اريدج دكتوره

من سمعت صوته وهل كلمه رفعت راسي صفت بيه  
بتسمت بستهزاء وعفته بوست عمتي وجديتي الي تدعي  
ومرته الي ماعرف شلون اصرف وياها وهيه تعاملني  
بطريقه الاخت متعامل اخته بيه. من اكعد اقره تحير  
شسويلي كل شويه جييلي شي كهوه جاي فواكه لفات  
عل سريع  
رحت للمدرسه الحمد لله خلصت الامتحانات واني احس  
روحي ميسطره  
اخر يوم رجعت نمت نومه مال موته

خلصت امتحاناتي ماكو شي يشغلني بعد. الافكار  
تهاجمني من كل مكان جنت كاعده. اتصفح بالانستغرام  
تقريباً الساعة ٣:٣٠ صبح  
شفت منشور بيت شعري  
(جنت أشوفك غير عنهم الله يا مكبر عمي)

رجعت خلتيه ستوري الي. وره شويه اجاني شعار  
دخلت شفته لهيب راد عليه القصة كاتب   
أغرب من رمش عينك عليك وتيهنتي !

صفت برسالة مافهمت قصده هو منو تيه منو

مارديت عليه ومثل العاده هو بالببيت اني مابقه لو اروح  
لبيت مصطفى لان عزل بيت بصف بيت جدي لو اروح يم  
لاره.

وراها خابرنى مرتضى كال تعاي للببيت  
اني ادري اليوم النتائج وخايفه متوتره 😞  
طببت لكيت لهيب ومرته كاعدين والكل بس لهيب  
مشغول بتليفونه  
من طببت رفع راسه وكال

لهيب  
اليوم النتائج مالتج  
منسى  
ادري  
لهيب  
تعاي هنا اكعدي

باوكت للكل وحته مرته الي جانت مستغربه الوضع  
لهيب ابد ميحجي ويايه يعني هيه من اجتي لهسه  
مشافتنه سلام واحد يسلم عل ثاني فشنو الي يخلي لهيب  
هسه هيچ مهتم ومتوتر عبالك نتيجه  
اني كعدت بصفه بس احس الخوف مليون  
فجاة هو نهض اني هم نهضت وياه الفضول راح يموتني  
والقلق وخوف

قرب بالصوره مال التليفون جان يسحبني لحضنه كل  
قوته

وباس راسي وهو يسوي

لهيب

طول عمرج رافعه راسي بنيتي الي افتخر بيه كل عمري

جنت بحضنه وصافنه بعيونه هاي نضرات الفرح والفخر  
والحنان طول عمري جنت اشوفه بعيونه مو جديده عليه  
اكيد قبل ماكله اني احبك

وحته البقيه عدهم حركه لهيب هاي عادي. بس مرته  
الي جانت مستغربه كل حركه منه  
بس اني بهل لحضه جان همي اعرف شكك معدلي كتله

منسى

شكك معدلي

لهيب

١٠٠ بابا معدلج ١٠٠

من كال هيچ امه هلهت وهيه تباركلي وتبوس بيه

جديتي كامت تبجي من فرحته وسوي هيه هاي حفيدتي  
عمي محمد كال الهديه الي بخاطرج  
شويه واجتي عمتي وسعد وفهد وبيت عمي احمد ولااره  
الي طبت طش جكليت من الباب  
جانت فرحتي بروحي ماعرف اوصفه  
بليل جنه كاعدين تقريبا ساعه ب ١١ ونص طب عمي  
محمد ولهيب من الديوان كال عمي محمد

محمد

والله ورفعتي روسنه اليوم العالم كله تبارك انه خو لهيب  
راد يطك من الغرور  
الشيخه  
حقه يمه حقه العالم العام اكلت وجهه كله تكله بطله  
وماطلع معدل  
لهيب

والله ابن عساف بوجهي العام من طلعت النتائج يكلي  
شني شيخ وينه تربيتك وتعبك وخابصنه بنتي وبنتي تالي  
نجاح ماعرفت تنجح  
الهتلي جايب ظلي وجاي. يبارك اجيت اكله اخذه ورد  
كلشي ماريد  
الشيخه

لا يمه انتة شيخ وهاي محسوبه عليك بس والله خوش  
كسرت خشومهم هل مصكوعه

مرتضى

صارت دكتوره بعد شيخا صنه هيه جانت كلشي ماكو

مطيحه حضنه

هاله

تره منسى كلش هادئه وحبابه ليش هيچ تحجي

سعد

ي خويه انتي الي هادئه وحبابه انتي حقج اجيتي عل

تالي ماشايفته جانت تاكل بشر ومتسبعه برجلج محد جان

يكدريك حلكه وياها

هاله

هههه معقوله منسى هيچ لا وتسبع بلهيب

فهد

جانت امي تجمع طلايب منسى مال سبوعين شهر.

وتتضر جيت لهيب حته من يجي يحاسبه والله جان

الشيخ يجرم بيه لو حاسبه

بس شنو الفايدة. يعاقب منا ويجي ثاني يوم ياخذه يونسه

ويطلعه لا وتكعد تشكيلاه من فلان وعلان. وشوف بابا

سعد شسوه بابا ماتدري مرتضى من رحت شكلي

وبالاخير. اكيد بابا لهيب الحنون. يحطنه كانه وبصونده

الله لا يشوفج شلون صير شكولنه

مصطفى

لا ذكرني يخوي تذكر من كالتله ( بابا مصطفى ضربني

وظلعني الضهر بالحر بالبستان. ) والله بذيج لساعه

شكيت بسالفه لهيب اخوي

لهيب  
كافي عاد انتو كلكم سفله وهمال اني جنت احاسب الكل.  
الشيخه  
ي صدك لهيب ما فرق بينكم  
فهد  
لهيب جان رب التفرقه ً ست منسى جانت الخط الاحمر  
الي محد يعبره

جانو همه يحجون واني عيني عله هاله الي جانت صافنه  
بلهيب وترجع تباعو عليه. وببيبي عود رادت تدارك  
الوضع صخمته بالزاييد وحته فرحتي بالمعدل طارت. من  
كالت

الشيخه  
منسى ماجانت مثلكم لذالك لهيب ماجان يعامله مثلكم  
منسى جانت امانه عنده. امانه عمه هاي يتيمه لا اب ولا  
ام. حتوته مثل الامهات  
منسى جانت مكسورة جناح مو مثلكم طفله بدنيه ماترحم

من كالت بببي هيچ اني سحبت روجي بدون محد يلاحظ  
لان كلهم مشغولين يسولفون بماضي منسى  
صعدت لغرفتي طلعت صورته أبويه. صافنه بيه  
شراح يكون شعوره لو هسه هو عايش راح يفتخر بيه  
اكيد راح يكول هاي بنتي  
وراها نزلت صورته بحسابي وكتبت ( لبيتك حاضرا  
تشاركني فرحي والجميع غياب )

وراها نمت ماحسيت غير عله لاره تحجي ويابي

لاره  
عيني دكتوراه ممكن تكعدين  
منسى  
هاااهاااا شكووو دكتور تيش هاي بس طلع معدل  
السادس صرت دكتوراه يجوز اريد اصير مهندسه محاميه  
مدرسه اله دكتوراه

لاره  
والله حبي هاي يمج بس حاليا اكو خطار جوه وجديتي  
كالت خلي اتبدل وترتب روجه وتنزل  
منسى  
شنو هل حركات قابل جايني خطاب



لاره

والله عاد بعد مادري بس رتبي روح فول مال وحده  
مطلعه معدل ۱۰۰

بدلت ورتبت روحي اكيد جاين يباركولي بس اني اكو  
غصه بداخلي احس فرحتي مكسوره  
نزلت سلمت وقدمتلهن عصير وبيبي تمدح وتتغزل بيه  
وراها راحو واني ضليت يم بيبي غفيت بحضنه مادري  
ومن صحيت جانت ساعه ۳۰: ۱ بليل  
شنو فلمي صايره بس نوم  
صعدت الغرفتي واسمع صوت مهيب ومرته عالي هاي  
اول مره اسمع هيچ صوتهم عالي شنو القضيه بس من  
سمعت اسمي ركزت بيهم وعرفت اني السبب دكيت الباب  
واول ما سمعت كلمت تفضل دخلت  
من شافتني هاله دارت وجهه كتلهم

منسى

اني آسفه مو قصدي اسمع حديثكم بس صوتكم جان

عالي

لهيب

معليج انتي روحي الغرفتج

منسى

لا اني اساس الموضوع ولازم هاله تعرف الي لازم  
تعرفه ومينضم عليه شي  
هاله

والله ياريت اعرف شنو سر اهتمام ابن عمج الزايد هذا  
بيج وتدخله من دون الكل واني من يوم الي اجيت  
ماشفتكم سلام بينكم

منسى

ي من حقج تعرفين ليش لهيب مهتم وليش ما بينه سلام  
شوفي هاله .

اني الطفله الي رباها لهيب وجانت طول عمره تكله بابا  
ي لتباو عيلي بهل صدمه واني متسغربه  
لهيب جان الاب الي حرمتني منه الدنيا جان الاخ والسند  
والصديق

وكلشي لهيب جان كل حياة منسى  
بالمختصر محد يوصل مكان ومنزله لهيب  
لا بحنينه لا بخوفه ولا بهتمامه . من جنت اكول لهيب بابا  
جان يستحق هل كلمه لان هو فعلا جان يعاملني ويحس  
اتجاهي مثل ميعامل ويحس الاب تجاه بنته  
سالفه احنه ولد عم جانت ملغيه الكل يعرف منسى شي  
خاص بلهيب هاي تربيته وبنته ومحد يوصله  
الي ان اجه اليوم الي صار والوهم الي براسي طغه عله  
حقيقه امور ثانيه

وشردت من بيت جدي

اي حقج تتصدمين شلون وحده مثلي بت شيوخ تشرد  
من بيت اهله الي همه هيچ مدالينه ويحبونه بس صارت  
وشردت ورحت يم امي  
ومن هل لحضه اني لهيب اعتبرني ميته وشطب اسمي  
من دفتره هسه عرفتي ليش اني ولهيب مابينه سلام  
لان لهيب عاقبني عقاب ماكدر اسامحه عليه ولا اقدر  
انسه الم هل عقاب لدرجه انكر كل معروف وجميل قدمه  
اليه بسبب هل عقاب  
وهو نفس الشئ ماكدر يسامحني عله هل غلط الي  
رتكبه  
وخلي يكون بعلمج لهيب شرعا زوجي

هاله

شنو شقصدج شنو ابوج شنو زوج

منسى

مو مثل متفكرين اني من شردت من بيت جدي ورحت  
الامي. امي مجانت مثل كل ام لا جانت شي ثاني والطمع  
عماها ونست اني بته رادت تجبرني ازوج ابن عمه بس  
علمود الفلوس والملاك

وجنت بعدني قاصر فجان حل لهيب الوحيد حته يطلعني  
من بيت امي انو اكون زوجته حته بعد هيه ماله حق  
عليه ولا تكدر تمنعه ياخذني

وهسه الحمد لله بعد ما بلغت وهيه اصلا اعتقد نستني

بهل سنتين

وكت الي تكون فارغ وماعدك شي شيخ لهيب ياريت  
نفض هل مؤضوع وننهي عقد الزواج هذا

كملت كلامي ويه هاله وماباوحت بوجه لهيب اصلا صح  
ما كلت كل الحقيقه بس كل الاشياء الي لازم هيه تعرفه  
حته مسبب مشاكل بحياته هيه ولهيب  
رجعت لغرفتي سبحت وبدلت ورجعت لفراشي اهرب من  
واقعي المميت واني اشوفه شلون واكفه بصفه بسبت  
النوم  
ماعرف ذيغ الليله شلون نمت وشلون صبح عليه صبح.  
واني المفروض هل يام فرح الكون بيه. اني محققه انجاز  
الالف لا ملايين الطلاب تتمناه بس اني احس روعي  
داخلي ميت  
كعدتني لاره الصبح

لاره  
منسى منسى اكدي ولج  
منسى  
شايفتني بحلمج شعدج من الصبح  
لاره

لج ياصبح ساعه ب ١٠ ونص. وهم اختج مها جايه هيه  
وخطيبه

نسيت اكلكم مها اختي نخطبت لاخو الولد الي جان  
المفروض يصير زوجي طبعاً هيه بس انطت خبر  
العمامي حته معزمتهم عل خطبه الي اصلا جان  
المفروض يخطبوهه من بيت اهل ابوهه وبكل احترام  
بس اكيد. هيه عايشه ويه امي الي ٢٤ ساعه تحجي  
عله عمامي. وبيت جدو  
فستغربت مها شعده جايه بعد كل هاي السنين  
المهم بدلت لبست شي مرتب ولبست حجابي ونزلت لان  
لهيب والولد موجودين مو وحدنه واصلا هيه جايبه  
العنتين وياها  
دخلت سلمت عادي ماي وحده ولا عبالك اختي جايه  
وصارلي سنتين مشايفته  
كالت انو هيه جايه تباركلي وكلش فرحت  
بمعدلي وتفتخر بيه وجايبتي هديه  
دخل خطيبه ويه مرتضى يسلم عود عليه ويباركلي ههه  
عشتو هذا نفسه الي لهيب خله سلاحه براسه  
جنه كاعدين نسولف جان يكول

حسن ( خطيب مها )

الصراحة كلنه فرحنه من شفنه معدلج انتي فعلا انسانه  
جدا ذكيه. واني بعد مشفت معدلج كلت لاهلي. تره حقه  
من رفضت الزواج. ومقبلت. هل انسانه جان باله حلم  
جبير

مرتضى

الشيخه منسى رفضت لان هيه اصلا مقابله بالزواج.  
واله هيه دير عشيره كامله مو خلك بيت  
حسن

لا ابد هيه من البدايه گالت اني حاليا مازوج بسبب  
دراستي يعني جان حقه ترفض

لهيب

السلام عليكم

الكل

وعليكم السلام

لهيب

الله حيه بنت العم. اليوم جايه

مها

هله بيك شيخ. ي اعتقد هذا بيت جدي وهم أختي  
الحمد لله فرحته ورفعت روسنه بهل معدل اكيد اجي

ابارك الله

لهيب

كل الهلا بيچ تدرين البيت بيتج وهم اني اليوم جنت  
احجي ويه ابوي. علمود هديه عرسج كال اول شي  
تاخذ حقه من ميراث ابووه لهذا راح يشتريج بيت بغداد

ويسجله باسمج هذا حقج من ورث ابوج. وهديه عرسج  
تاخديه مني سياره لان ادري السنه انتي هم تخرجني

من كال لهيب هيح لمها حسيته طارت من الفرح.  
وتتفاخر بعمامي كدام خطيبه  
وهم لهيب كله لاعبالك خطبته من خواله واحنه  
ماحضرنه الخطبه يعني ماكو احد وراها ترى تليفون  
واحد منه اوديك وره الشمس  
مها حسيته تندمت لان ماعزمتهم واخذت رايهم  
بس استوقفني شي من كال انو هو مسويله حساب  
بالمصرف مخلي بي حصه مها من وارد املاك ابويه كل  
هل سنوات. وهسه هيه كبرت وصارت تعرف تتصرف  
زين لعد ليش بذاك الوقت. كال احنه ابويه مات قبل  
جدي. وكلشي مالنه  
حجه الي حجاه وكال لمها وخطيبه اليوم تبقون هنانه  
مترحون  
وعافنه وراح  
طلع موصل مرته لببت اهله اني كلت لمها خلي نروح  
ويه لاره البيتهم  
وصدك خطيبه بقه يم الولد طلع وياهم للبساتين واحنه  
رحنه لببت عمي اهل لاره خطيه مرة عمي كيفت بمها

ومها فجة صارت تمدح وتمجد بلهيب  
واني صافنه هاي شبيه هيج علمود الفلوس تحولت مو  
جانت تكولي عوفيهم وتعالى تره لهيب معتبرج عالہ  
عليه وهل سوائف  
بليل اجه خطيبه واخذنه رحنه لببت جدي من دخلنه جنت  
اضحك ويه فهد ابن عمتي لان رجع وياته  
خطيب مها راح نام بالاستقبال ومها سعدت للغرفه بقينه  
اني وياه كاعدين بالباب الخلفي مال البيت الي يطلع عل  
بستان جان يكول

فهد  
هذا تره جاي يصلح اخطاء الماضي

منسى  
قصدك حسن

فهد

اي

منسى

شلون يعني

فهد

مسمعتي من حجه انو انتي حقج من فسختي الخطبه  
ومقبلتي تزوجين  
منسى



تره همه يدرون بيه هسه اني مرة الشيخ لهيب وحته  
مها متعرف لهيب زوج  
واصلا اليوم لمحت انو لهيب انطه حقه اله بسبب تاثيري  
فهد

انتي شتحنجين

منسى

مشوفني مكابلتك وكاعده ماريد اصعد للغرفه وتكلي شكوي  
عايفه رجليج وجايه يمي  
ومن عزمه لهيب تبقة اكثر ماكدت اعترض حته متفهم  
شي بس اني ماريده تبقي اكثر  
فهد

بس تره ماله داعي كلنه نعرف لهيب ميفكر بيح بهل  
طريقه ولا يمكن انو يحبج بهل شكل هو دائما يشوفج  
مثل بنته ومن عقد عليج جان حته ياخذج من امج  
منسى

تره لهيب لو ينصب ذهب. مستحيل ازوجه  
فهد

منسى. تره من البدايه الغلط منج انتي بت خالي وغاليه  
عليه ماريد تخلصين عمرج كله وانتي لا انتي للسماه ولا  
للگاع

اكبر غلط جان الي سويتي بعرس لهيب. فضحتي روحج  
ونزلتي قيمتج وزين تعرفين من البدايه لهيب مجان يحبج  
بهل طريقه جان يشوفج طفلة الزغيره وره مارحتي  
لخوالج بدون علم احد ورقتج حتركت يمه.

منسى  
ليش اني سويت  
فهد

شنو سويتي قبل العرس بيوم البيت متروس كلنه  
مجمعين وانتي. بعلو صوتج تعيطين احبه وخالتي ام  
لهيب بس تريد سكتج  
انتي من وراج امي حارت شسوت بلهيب وحملته كل  
المسؤوليه

لا وجملتيه بيوم العرس وكعتي عليه و ١٠ ايام  
بالمستشفى  
لج بابا لهيب عريس وعايف العروس والامه والعالم  
ومكابلج وكاعد بالمستشفى

منسى  
هههههه لهيب مثل الي يقتل القليل ويمشي بجنارته بس  
يله علمت ماضرت

جنت اريد اكمل كلامي بس شفت انعكاس لهيب بالجامه  
الي بصفى عرفته جاي يسمع كلامنه نزلت راسي وكلت  
الفهد

ذاك الي بيوم جنت اشوفه اعز انسان بهل كون اني اليوم  
اكرهه صدك لوكالو الدنيا دواره

فهد  
تحجين صدك منسى تكرهين لهيب  
منسى

صدك حته اني ماعرف شلون كرهته بس مادري من  
خلاني بموقف اشوفه داخل للبيت وحاط ايده بايد وحده  
ثانيه بثوب العرس مات يمي لدرجه كرهته صرت  
ماشوف غير لهيب المؤذي  
فهد

مادري شكلج بس تره لهيب ماذكر يوم وعدج بشي لا  
حبج ولا انطاج امل  
منسى

صح بس تعرف هو جان سبب الي خلاني اطلع من البيت  
دون علمكم وراها عاقبني عله هل طلعه  
فهد

شقصدج  
منسى

اني. كتله احبك وهو تغير عليه صار ميريد يشوفني حته  
عذبني اول شي بعده بالوقت الي يعرف بعيد عن سالفه  
حبه اني شخص كلش متعلق بي زين يعرف بعد بهل  
طريقه موزي

ورaha اسمعه بانني يكول لعمامي اني عاله عليه وهو  
متكفل بيه.

اني كل الي سويته ردت اخلصه من مسوليتي  
بس رجعت غلظت مره ثانيه من رجعت اتصلت بي  
ومشفت غيره منقذ الي رغم زين اعرف اي واحد بيكم  
راح يصرف نفس تصرفه لو متصله بيكم  
بس رجعت غلظت نفس الغلظه مره ثانيه ومشفت غيره

بس مثل ماكتلك يا فهود. علمت ماضرت  
فهد

هسه انتي متندمه لان خربتني عرسج من اخو حسن  
منسى

شهل سوال

فهد

ماعرف اجه بالي

منسى

يجوز يمكن عل اقل مجنت خلئت طوق العبوديه بركبتي  
ورجعت تحت ضل الشيخ لهيب. مره ثانيه

فهد

لا تخافين امي وحوالي مقررين يحجون وياه بهل سالفه  
لازم يظلك خاصه هسه مرته حامل. وكلش واگفه اذا  
عرفت البنيه انتي ولهيب مزوجين مو بس ولد عم

من خلصت سوالفي وياه فهد التفتت لكيت لهيب ماكو

كمت فنت للبيت وفهد راح لبيتهم

صعدت للطابق الثاني. امشي واني اباوع للكاع ماحسيت

غير نسحبت بغرفه ونسدت الباب

باواعت متفاجاه هاي غرفه لهيب القديمه. بس مو نفس

الاثاث متغير اني مادخلتله. من اخر مره جانت قبل ما

اشرد وياه امي

ومن رجعت. جان لهيب منتقل بغرفه ثانيه وهاي الغرفه  
مقفوله وماسالت  
بس درت وجهي لكيت لهيب كدامي هذا شيسوي هنانه  
واصلا. ليش سحبنى لهننا  
صفت بي عافني وتجاه ناح الشباك وكف منطيني  
ضهرهه وكال

لهيب  
نامي اليوم هنا  
منسى  
عفوا  
لهيب  
مها تدري بينه مزوجين. وماتعرف شي عن هاله وهيه  
زين تعرف علاقتج بيه مومال تعوفين رجلج وترحين  
تتامين يمه  
منسى  
اولا انتة مو رجلي وبحلامك مراح صير ثانيا. انام  
بالشارع وما نام بغرفتك

من كتله هيچ. اندار عليه مثل الاعصار نفسه ذاك لهيب  
بغضبه وهيمنته وجبروته واكتشفت روعي بعدني نيج

الطفله الي تخاف من لهيب وهل نضرات بس حاولت  
اقوي روعي وما بين  
اجه بتجاهي لزمني من زندي كل قوته احس صابيعه  
طبعت بلحمي وهو يهز بيه وحجي بغضب مميت من بين  
سنونه

لهيب  
انتي مرتي غصب عنج وعن كل راس ولا عبالج الي  
نيه بيوم اطلجج وترحين نزوجين فلان وعلان لان  
ماشاءالله خطابتج كثرانه

جان يحجي بغضب وحركه بس ختمه من همس قريب  
عله اذني وكال ( اذا انتي كرهتيني تره اني بعدني ذاك  
اني بس حارك ورقتج)  
ما فهمت قصده ولا شنو يريد ولا ليش حجه هيح  
كاله وابتعد متجه ناح الباب كال. ( اخر شي افكر بي انام  
وياج بهاي للغرفه بالذات ) انتي نامي حته متجذبين  
نضر ولا تخلين اختج شك

عافني وراح واني بدوامه افكاري

ضليت لاذان الفجر كاعده افكر هذا شيقصد بكلامه  
وليش حجه هيچ  
كعدت الصبح رحتم لها بعدة نايمه وراها اجتي لاره  
جنه بالمطبخ كاعدين كتله

منسى

ليش ماكتيلي هاله حامل

لاره

شنو شوكت هو اني ادري شمدريج

منسى

فهد البارحه كلي

لاره

عل خير الله يكومه بالسلامه. بس تره مادري

منسى

هو ليش وداها لاهله وحته ماحجه بحمله

لاره

اصور لان مها اهنانه

منسى

لا والله هاي منشوكت لهيب يداري مشاعر

لاره

هههههه مادري يجوز علمته هاله شويه منه.

منسى

ههههههه حرفيا يجوز انطته جرعه احاسيس

جنه نسولف ونضحك واني داخلي جحيم اجتي مها وراها  
سوينه ريوك وببيي سالتة على امي كالتله زينہ. كاعده  
وساكتہ بس ستغربت من كالت

مها

ترحين ويايه شوفيه

منسى

ليش

مها

تره تبقى امج والله دموعه نزلت من شافت معدلج

الشيخه

يمه اذا تردين روجي سلمى اخذيلج كم يوم وتعالي ضل

امج

لهيب

محد يطلع منا

الشيخه

شهل حجي يمه امه شتريد تحرمه من امه

ام لهيب

شمجان وشما صار ضل امه

لهيب



شبيكم نسيتمو الي صار اخر مره شلون رجعته تردن  
تخبطني بعدين هيه منسى نفسه ماتريد تروح شكو هل  
لغوه

منسى

( صراحة صدك اني ماريد اروح. بس من منعي حبيت  
اعاند كتله )

لا هل مره اريد اخلص العطله هناك طبعا اذا عجبنى  
الوضع وراها اجهز للجامعه وارجع  
لهيب

هاي جديده جنتي طفله ماترحين يوم هسه دورين اشهر  
منسى

انته كتله جنت طفله هسه كبرنه وصرنه نعرف صح من  
الغلط

الشيخه

كافي زودتوه البنيه تروح ويه اخته وهذا حقه شوف  
امه وترد

لهيب

واذا ماردت

مها

شنو شبيكم مزاعلين. ليش مترجع

منسى

ماكو شي. الشيخ لهيب صاير درامي هواي

لهيب عافنه وطلع هو جان المفروض اليوم يلتحق بس  
شو بعده هنانه  
خطيب مها كالله جهزي نفسج نطلع  
صعدنه للغرفه نجمع غراضنه  
باو عت شاحن تليفوني ماكو عايفته بغرفه جديتي نزلت  
واسمع صوت لهيب

لهيب  
انتي شلون تخلينه تروح  
الشيخه  
شتريد احبسه بالبيت لو شنو  
لهيب  
بيبي اذا ضطر الامر احبسه  
الشيخه

لهيب دير بالك عله بيتك ومرتك وابنك الجاي بالطريق  
وعوف الطفله شوف حياته لا صير انتة والزمن عليه  
لهيب  
خليه بالج جده هاي خارج حدودي ماعده حياة والكلام  
الي كلته ماثي  
الشيخه  
كافي حقد وكره كافي يتيمه ولك هاي  
لهيب

ههههههههههه ههه ههههه هههه ههههه هههه ههههه هههه ههههه ههههه ههههه ههههه  
منسى رحمة الله والديج وخليه باليج انى هسه ملتق اذا  
ارجع ومنسى مو بالببيت اشوفكم وجهي الثاني

هذا شنو يقصد ليش هيج متمسك بيه ويريد يدفنى بالدنيا  
قبل الاخره انى فتحت الباب ودخلت وسويت روجي  
ماسمعت شي كتله

منسى  
جده ناسيه شاحن تليفوني هنا وينه  
الشيخه  
جده شكثر باقيه بغداد

منسى  
والله جده مادري وهم خلي اشوف قبولي وين يطلع اذا  
طلع بغداد تصيرين شوفيني بس بالعطل  
الشيخه

اصبر يجده اصبر. المهم انتي مرتاحه وانى هم كل شهر  
اجى اخذلي سبوع يمىج  
منسى

شوف الخطط لا عيني انى هنانه يمىج ماكدر افاريج  
وهم. يم امي ماطول كله سبوع واجي. بس اريد اغير  
جو. مو اكثر

تدرين اني ماهو غير هل مكان.

كتله هيچ واخذت شاحنتي وطلعت. بعد لهيب ماشفته  
يمكن التحقق رحه ويه مها وحسن لبغداد من وصلت.  
سلمت عله امي وجدي. ومن عرفت امي لهيب منطى  
لمها حقه سكتت ما حجت شي. حسيته صايره هادئه  
العصر طلغنه اني ومها افترينه مولات ومحلات مبقيت  
شي ماشتريته عبالك ماعدي كلشي وهم اخذت كم شغله  
لاره وببيبي وعمه مريم حته هاله شترت اله رغم كل  
عذابى من لهيب بس هاله ورده. مال الله. بحياتي مشفت  
مثله وماتستا هل. اي تعرف منى اي تصرف مو حلو  
رجعنه مها خلت ستوري وسوتلى تاك. ماتتبهت مها. بله  
حجاب كمت رجعت الستوري بحسابى

ضلينه نسولف. ونسيت روجى. وهم البس وانزع  
بالملايس الى شتريتهم وراها تعبت ونمت  
حسيت بنص اليل عله صوت تليفونى. رديت بدون  
ماشوف احد ميته نعاس

منسى  
الو  
لهيب

وسم وزقنبوت الف مره اتصل يله حضرتج تردين

منسى

مممم

لهيب

استفغرك ربي منسى اصحي لا عوف دوامي واجي

اصحيح

منسى

من عاط بذني انتبهت هذا الهيب ابوع ساعه ثلاثه صبح

شعده متصل بيه

كتله

لهيب

لهيب

ي ولطم هاي شمخليه ستوري

منسى

شمخليه

لهيب

هاي الادبسنزرها ذابه الحجاب

منسى

واني شعليه

لهيب

هاي صارت براس ثور مالي علاقه بيه ويطبه عمه بس

انتي يا منسى اذا طلعت شعره من راسج اجي اكص

راسج

منسى

لهيب اريد انام خوش متصل بيه بتالي ليل علمود هل  
سالفه تكص راسي

لهيب

انتي بس جربي سوين شي غلط وشوفي بس جربي

منسى

اكبر غلط بالدنيا سويته وراح. وكل الغلاظ الباقيه تافه  
وهسه تصبح عله خير

رجعت. نمت كعدت الصبح متاخره مها كالت مفتح

مطعم جديد امشي نروح نتغده بي اني وانتي وحسن

ماردت اكسر بخاطره رغم مو كلش احب الطلعه يومية

طلعنه وحسن احسه لطيف ومريح بالطلعه تغدينه وراها

كال هذا يونس يكول اكو فلم حلو خلي نروح نشوفه

الصراحه اني نسيت يونس هو نفسه الي جان خطيبي

عشتو

رحت طلعت وياهم. شفته الفلم. وتونسنه لليل لل ١١ يله

رجعنه

كعدنه نسولف اني ومها جان تكول

مها

مانكر انو. لهيب شخص جدا مميز وملفت والى من  
تتمنه تكون مكانج بس جان المفروض تفكرين بفارق  
العمر الى بينكم ولا تنسين لهيب جدا صعب.

منسى

مها تره انى ولهيب مو مروجين خلى هل شى بالى. هو  
عقد عليه حته يطلعنى منا مو اكثر

مها

انتى شتحنين ليش مو سويتو عرس وخبصه حته  
استغربنه ليش وره فتره يله صار العرس

منسى

صح ازوج لهيب بس مو انى. وحده ثانى انى ولهيب  
مجرد ولد عم وامج الى جبرته يصرف هيج بعد ما رادت  
زوجنى جبر

مها

زين انتى ليش مقبلتى بيونس تره والله جان انسان كلش  
لطيف وحابب وشفتى اليوم. والله جنه ورده

منسى

شو تعرفيه وتحرفيه هو غير امج علنت عليه حرب نمت  
كعدت غصب زوجى وانى ورايه سادس وضميم  
حته مفكرت مستقبلى

مها

الله كريم. وتره والله امى متغيره. ابد مو هيه نيج القديمه

منسى

مادري هم لاحظت يجوز تندمت لان طلعت من بيت جدو  
وراقت ازوجت واحد ميسوه

مها

تره هيه طلكت منه لان مقبل اني ابقه وياها

منسى

وانتي شكو ما رجعتي لبیت جدي

مها

منسى اني. حياتكم هناك متناسبني والحمد لله الله رزقني

بحسن ورده

ولهيب الحمد لله حن عليه ورجعتي حقي او بلاصح هو

ماخذ شي منه حته الفلوس الي جان يذره مصروف الي

من جيبه. مو من ميراث ابويه

صدك منسى مرته شلونونه

منسى

حبابه كلش حبابه جنه ورده شكك ما امدح بيه ماوفيه

حقه

مها

زين حلوه. يعني بجمالج

منسى

صح مو بجمالي بس حلوه. بعدين ليش تقارنين بينه

مها

مادري بس تره اني جنت احسج تحبين لهيب

منسى



اي احبه بس مو مثل مبالغ لا تنسين اني اكوله بابا.  
وبعمره مقصر ويابه

مها

هم صح لهيب شمنسوي منجازي

منسى

يله ولي اريد انام. متت تعب مطلعتي من الصبح

مها طلعت واني نفردت بروحي هاجمتني الذكريات.  
اذكرت شلون جان لهيب بالماضي وشلون صرنه اليوم  
نمت واني دمعتي بخدي  
مرن سبوعين واني بين يوم ويوم حسن ومها مطلعيني  
شي مكان لو امي تكول خلي نسوي اكل بالببيت ونروح  
نعشه بشي حديقه مره رحنه زوراء مره جزيره  
حاولت اتعرف عله خوالي صح ناس طيبين بس اني  
تركيبتي مو مثلهم اني ناسي وهلي وراحتي بيت جدي  
بيت ابوي عمامي وعماتي. فهد وسعد مرتضى ولاره  
ومصطفى. عمتي الي طب من الباب تحجي عليه وعله  
خبالي

بيبي الي تجي تحضني بنص الليل

اني احب دفو بيت ابوي.

وراها جنت كاعده وحدي اباوع عليهم. كاعدين

بالجزيره بوحده من الحدايق. همه يلعبون طوبه اجه

يونس كعد بصفى. صح هو لطيف وحباب بس انى وين  
وهو وين. جان يكول

يونس  
انى جدا اسف  
منسى  
عله شنو

يونس  
عل صار بالماضى  
منسى

نسيت كلشى والله مشوفنى كاعده هسه بنصكم  
يونس

اتمنى هل شى واتمنى صدك نسيتى ذيج الايام. بس الله  
شاهد عليه انى ماعرفت انى رافضه وبهل طريقه غير  
من هجمو ولد عمج يوم العرس  
وبعده عرفت انتى زوجتى يعنى حته مو من حقى جان  
الاعتذار

وحته تره من جنه نطلع جنت ساكت ومحجيت كوني  
اعرف انتى مزوجه. ومردت ابين بموقف مو حلو وانى  
ماقصد شى

بس بعد مكلتلى مها انتى مازوجتى. صار الاعتذار منج  
واجب واتمنى نفتح صفحه جديده  
منسى

لا عادي يونس والله ناسيه كلشي واصلا ادري الذنب مو  
ذنبك وماكو داعي تعتذر

يونس

تمام دكتورته ان شاء الله منا وهيچ ماكو عرايك

ومصايب

منسى

ههههه اي ان شاء الله الله

كاله وراح. حته محاول يفتح موضوعه رغم عرف اني

مامزوجه وهذا الشى الي خلاني ارتاح. الحمد لله محد

فتح هل موضوع

وحته امي من عرفت محجت شي سكتت

وراها كالم نروح لسليمانيه نتونس قبل متبلش هوسه

المدارس

بس اني ما عرف ما حبيت اروح وببيبي وعمي ميديرون

بليل خابرت لاره

منسى

ها ولج شو اليوم ماكو

لاره

محمد خطبني

منسى

شنو شتحنجين وعمي عمي شسوه

لاره

ولج أبويه تعارك ويه امي واني عفت البيت وطلعت هسه

اني بيت جدي

منسى

ليش. شبي

لاره

مو تدرين عاجبه ينطيني لاخته

منسى

وهيه شنو جبر. بعدين لا سعد ولا فهد يردوج وانتي هم

مترديهم بعد شكو

لاره

مادري ولج احس راسي راح ينفجر من البجي وهذا

محمد يكلي. انتي لو ترديني تحاربين علمودي شحارب

ولج هو ابويه يتفاهم

منسى

عدي حل

لاره

يا الله كولي

منسى

لهيب

لاره

شنو لهيب شلون يعني

منسى

لهيب اذا كال انطوهه محد يفتح حلكه  
لاره

ي وهذا شلون يكول وهو اول واحد كال شبيهم ولدنه  
منسى

جذابه هذا شبي  
لاره

التمن عليه وانتي مو يمي  
منسى

ولج هو اني خابرت حته اكلج اريد اروح للشمال.  
لاره

ترجعين وتتجبين اصلا سمعت لهيب اليوم كال لجديتي  
باجر اروح اجيبه  
منسى

بكيفه هو اصلا راح اخابر فهد حته اكر احجي وياه  
بسالفج  
لاره

اي النبي عليج فدوه. انقذيني  
منسى

هههههه ماشي يله خلي اروح اخابر فهد  
لاره

ماشي. باي

خابرت فهد وكتله تعال رجعني. كال باجر يمج لفيت  
راسي ونمت.

بعد ما حضرت غراضي وكلت لمها انو ما كدر اروح صار  
شي بالبيت ولازم. ارجع  
كعدت الصبح عله صوت تليفوني هذا لهيب

منسى

الو

لهيب

يله اني بالباب

منسى

شنو انتة وين فهد

لهيب

انزلي بسرعة اني بالباب لاهسه اكفر بيج وبفهد شتردين  
حضرتج ارجع للبصره واجبيلج فهد

منسى

وشكو صيح سالتك سوال بعدين وجهي مغسلته فوت

لبين ما ابدل

لهيب

اعذريني بيت امج ما طبه اني بالسياره

منسى

سديت التليفون ونزلت كلت خلي افوته لبين ما ابدل  
اتريك احس روعي صايره طلي افوت اسبح احجي وياه  
امي واختي. خما يضل بالشارع

نزلت بله ما نتهه عله روهي تراك وتشيرت عل محزم  
وبلا حجاب لان اني تعودت هنانه هيچ لان محد بس امي  
وامها بالبيت  
فتحت باب الشارع. شو هذا كبل نزل ركض قبل حته  
ماحجي كلمه واجاني يركض. حته رجعت بسرعه خفت.  
هذا شبي

منسى  
ها خير شبيك شصار

شو هذا مسح وجهه وكال بصوت ناصي ستغفر الله ربي

لهيب  
انتي وين موليه هيچ  
منسى  
شبيك وين موليه تعال جوه بين ما ابدل والم غراضي  
زحمه وكفتك بالشارع  
لهيب  
ماريد اشوف وجه امج  
منسى  
لا شوفه. فوت اكد بالاستقبال بين ما اكمل وانروح  
لهيب  
هو منو بالبيت  
منسى

محد بس اني وامي ومها.

لهيب

ماشي جيبي جاي بين متكملين

منسى

ي

فوته للاستقبال ورحت سويت جاي وجبته اله واني  
مامنتبه على روهي لا حجاب ولبسي كصيف بس اني كل  
الي براسي شلون اسولف وياه بسالفه لاره  
انطيته الجاي ورحت ابدل فتت ابوع على. روهي عزه  
شنو هاي

الكفشه واصله للستار هو منا شعري قصير ونوب  
مفتوح لا يا الله. وبجامتي رجليه وحده واصله ركبتي  
وحده نازله

وتشيرت للمحزم ودعله اكل شبي هجم هذا لان شافني  
طلعت الباب هيچ بس شعجب ما مسح بيه الكاع. يله  
الحمد لله هادي حته اعرف شلون احجي وياه. والله لوما  
لاره سلام ماسلم بس شسوي شغلتي يمه  
بدلت وكملت. ونزلت جنطي سلمت ودعت امي مها  
اجتي وياه سلمت عليه بس امي عرفت هو ميريد  
يشوفه

من طلغنه انطه فلوس لمها وطلغنه الي فهمته هو كل  
راس شهر يمر ينطيه. وهذا الي صدمني  
صعدت يمه بالسياره. وره ربع ساعه كال



لهيب  
ترحين زورين  
منسى  
لا زرت ويه مها

طبعا جذب مرحت بس ماريد اروح لمكان وياه. بالطريق  
كتله

منسى  
لهيب اريد احجي وياك  
لهيب  
ي سولفي  
منسى  
هيه الشغله ماتخصني بس لازم اكولك  
لهيب  
من ماتخصج شكو حاطه روحج  
منسى  
لهيب ماله داعي هل حجي الشغله الي اريد احجي بيه  
انته تحله لهيب  
سولفي ابويه شكو  
منسى

لاره

لهيب

شبيهه

منسى

موجاي هذا ابن خاله يخطبه

لهيب

ي وهيه ماتريده. مو

منسى

لا مو هيچ

لهيب

لعد شنو بله اذا لا مو هيچ

منسى

شبيك كمت تعيظ اهدأ خلي اعرف. احجي

لهيب

وصل الي تريدين تحجينه ماكو داعي تكملين واني اكول

اجيتي صعدي بالسياره بهدوء بله معارك

منسى

تره صعديت وياك لان اجيت انتة خوش بعدين اني اصلا

ماجان الي نيه احجي وياك لذكالك خابرت فهد الي هو ابو

الانه. بس مو غبائي فتحت سالفه وياك

لهيب

ي لا شلون. لازم. تكعدين انتي وفهد كعه مرتبه

وتحجين وسولفين بموضوع مهم مثل هذا لهيب شنو.

منسى

والله حجيت وياك وهذا انتة وهذا رذك شسويك مثلا  
كلشي ما مفتهم من السالفه وهجمت عليه الي اصلا  
مالي. علاقه

لهيب

ما هجمت بس الي ادري بيه عمي رايدہ لواحد من ولد  
عمتي.

منسى

ولا هيه اله نفس بواحد من الولد ولا همه فليش انخلي  
عمتي بهيج موقف محرج. وهذا زواج عمر مو يوم

وثنين

لهيب

وانتي شمدريج بسعد وفهد

منسى

فهد اني وياه ٢٤ ساعه وادري اكو احد باله وسعد يريد

بنت عمه وكنه ندرى. ولاره قابله بابن خاله. فليش

نسوي من كلشي ماكو مشكله. وصدكني اول شغله راح

صير عمي وعمتي راح يتخاربون لذلك الحل الوحيد.

انتة تفرض كلمتك وتكول. انطيته لابن خاله خوش ولد

ومامنه عيب

لهيب

لا والله ابوه اخوهه اني

منسى

انتة شببك قافل تره عمي مستحيل يكولك لا واصلا من

راح تكول هيچ راح يفهم عمتي متريد لاره.

لهيب  
لا والله صايره تفتهمين  
منسى  
ي بطلت زعطوط  
لهيب  
ضلين طول عمرج زعطوط  
منسى  
ي تمام

قبل ميرد هو عليه اتصل بيه يونس. خير هذا شيريد من  
الصبح ومالكه غير هذا الوكت يتصل. رديت وسويت  
روحي عادي حته هل مصيبه ميشك بشي رغم هو ماله  
حق عليه ولا اني مسويه شي غلط

منسى  
الو  
يونس  
هلو سمم اكلج هسه جاي انضف بالسياره لكيت كلاده  
مكتوب عليه منسيه الشيخ. اعتقد هاي الج  
منسى  
ي هاي مالتى بس مو مهمه عادي  
يونس

شنو يعني اشمره انطيه اجبيه الكم. لو اكلج خليه من  
نشاوف بالسفره انطيح اياها

منسى

لا صراحه اني رجعت للبصره ماكدر اروح وياكم السفره  
يونس

شنو رجعتي صدك تحجين وكل المخططات الي خطنهاها  
منسى

نقد هاي المخططات غير مره. لان والله صارت عدي  
شغله بالبيت. وممال سليمانيه وهل سوانف يضل بالي.

يمهم

يونس

ماشي عيني عادي نعيده غير مره ان شاء الله تجين مو  
تقطعين

منسى

لا ان شاء الله اكيد اجي

يونس

يله عيني توصلين بالسلامه

منسى

شكرا

من سديته انتبهت لهيب مركز وياي كبل كلي

لهيب  
ويامن جنتي تحجين  
منسى

عفوا سهل نبره

لهيب  
شنو جانت نيتج ترحين للشمال  
منسى

ي علساس نروح سبوع بس من صارت هل سالفه لاره  
كالت تعالي يمي

لهيب  
ليش شنو امج عرفت اني وانتي مو مثل ماجانت تعرف  
وقررت دورلج عله عريس  
منسى

اولا اي عرفو اني وانته مو مزوجين وانته رجال مزوج  
وراح صير اب.

بعدين سفره عاديه شعليه بالزواج ومن اريد ازوج. اكيد  
مو امي الي راح تلكالي الرجال. الشيخه ام محمد بعده  
حيه ترزق

لهيب  
خليه بالج سالفه الزواج مادام خشمي يشم الهوى تنسيه  
منسى

والله الموضوع حاليا مو براسي. واذا مثل متفضلت  
حضرتك. انتة ميت اولك وتاليك كنهه عله هل درب. عود  
تموت واشوف دربي

من كتله هيچ ضل ساكت ماحجه شي بس. طار بينه  
متخيل روحه يسوق طياره مو سياره  
اول ما وصلنه دخلت السياره هاله ولاره واكفات باب  
المطبخ  
من نضراتهن مبيبات. ينتضرن رد فعلي. حجيت وياه لو  
لا

خرب حضي حته مرته تنتضر اذا حجيته لو لا  
نزلت ونزلت غراضي هو ينافخ. عبالك كاتله ابوه ويدردم  
شكتر مشتريه  
سلمت عله هاله وباركت الهه عل طفل خطيه شكده حبابه  
ولاره سلمت وعيونه تسال  
هو طب وهنه لزمني بالمطبخ

هاله

ها بشري حجيتي وياه

منسى

شبيجن خلي اشوف دربي بعدين انتي رجليج ليش

ماحاجيتي

هاله

كالت بلكت هيه من تحاجي يقنع صار سنين مزاعلين  
بلكت لان اول مره بعد كل هل سنوات طلبين منه شي  
يقنع  
لان اني شفته عيط وصيح من كالمو فهد يجيبج. وسكتت  
محجيت  
منسى  
ي سوده عليه كال بابا منسى صدك جذب اذا تريد احنه  
نروح نخطبه اله. هو واهله  
لاره  
هسه غير تحجي  
منسى  
رزلني وعاط بيه وسكت بس شراح يسوي مادري  
وهسه هاجن هاي كلمن غراضه واني رايجه انام. تعبت  
من الطريق

صعدت لغرفتي بعد ما سلمت على جدتي ومرة عمي الي  
احس اكو سوال بعيونه وزين اعرفه. تقصد رجعتي ويه  
لهيب بعد كل هل سنين والعذاب والالم هل مره تحس بيه  
اكثر من روجي  
ابتسمت اله اطمنه انو. اني بخير  
وصعدت نمت نومه مال موته تعب طريق وتع ب روجي  
كعدت بليل تقريبا ساعه ب ١١ بليل على صوت لاره



باوخت عليه كاعده موجهي وتضحك رفعت راسي.  
حضنتني وتبجي  
يا ستار هاي شبيه بس لا عمي ولهيب رفضو محمد

منسی

ولج شبيج

لاره

اني اموت عليج

منسی

شبيج بابا فهميني

لاره

لهيب كال لابوي انطي لاره لابن خاله. الولد خوش ولد.  
ومانلكه احسن منه.

منسی

جذابه

لاره

لا والله وهذا اكيد بفضلج عزيزه لو ما انتي جان اني

شسويت

منسی

هذا امر الله هو مقدر الكم تتجمعون اني مجرد وسيله

لاره

يله امشي نازل جوهه هاله تنتضرنه مسويه كعه

بالحديقه

منسی

هاي مكيفه اكثر منج  
لاره  
ي لان صارلي سبوع ابجي يمه

نزلت يم لاره وهاله كاعدات يسولفن ويضحك اني اضحك  
وياهم بس بالي ابد مو يمهن  
صح هاله انسانه طيبه ومحترمه وماشفت منه غير كل  
خير  
بس مستحيل اقدر امثل عله روعي واكول اني فرحانه  
بسالفه حملاه

صح باركت اله بس بنفس الوقت اني داخلي نار  
يا ناس الي راح يصير اب اني بيوم جنت احلم اصير ام  
لهل طفل  
بس حاولت ابين ماكو شي ياثر عليه واصلا لهيب اخر  
اهتماماتي شخص عادي موجود بحياتي وجوده وعدمه  
واحد

وره مخلصت تعلوله رجعت لغرفتي نمت  
بعد ما حجيت شويه وويه مها  
صح داخس بغرابه يعني اني ما متعوده اسولف وياها  
هيچ ولا نتفق عله شي

ثاني يوم كعدت الصبح صبحت عله بيبي وعمي كاعدين  
بالصالة واكيد اجاهلت لهيب وهل سي يخبله كلت لعمي

منسى  
عمي اني رايله لببت عمي مرتضى محتاج شي  
ابو لهيب  
سلامتج بابا روهي وصدك شوكت تقدمين عل جامعه  
سمعت مفتوح التقديم

لهيب  
قدمت اله

منسى  
شنو شو اني مادري شنو بكيفك تقدملي اعتقد اني  
صاحبه القرار

ابو لهيب  
اهدي عمي خلي نفهم  
لهيب

خليه تعلي صوته بعد الضاهر نست منو لهيب  
منسى

مانسيت شي شيخ لهيب بس اكو شي اسمه حد ولها  
حدك يا شيخ جان عل اقل المفروض تسالني تكول اكو  
حيوانه راح اتقدم عل شي يخلصه

لهيب  
وانتي كلتيه حيوانه لا فهم ولا علم. شنو اخليه هيه تقرر  
ابو لهيب

لهيب كافي شنو نسيتو اني وجديتك كاعدين. لو احترام  
ماكو



ولج انتي نسي تي اني منو وجايه هسه دورين من حقي  
ومو من حقي انتي من لحضه الي جابتج امج ملكي  
وكلشي بيح من حقي من جنتي طفله لهذا يومج لاعبالج  
زرعلي عليج لو حركي لورقتج يغير شي  
ذكري دماغج المجيم هذا اني منو وشنو ممكن اسوي يا  
منسي خاتم

هو يعيط ويصيح بحركه وغضب رده يحس ولو شويه  
بناري من تركني وراه منسيه لا سوال ولا جواب .  
جان مثل بركان باي لحضه ينفجر ويحركني. اذكرته من  
تركني قبل عرسه واني بحضن امه ابجي واتوسل بي لا  
يتركني

عفته بقمه غضبه وطلعت متجه لبيت مرتضى  
رغم اعرف لهيب مو شخص يتصرف احد تجاهه هيح  
تصرف بس خلي يحصد الي زرعه  
الصراحه صورت راح يلحكني يمسح بيه البصره كله  
بس ماكو وصلت بيت مرتضى بامان  
كعدت اترك اني ولا ره ومرت مرتضى ومرتضى وجهاله  
خلصت اليوم يمهم اني اذا لهيب بالببت مستحيل ابقه  
وراها رحت ويه لاره لببتهم هم نشوف شوكت موعده  
الخطبه شنحضر شنلبس



منسى  
من شوكت انى ادور مشاكل

كئله هيچ وطلعت هو جان توه داخل للبيت بزيه  
العسكري اتلكته هاله حضنته هذا وين جان. بس لا  
التحق واني عايفه البيت. دون سبب  
انى من شفت هاله راحتله كملت طريقي لغرفتي.  
العصر بدلت وانتشرت لاره وفهد يجون وهاله كالت  
اروح وياكم لهيب ميحب فرة السوك وهل سوائف  
اذكرته من جان يعوف كل شغله وياخذني يونسني  
ويشتريلي ميبقي مكان يعتب عليه بس ضليت ساكنه  
رحنه اول شي حجزنه صالون وراها  
رحنه شترينه الملابس اخذت فستان قصير فوگ الركبه  
وعدل عل جسم لون ابيض وفوكاه. بشت بيجي  
وحذاء كعب احمر  
ورجعت للبيت بعد ما سوينه تنضيف جسم وهل سوائف  
حته باجر بيقه بس مكياج  
انتبهت لچتف هاله بي زراگ عله حمار كئله شبيج  
ضحكت ودنكت راسه  
اتمنيت الموت ماخذني ولا سالتة هل سوال  
كل الفرحة الي جانت بيه طارت وصرت امثل الابتسامه  
ولاره تحاول ذكرني لازم اشمره وره ضهري وانساه

رجعنه للبيت ولا ره كالت ابقه يمج رغم كتله نروح لبيتكم  
كالت لا يمج

مانزلت عل عشه تحجنت تعبانه ماريد اشوف خلقته

ماعرف شبيه مثل الثوله الساعه ب ١ بليل كمت خلبيت

ستوري

مقطع شعر

وكتلك لاتفارگني

وكتلي الفرگة يم طاريچ ماتتجاب

إذا تذكّر .. چنت جذاب .

لاره جانت تحجي ويه محمد وملتهيه عني. واني احس

الحرز خيم عليه مثل سواد ليل وماكو صبح

اجاني شعار فتحته بدون مانتبه مكتوب بي

لهيب

احسني المقصود

منسى

انت منو حتى اقصدك بكلام انت ماتستاهاهل حته اذكرك

لهيب

يول منسى لاتنسين اني ياهو



منسى

لا شلون انساك المثل جريمه ينسى. وانت ادره

لهيب

اكيد اني الربيت وسهرت وتعبت وتعذبت وعاديت بشر

لخاطر دمعہ منج ماتنزل

منسى

صحيح جنت ضام دموعي الك

لهيب

انتي السبب

منسى

صح اني السبب عميه وماشفت غير الاريدہ وجنت

اريدك. ماشفت سوادك عاجبني جان بياضك

بس الحمد لله نسيك وكل ذاك البياض نسيته وهسه

الحمد لله اشوف شكذ شايل سواد

لهيب

الله. زين بله مو يمولون الحب مو جبر

منسى

صح الحب مو جبر واوعدك لو تبقى اخر بشر بهل الدنيا

بعد هم ماحبك

لهيب

خوش ابنيتي اريدج هيچ تتحولين من قطعه بيضه لفحم

منسى

الفضل الك صرت فحم من زمان

لهيب

صحيح على كوتج ماجنت صادق بالي قدمته لذالك  
ماعرفت اوصل الج صح لان جذاب جنت انطي وعد  
واخلف بي  
منسى  
بالضبط هذا انتة رحم الله آمرا عرف قدر نفسه

كلتله هيچ هو ماشاف الرساله وبعد مارد بس احس  
روحي ميتة اني ماعايشه  
طلعت بره على سطح بله حجاب بتركي الخفيف احس  
روحي مختنكه  
ضليت اباوع على سمه على ضلام الليل البجي الماكدت  
ابجي بغرفتي ولاره يمي كله بجيته بحركه كلب  
شلون انساه  
وكل ذكره حلوه بحياتي وياه  
جنت انحب على حضي المصخم وتصلت عليه مها

منسى  
الو هله مها .... خير صايرر شي متصله هسه  
مها

بيج شي شبي صوتج

منسی

مابي تعبانہ 🤔 ونعسانہ

مها

شوفي هذا يونس يمي

منسی

يونس. خير شبي

مها

يکول متصل عليج هواي وباله عليج مارده عليه

منسی

خير شصاير مادري بتليفوني ماشفت اتصاله

مها

هاج يريد يحاجيج

منسی

تمام

يونس

هلو سمم شلونج

منسی

الحمد لله هلو يونس

يونس

يمعوده بالي يمچ شنو وين مختفيه

منسی

والله ممنته لاتصالاتك بت عمي خطبته عكب باجر

وملتهيه وياها

يونس  
بيه الخير يوم الحج  
منسى  
تسلم ي كول خو ما اكو شي مهم  
يونس  
او كفي خلي اطلع بره  
منسى  
تمام

حسيت اكو احد قريب مني من داحجي بالتلفون بس كلت  
لا مستحيل اتوهم. ومن رجع صوت يونس كملت وياه.

يونس  
اي هسه اكر احجي ماريد احد يسمعي وياثر عليج  
منسى  
خير يمعود خوفتني  
يونس  
هههههه لا لج ماكو شي يخوف بس خاص  
منسى  
هسه غير يحجي شكو  
يونس  
منسى وين قدمتي جامعه  
منسى

جامعه البصره ليش

يونس

ليش مقدمتي بغداد

منسى

يونس اني بيتي هنانه عائتي واهلي. شسوي بغداد تره

اني وامي مو طيح العلاقه الي تخليني ابقه يمه ست

سنوات. مستحيل

يونس

بس اني موجود منسى

منسى

واذا انتة موجود يونس خليك منطقي يعني الو ...

الو يونس وينك

ما عرف انقطع الخط. قبل منكمل سمعت صوت انفاس

شنو مستحيل اني داتخيل

قبل ما اندار جان اسمع صوته مثل فحيح  من كال

( ارجعي اتصلي بي لاستاذ يونس حرمانت مكملتو

حديثكم)

لهيب

شبيح خرسيتي كملتي فسريله شلون اني قدمتلج وانتي

متدرين وحلفيله شلون جان رد فعلج

مو هذا الي خابرتيني لا انتي حيه ولا ميته حته اخلص  
منه

لو اني غلطان ليش مازوجتي .... ليش من صرتي عله  
اسمي رجعتيله

منسى

ثمن كلامك ونصي صوتك وترك ايدي اني بت عمك مو  
اكتر ومن تسمعي احجي ويه احد بتالي اليل من حقك  
تسال باحترام واني اجاوبك  
اما هذا سلوبك وعصيبك وجنونك مو يمي

ماعرف شلون جبت هل شجاعه ومنين وكدرت ارد عليه  
هيچ رد بس هو رده جان اقوى جابني پراشدي  
رنركع راسي بالحايط ورجع عليه حسيت بدوخه وشي  
حار طلع من راسي. عرفت انجرحت بس جرح كلبي اقوه  
جان يكول

لهيب

وجاي تعلميني شلون اعاملج وشلون اسالج انتي ليكون  
نسي تي روح يونس هذا نعال شعده يحجي وياج بتالي  
اليل منو هو حته يحاسب وين تقدمين وين

تدرسين احجي شعج وياه

منسى

ماعندي ينتضر انتة طلكني وياخذني

لهيب

ااااه والله. زين يدري بيج قبل ربع ساعه جنتي تعاتبيني

لان ماخذتج

منسى

لا اكيد شكلكه ابن عمي ناقص اصل

لهيب

ي وهم ابن الاصول مو ست منسى. لهيب اليوم ناقص

الاصل ينكال شسوه وغسل دماغج

منسى

ماسوه شي بس عل اقل ماخلاني اشوف اثار بطولاته

عله جسم مرتة

جان بحر نار رغم يجاريني بالكلام ويحجي بستهزاء من

كتله هيچ رخه يده وانطاني ضهرهه

جانت الدنيا ضلمه وماشوف تعابير وجهه

صدمني من كال

لهيب

لهذا السبب جنتي تبجين

منسى

شنو

لهيب

لهل درجه اني اذيتج

منسى

انتہ ماعدت تاثر بيه لا انتہ ولا افعالک ولا تنسى توك

جنت تحاسبني عله يونس

لهيب

هههه تره ماحسبتج كوني شاك عندج شي وياه اني  
اعرف شربيت حاسبتج لان سمحتيله بهيج وقت يحجي

وياج

منسى

ابد انتہ ماتعرف شربيت وخلي يكون بعلمك متندمه بكد  
شعر راسي لان بذاك اليوم خابرتك وتركته وارجعت وياك

لهيب

وهم متندم لان سمحت لوحده مثلج تدخل حياتي وتخرب

نضامي

منسى

هواي صرت اتمنى لو عايفني ذاك اليوم بالبستان

ومخليني اضيع بحزني عله ابوي ولا زم ايدي

لهيب

اني هم لان من ذاك اليوم اني مثل الي مخلي جمره بيده



كاله ونزل وهو يكلي. هذا قنادر تحضري ماريد اسمع  
 اسمه بعد لا دفنح حيه  
 عافني بس اني بداخلي عاصفه وهو بركان بداخله زين  
 اعرفه حتى لو سكت وجاوز كم شي داخله بركان  
 وره شويه رتبت شكلي ونزلت للغرفه لاره جانت نايمه  
 اني فتت سبحت خرب شرفه الدم متخثر بشعره بس  
 صبرلي والله لشوفك النبي عربي  
 سبحت بدلت ونمت  
 كعدت ثاني يوم عله صوت عمه مريم وهيه سوي ولج  
 اگعدن عدنه مناسبه اليوم والعروس نايمه اخر شي  
 استسلمنه للواقع رحنه تريگنه وراها بدلنه وصلنه  
 سعد للصالون  
 وراح ضلينه يمكن صارت ب ۱۲ الضهر  
 رجعه لاره طلعت جنن خو اني احس هذا الشكل  
 مايشبهني وحده ثاني خاصه بعد ماحفيت ورتببت  
 حواجبي ومكياج عيون قوي وحمرة احمر  
 گلت ابدل بالبیت مو بالصالون بس لاره بدلت هناكه  
 كعدته عله كوشته وصعدت ابدل  
 فتت لبست بس الفستان بعدني ملابسه البشت وفتح  
 الباب. ما هاميت انداريت اكيد لاره نست شي جنت  
 مدنگه البس حدائي. كتله

ها لحتيني هسه اكمل والحكج  
هاله

ولج هاي شطالعه  
منسى

ههههه. علساس انتي قاصره  
هاله

دروحي بابا روحي شوف الجمال شوف الجسم هذا وين  
جان ضامته عزززه هنياله سعيد الحظ هذا الي راح  
ياخذج

منسى

هسه بله هل غزل شتردين  
هاله

تعالى سويلي شعري  
منسى

يله تعالى وين شسوار  
هاله

بغرفتي تعالى كل غراضى هناكه  
منسى

لج لا هسه يجي لهيب  
هاله

مو هنانه لهيب  
منسى

يله امشي وانتى شكو ماجيتي للصالون ويانه  
هاله

هو ابن عمج يتفاهم كله لا

منسى

الحمد لله ميدري كلنه رحنه وياه لاره حته عمتي

هاله

لج هو كال لعمه خلي ام الصالون تجي للبيت ماكو داعي

لاره تروح اله

منسى

خلي مختفي من الصبح اكول البيت هدوء

هاله

انجبي لج رجلي مارضى عليه

منسى

دروحي انتي ورجلج هاي كملتج خلي اروح. لغرفتي

اخذ بشتي وانزل هاي بقت وحده

طلعت من غرفه هاله ودخلت الغرفتي وماحس غير

انجريت من شعري احسه تكطع واسمع صوته

لهيب

هاي وين جنتي شلون طلعين هيچ

منسى

اااخ لهيب شعري عوفني محد اكو من الولد وخر انتة  
شكو داخل غرفتي

لهيب

وانا ماكو احد شنو تصلحين اصلا شكو لا بسته جان  
نزعتي وضليتي تفترين بله ملابس

منسى

(دفعته احسه شلع شعري وانداريت عليه عزززه  
العزاني هذا شطالع چنه گمر یجنن شكله یخبل شهل هيبه  
صفت بي وهو مو اقل من صفتي بعدین داركت روي  
وكتله )

وانته شعليك بيه متروح شوف مرتك شكو تركض

ورايه

لهيب

اركض وراج شنو ادبسنز امشي البسي مثل البشر لا  
اطيح حضج سزز

منسى

كيفي والله اسوي الي يعجبني

لهيب

زعطوط والله اني نازل وخلي اشوف ممغيره هل نعل

منسى

اكيد زعطوط كدام شايب مثلك

من كتله هيچ شو هذا ضحكلي ضحكه مدري شلونه  
وتقرب عليه صرت ارجع ليوره  
جان يكول

لهيب  
منو هذا الشايب  
منسى  
انته اكيد بعدين شبيك شهل حركات  
لهيب  
اريد اشوفج اني شايب لو شاب  
منسى  
هاي شبيك لهيب تخيلت

احس قربه خلاني ارجف بحياتي مامتقرب مني لهيب  
هيچ وبهل طريقه  
هذا شبي عزه وعيونه عله جسمي وشفتي اخر شي  
حسيت باب الحمام صر بظهري فتحته ودخلت ركض  
سديت الباب وكتله وره الباب

منسى  
شايب وستين شايب  
لهيب  
هاهاهاهاهاهاها زعطوط وستين زعطوط لا وجبانه



ابو لاره

ي هاهيه عمي من حقج تردين احنه هم نحجزلج القاعه

ونعزم

منسى

لا عمي هاي هو يسويه ماريد اكلفكم

الشيخه

الله يعينه هذا المسكين الي راح ياخذج امه داعيه عليه

بليله القدر

منسى

شبيج يمه. هو محصل وحده مثلي جمال وحسب ونسب

نسياتي اني منو وبت منو. وضيغيلهن اني دكتوره بيبي

لهيب

لا مانسينه شي وهسه ترحين تبديلين ووسيلنه عشه

كاتلنه الجوع

منسى

فهود وين

فهد

هااا

منسى

روح جيبيلنه عشه من بره. - لان اني مايبه وخطيه هاله

مرة حامل

وهاي لاره عروس منكدر نحاجيه عيب زحمه

ضليت احجي ويه عمامي وجديتي الي شغله الشاغل  
تتغزل بيه  
حرفيا صرفت عله اساس ماكو شي اسمه لهيب  
وراها عمتي ام فهد فجرت القنبله وكالت

ام فهد

يمه لهيب شوكت ظلك منسى

لهيب

شنو

ام فهد

عمه البنيه باقيه بشرع الله عله اسمك يعني والله يمه  
احس حته حرام نسولف بسالفه افلان خطب وفلان راده  
لهيب

عمه سدي هاي السالفه هل جاهل وينه وين الزواج توه  
كالت يا الله والطب مو شي سهل. خليه شوف دربه تتاقلم  
عل وضع تره الجامعه مو مثل المدرسه اتريد ضعف  
الوقت والجهد  
وماطير العرس



منسى اجيت ارد عليه رغم اني مستحيل افكر بزواج  
وغيره بس هو لعبه صح ضيع سالفه الطلاك وحجه  
بالزواج  
عمي كال هذا الموضوع هيه تقرر هسه عوفوهه خلي  
داوم شوف كليته وتحول الموضوع من طلاك لهيب  
ومنسى الى زواج منسى

الشيخه  
اكول يمه انتي منو محاجيج عله سمسمه  
ام فهد  
والله شيخه اليوم مرة ابو ياسر شافته وهههههه لركت  
لركه وابنه ماقاصر كلكم تعرفونه  
ابو لهيب  
راده لياسر  
ام فهد  
لا خويه ياسر مزوج لهذا الضابط تكول ويه عمه لهيب  
لهيب  
منو الي وياي قيصر يمكن ملازم حته ماشيفه لو مره لو  
ثنين ختولي هاي السالفه سدوهه  
ام فهد.  
يمه البنيه اوله وتاليه لببت رجله هسه واله بعدين  
لهيب  
عمه سدي السالفه كلشي بوكته حلو

هاله

شيخ انته ليش هيچ صير عصبى  وماتتفاهم من

ينفتح هل موضوع

لهيب

شقصدج شو ماتعرفين تحجين. اكيد راح اصير عصبى

وماتفتهم انتو نسيتو منسى منو

هاله

اعتقد زواجكم شي ورقى

لهيب

ومن جاب طاري زواج هاله ماتعرفين منسى شنو يمي

لذالك لا تخلين روح

من كال هيچ حسيت الحديث راح ياخذ غير مجرى

وماريد هاله تخرب علاقته بيه كتله

منسى

والله ياريت تبطل تلعب دور الاب كبرت تره

لهيب

انجبي ضلين طول عمرج زعطوط وتفكير زعطوط وكلج

زعطوط

منسى

اكول عمو محمد انتو شلون مسلمين الشيخه لواحد مثل  
لهيب حاظ راسه براس ز عطوط

الكل ضحك ولهيب كمز يريد يلگفني واني ختلت وره  
عمي وعمي احمد يسويله

ابو لاره  
كتلك صلاحيتك عله هاي ام السان اله وكت وتخلص  
وانته چنت نافش ريشاتك عليه هاي ترباتي  
لهيب  
دخلي تطلع من وره ضره ابوي واشوفك الصلاحيه  
شلون تجدد

جان الكل يسولف ويضحك واني اباوع بعينه واكله  
بصريح العبارة خلصت صلاحيتك وكلشي ثاني الك يمي  
دگ تليفوني باواعت هذا يونس. لا يا اله هذا شيريد هسه  
سديته ورجعته لجيبي رفعت راسي لكيت لهيب مركز  
وياي  
عرفته فهم منو المتصل يعني راح تبلش رحمه الله

صعدت بدلت ملابسي لان جنت لابسه البشت كدامهم  
وراها تعشينه وتعلنه وكلمن راح لبينه  
حته لاره راحت ويه اهله  
نمت نومه مال اموات كعدت ثاني يوم. سمعت جديتي  
وهاله يحجن لهيب ملتحق  
الحمد لله راح اعيش بالبيت براحتي محد ينكد عليه  
عيشتي  
مرت الايام عادي طبيعي يوم يتبع يوم  
بس اكو شي غريب لهيب اتاخر شو مارجع للبيت  
صح اني قليل التقى بي. قليل تواصلني وياه ويمكن شبه  
معدوم  
بس اكو شي داخلي اسمه اطمئني هو بخير  
بس مر ٢٣ يوم وهو ماكو. مجنت اقدر اجرا وسال  
لهيب وين  
خاصه لاره من اجيب طاريه تشبعني رزائل

ومرت الايام طلعت القبولات وجنت مثل ما راد حضرته  
مقبوله طب البصره  
بس هو ماكو تقريبا مر شهر ونص  
رحت يم جديتي مثل عادتي. خلّيت راسي بحضنه وجاي  
نسولف ماكدت بعد اضم اكثر كتله

جده لهيب وين

الشيخه

شني وين غير بداومه

منسى

جده شهر ونص مانزل مجاز

الشيخه

لهيب عده دوره ست اشهر بالاردن وسافر ثاني يوم

خطبه لاره طار الصبح

منسى

تشافين

الشيخه

شني اشاقه يمه لوما ودعنه كلنه

منسى

مادري بي جده ماشفته قبل مايسافر

الشيخه

الله يرده بالسلامه

منسى

جده مافكر مرته يعني هيه تجيب ابنه وهو مسافر

الشيخه

ماعليه شي كل احنه يمه وهو مجبور هذا شغله

منسى

الله يرجعه سالم

طلعت من يم جدتي متوجهه للبوستان. كعدت بي وحدي.  
تعبت هواي من حب لهيب الي صار محرم عليه  
من وضعي وياه لهيب اني مستحيل بعد اسمحله يدخل  
حياتي رجال مزوج وطفل عده بالطريق  
وقبل كلشي هو باعني بارخص سعر دار وجهه وكمل  
حياته من دوني  
وبالاحرى اقتنعت انو لهيب مو غلطان جان يحبني مثل  
بنته طفله رباها وتعلق بيه وانطاهها ميزه كونه يتيمه  
وكبرت عله ايده  
واني الي طلبت شي مو اليه الحب ميحي بالجبر  
بس اكو اشياء وامور الكلب مايقتنع بيه ولا ممكن  
تقنعه بشي هو مارايده وسالفه سافر وما ودعني من  
دون الكل ضلت غصه بگلبي  
صوت العصافير عل شجر مسوي معزوفه اخذتلي اكثر  
من نص ساعه اني. عله هل كعده.  
رن تليفوني باواعت رقم دولي. معقوله هوه  
رديت

منسى  
الو  
لهيب  
شلونج  
منسى  
لهيب

لهيب

اي لهيب لعد منو يتصل بيج بخط دولي الضاهر معارفح

هوايه

منسى

بله هل فلسفه شكو متصل عليه

لهيب

اهااا هيج. صارت شكو متصل عليج

منسى

اكيد ما متصل تسال عن احوالي فليش متصل

لهيب

اكيد ماتصل اسال عن اخبارج و احوالج لان كله توصلني

بس. متصل اكول مبروك

منسى

عله شنو

لهيب

طلع قبولج جنت منتضر شوكت تجين تكولين بابا طلع

قبولي بس الضاهر نسياتي كلشي وكرهتي كلشي مو كم

شي

منسى

العفو منك بس شكو اجي اكلك شنو الي طلع وشنو الي

ماطلع مو تحس نفسك ناسي اني وياك مي ونرش

بصحراء سياده النقيب

لهيب

راح اصير رائد وره مارجع اشد النسر

منسى  
بالعافيه عليك .

لهيب  
وعليج

منسى  
واني شكوراح تحطه عله جتافي لو جتافك

لهيب  
بس اني من طلعتي طب عام كله كالتلي بالعافيه عليك  
شيخ لهيب

فرحت وانباهيت وافتخرت بتي طلعت هيچ معدل  
منسى

اني مو بتك ولا انتة ابويه وهل علاقه حتة لو معنويه  
هم ماريده . وياريت تحترم كونك مجرد ابن عم وهم  
منسى مو موجود

لهيب  
الي مثلي ماينسى

منسى

تمام  
اني لعد منسيه الشيخ لهيب . وهاي واقع حال مو مجرد  
صفت كلام

لهيب

حلو عجبني اللقب حرفيا انتي منسيه الشيخ لهيب ولو  
ينعاد الزمن الف مره مراح بيرد كلبي عل سويتتي ولا  
راح اعرف اسامحج





مرتي هيه تحجيلي اخباره ماكو داعي ادوره مو مثل  
بعض الناس

منسى

صدك لو كالمو العمر اله حوبته

لهيب

شئو شبي العمر

منسى

احسك بديت تخرف رغم انته صح صرت شايب بس مو

هيج

شكو اجي اسال عليك وانطيك اخباري صاحي انته كل

عقلك دروح بابا روح

لهيب

خلي ارجع بالسلامه واعلمج الشايب شيسوي وهسه يله

روحي واحلمي شلون راح اصيرين افضل دكتور ه يا

منسيه الشيخ لهيب

كال هيج وعافني وراح هذا مو صاحي والله يعاملني بكل

لئم وقله ضمير وبس يريدني ابتعد عنه

ومن ابتعد وبخلقته ما اباع يدور عركات

ومن هو يبتعد ومكان بعيد. يصير لطيف ويسال شنو هل  
تركيبه ماعرف  
اني رحت لبيت مرتضى. ضليت العب ويه جهاله وصور  
الهم صور خليتهم ستوري  
وتعشيت يمهم ورجعت للبيت شو. البيت فارغ  
يايه وين عمتي جديتي عمي هاله شو محد اكو.  
خابرت عمي كال بابا روعي يم بيت عمج احمد البيت  
فارغ هاله تخربطت واخذناها للمستشفى

ضل بالي يمه خطيه ماتستا هل حبابه  
لل ١٠ بليل رجعو خطيه تعبانه وعمتي كالت الدكتور ه  
كايله حملة مو تمام ولازم ضل نايمه عله ضهره  
ومتحرك.  
وخطيه هيه من هسه شايله هم هيه حركه ومتحب  
الكعه

مرت الايام والاشهر  
وبلش الدوام. جنت احضر بغراضي باجر اول يوم دوام  
جهزت كلشي ملابسي حذائي حته العطر والمكياج  
جهزته من اليل  
شمريت روعي عل جربايه واني اباوع عل سكف عبالك  
اول مره اروح ادرس. احسني مثل الي اول ابتدائي  
سمعت صوت تليفوني باواعت هذا لهيب ساعه ب ١٢  
شعده

منسى

الو

لهيب

طول اليوم مشغول هسه يله حصلت فرصه اتصل ببيج  
عذريني بابا

منسى

تره اني منسى مو هاله

لهيب

الله عليج لعد اني مادري.

منسى

لعد شنو هل حجي تحسني اني انام وكعد عله صوتك  
واليوم ما سمعته

لهيب

اليوم غير باجر وراج يوم جديد. حياة جديده. وراح صير  
منسى جديده طفله منسى كبرت

منسى

لا والله.

لهيب

وعله من الله. سوائف المزعطه والتكمز والضحك  
الفضيحه تنسيهن ذني منسى. اني اعرف شربيت  
وشصنعت. وشغل سنين ميروح بسالفه وحده. بس بابا  
الجامعه مو مثل المدرسه مختلفه واختلاف جبير. والناس  
اشكال الوان ومحد يحزر الثاني شنو.

منسى من هسه اكلج. سالفه كروبات شباب وبنات وطلعه  
وطبه متعجبني مامنعج من شغله سفره جامعیه لو.  
ورشه تدریبه او حدث جامعی لا. بس خلیه بالج ماكو  
اخوي غیر الی جابه ابوي سالفه صدیقی وحسبه اخویه  
انی های ماصرفلی من هسه اكله الج  
وغير هذا كله اني ارید تبقة منسى نفسه ماغيره شي.  
كل سنه تطلع الاولى  
بغض النضر عن كل خلافاتي وياج انتي ضلين منسى  
لذالك مارید سوائف العناد وطولت اللسان ذني سويهن  
يمي بالبيت مو خارجه  
وخلیه براسج وبخشمج وبعینج وبكل حواسج انتي  
منسیه الشیخ لهیب انتي مو بس بنت عمي انتي شایله  
اسمي اصرفي علیه هل اساس  
وعذريني هل مره ماكدر اجي اني اوصلج مثل. كل مره  
من تبلشین بمرحله جدیده تلكین لهیب لازم ایدج هل مره  
انی مو یاج جسد بسبب ضرفي بس کونی علیه ثقه کلي  
ویاج  
وهسه صبحین علیه خیر خلی ارواح انام ورايه كعده من  
الصبخ وانتي نفس الشی

كل الكلام الي حجاه اني جنت اسمعه منه باستمرار هاي  
اشياء موجدیده عليه  
بس سالفه انتي شيلين اسمي هاي جدیده شنو يقصد بيه  
وليش نكرني بيه جنت داخله بدوامه واجه زیده عليه  
وراح

ثاني يوم بلشت بيوم جديد وصلني عمي محمد الصبح  
وهو يسوي هل مسودن لهيب ماجاي يقتنع انتي كبرتي  
مو جاهل واوصلج بيدي  
عمي جان عباله لهيب من اصر عليه يوصلني عباله اني  
خايفه او شي بس لا لهيب جان يسوي هل شي حته  
ميحسني اني وحدي  
المهم وصلت للجامعة حرفيا شي مختلف مو مخيف بس  
اله رهبتة حاله حال اي مكان تدخله اول مره  
خلصت اول شهر واني ماعدي لا صديق ولا صديقه.  
سابق ياخذني ويرجعني  
جنه بيوم كاعدين دنسولف عادي شو هاله خبصتنه  
عياط وصياح هيه بشهر الثامن مو وكت ولادته راحت  
البنيه انتهت اخذناها ركض للمستشفى هل يوم مستحيل  
انساه بحياتي  
رعب عله خوف. والاهم من هذا كله لهيب بعدله شهرين  
يله يرجع.  
يعني ممكن مرته جيب وهو ماكو

الدكتوراه كالت مباشرة عمليات وضعه كلش تعبان  
والصدمة جانت بعد ساعتين ونص انتضار.

طلعت الممرضة وكالت جملتين  
البقيه بحياتكم  
والله يعينكم

جنت اباوع عله خطوات رجلينه وهو يقترب مني لهيب  
من يكون انسان عادي طبيعي هو مخيف مو عاد حزين  
وتعبان واصل مرحله ابنه ميريد يشوفه  
بقيت ارجع ليوره وهو يتقدم ويسوي. عيدي شكلكي  
احسيت راح يطلع قهر موت هاله كله بيه  
بس رن تليفونه مدري منو اتصل وهوبي گام يبجي اني  
استغلّيت الوضع ورحت شلت هوبي هو كمل اتصاله  
التفت ماكو لا اني ولا هوبي طافرين  
طببت للبيت وجهي مخطوف بيبي كالتلي

الشيخه

ولج شبيج عبالج واحد يطف بيج


منسى

ي هو اني شردت من حفيدج الله نقذني بالحضه الاخيره

الشيخه

ولج عوفي الرجال الدنيا طالعاه من عينه

منسى  
وانى شعليه بي هو كوه يدور عركه  
الشيخه  
اخذي الطفل وختفي منا اني اهدي

اخذت هوبي وصعدت للغرفه ضليت اقره بغرفتي  
صاحوني عل عشه نزلت هوبي ويايه  
يباوع بالوجوه لهيب كاعد يگلب بتليفونه وحده. وبيبي  
سبح ومره عمي جهز بالاكل وعمي يباوع عل تلفزيون  


خليت هوبي بحضن عمي وكتله

منسى  
عمو خلي هوبي يمك اروح ساعد عمه بالعشه  
ابو لهيب  
جيبى بس هذا هسه يضل يعوي مايسكت  
منسى  
عمو شنو يعوي. شبيكم ويه طفل والله اخذه واطلع من  
البيت.  
الشيخه  
بلشت رحمه الله  
منسى



ي تبلش رحمه الله تره هذا الشيخ لهيب. شنو يعوي  
لهيب

ولطم صوتج

منسى

خو انته تريد حجه

لهيب

تره ما نسيت دگه العصر عفتج لخاطر جديتي

منسى

تره عمي كاعد عيب عليك تهددني وعمي كاعد

ابو لهيب

عمي اني لا دخلوني بينكم وانته شوف من هسه اكلك

هذا اذا ضل يم هاي راح تجيك بلوه ثانيه ويم علي جنتي

بواحد صرتي بثنين

انته شفت النبي عربي يله كبرت عاد الك خلك تربيه

منسى من جديد بعد هاي يمك

لهيب

هو منسى الأولى بعد يرادله تربيه تروح تربيه هاي.

الزعطوط شنو

امي موجوده ومتقصر.

منسى

عمي جيبني لهيبي واريد اشوف واحد يقربله انكر هسه

حضرة الرائد عده ابن. والله يا الله

لهيب

تره هذا مولعابه ابويه وتلعبين بي

منسى  
ليش بله جنت حاسبني قبل لعابه تلعب بيه. تره ابنك  
ماشوف فرق بينه وبينى  
انى هم مات أبويه. وامي عافتني الفرق هو الايه يمه  
بالمكلوب  
بس انى مستحيل اسمحك تغلط بحقه وغصبا ماعليك.  
تعامله احسن معامله  
وشتريد سوي سوي لا عبالك اخاف منك وسكت

جنت احجي وهو صافن بيه. حته مارد عفته واخذت  
هوبي ورحت يم عمه بالمطبخ طببت من شافتني ابتسمت  
وكالت

ام لهيب  
حته لو ما يعجبه كلامج وادري بيح تخافين منه بس لا  
تعوفينه ضلي كل دقيقه مذكرته بابنه خطيه هل طفل شنو  
ذنيه

منسى  
ولووو عمه والله لو يسحطني سحل حق هوبي اخذه من  
عيونه وخشمه

ام لهيب  
ولج مو هيچ امي بهداوه لا تروحين بيه انتي وهوبي

مرت الايام وخلصت الامتحانات والحمد لله تقديري قول  
وجنت الأولى مثل كل مره اما لهيب صار اذا التحق بيقه  
شهر هيج يله يرجع واكيد هوبي يباوعله من بعيد لهسه  
ماقترب منه صار عمره ست اشهر  
حبيبي يجنن مو طفل ينكرط لا ويشبه هوايه تحسه نسخه  
مصغره

وهو من يشوف ابوه عبالك يحس هذا ابوه رغم الولد  
دائما يلعبون وياه ويضاحكو بس من يشوف لهيب يضل  
يباوع علي  
عمي كال اريد اطهرهه ومقبلت كتلم اول شي بعده  
زغير والله خطيه وثاني شي سنويه امه مطلعت واني  
اريد اسويله حفله وبالي هوايه اشياء فعمي قتنع  
اما الشيخ مهيب السالفه مو يمه اصلا.  
وراها. ردت اروح لبغداد واكيد اقل شي سبوع يله ارجع.  
وبهل حاله هوبي لازم يجي ويايه  
طبعا محد جان عنده عتراض رغم عمه كالت. عوفي  
يمي روعي تونسي  
تفقت ويه مها. انو هل مره نروح للشمال نتونس وهيه  
هم سوي عرسه هناكه  
اخذت فلوس من بيبي وطلعت ويه فهد العصر

بليل وصلنه بغداد. ثاني يوم رحت للسوق ويه مها.  
اتكمل باقي تجهيزات عرسه  
خليت هوبي بالعربانه مالتة وطلعنه جانت دنيا عصريه.  
والاجواء حلوه والمنصور اصلا حلوه العصر.  
اول مباوعت شفت محل ملابس اطفال فتت ركض وهادي  
مها معاجبه تكلي شكو متحملة مسوالية طفل شعليج بي  
بس اني ماهتم. اخر همي حقيه هيه وامي اني جايه  
اتونس واغير جو  
اخذتله قاط (بدله كامله رباط وستره وبنطرون)  
واخذت لنفسي فستان للحنه واحد للعرس  
واخذت كم قطعه لهوبي ورائه سفره  
تعشينه بره ورجعنه  
اخذت صوره لهوبي. وهو بالعربانه ويشرب عصير  
الصوره جانت تجنن وهو جميل حبيبي  
خليته ستوري وكتب فديتو لهيبي  
بليل جنت اسولف ويه لاره كتله اشتريلج كم قطعه مال  
عرايس. كونج عرسج هم قرب  
جان تجيني رساله من لهيب

لهيب  
\* وين ماخذه ابني  
منسى  
\*ابنك منو

لهيب

\*شنو تستصرفين حضرتج طفل وين موليه بي من

سمحلج طلعيه واني مادري

منسى

\*من تعترف انتة عدك ابن وتصير مثل باقي الاباء ذاك

الوكت اذا اخذه للحمام. اخذ اذن منك خوش اما هسه

ماعدك شي يمي هذا مالتى

لهيب

\* وربج لوما عدي واجب وطالع هسه ماكدر اعوفه لاجي

اعيد تربيتج من جده وجديد

منسى

\* بي الله كريم. بابا لهيب من تفرغ تعال ارجع ربينه اني

وهوبي سوه

شاف الرساله ومارد. عليه ثاني يوم الصبح طلعتة

الاربيل الاجواء جنن والعالم ونسه وضحك وكله تركص

وسولف.

لبست فستان شيفون كلش عريض وطوله ٩٠. ابيض

وردي وشال ابيض. وطلعت بالسلب مالتى الابيض

وقبعتي مال صيادين السمك وهوبي لبسته بس شورت  
وقبعه وهو حبيبي ميت ضحكك يضحك للهوى وحرك  
اخذت كومه صور اني وهوبي شي نلعب بالمي  
شي نضحك كومه دزيتهم. لعمه كتله

منسى

باعي حفيدج البطل شلون متونس وانتي تكليلي. خاف  
يشتاقلي اصلا ناسيج  
ام لهيب  
دزي وحده من ذني الصور لهيب

منسى

ليش عمه

ام لهيب

خلي يشوف ابنه بلكت كلبه يحن. وسوي روحج عود  
تردين ضوجينه موقصدج تخلينه يحن عليه

منسى

قصدج اشتغل خباثه عمه

ام لهيب

والله يمه شتردين سوين سوي بس كون تخلينه يرد من  
الدوام يكول ابني وين

منسى

مو تدلنين

بليل جنت كاعده اني والبنات والكل نسولف ونضحك  
باجر حنه مها ونحشش عليه طالعه حبايه بگصته  
جان. اكوم وادز صوره لهيب واكتب عليه

منسى  
هلو بابا

شافه الصوره بس مارد خاب مو صوجك صوجي اني.  
صراحه غير نقهرت وحزت بنفسي يعني هيچ يحب هاله  
حته اكثر من ابنه كمت مسحت الصوره ولفيت راسي  
ونمت اني وهوبي بحضني  
بليل حسيت عله صوت تليفوني باواعت هذا لهيب يتصل  
كامره  
نسيت اني لابسه بس كيمنونه تعلاكه وكفشتي وهوبي  
نايم بحضني  
بس جان بالي يم اتصاله فتحت الاتصال  
جان داير مدايره ضلام بس الجكاره مبينه اني هم جانت  
ضلمه يمي مطفيه الضوه جان يكول

لهيب

## فتحي الضوه اريد اشوفه

هل كلمه نستني كلشي عبالك اني بته وقرر. يحبني.  
وينطيني اهتمامه ويعترف بيه.  
النقطه مال كهرياء جانت يم راسي فتحت الضوه وكتله

منسى

نايم. تعب اليوم هوايه لعب

مارد عليه بس اسمع صوت انفاسه وشغل جكاره جديده  
كتله

منسى

تره الانسان شما كبر يضل محتاج ابوه. فشلون اذا جان  
طفل. والله لهيب. من تدخل يضل يباع عليك عبالك  
يحس انتة ابوه من دون الكل  
لهيب

بسببه خسرت الانسانه الوحيده الي تحملت لهيب مثل  
ماهو بغلاطه بقسوته بحزنه بفرحه بعيوبه. بكل تفاصيله

منسى

مو ذنبه هذا امر الله واصلا هاله من البدايه جان. الحمل  
خطر عليه

لهيب

واني الي لحيت وردت طفل وهل طفل اخذهه مني



منسى  
مو ذنبه هل طفل مامحتاج شي بهل دنيه غيرك انتة  
لهيب  
واني ماريدو  
منسى

كيفك لهيب الابن ابنك وانتة حر بس بعد كم سنه من  
راح شوف بعيونه. نضرات اسمه قلبه احترام عدم راحة  
كره وحقد و غضب. بس مايكدر يحجيهن لان انتة ابوه.  
لتلوم غير روحك

وهسه تصبح على خير ومدام. انتة مالك نيه تتغير وكل  
الي هامك بهاي الدنيا موت هاله الي هيه اوله واخره  
ميتة اليوم وله بعد ميت سنه يجي يوم وتموت  
احب اكلك. ممنوع بعد تتصل بيه. او اتحاول تحاجيني  
بحرف.

لان اني رجعت احجي وياك وضغطت على روعي  
وتحملت سالفه. ارجع اشوف لهيب كدامي وماطلع من  
المكان لخاطر هل طفل. كلت اضغط على نفسي بس في  
سبيل هل طفل ماردت يعيش الي اني عشته  
بس بما انو حضرتك اني بايعني من سنين  
واهسه بعث هل طفل.  
ياريت بعد. تلغي وجودك من حياتنه

سدیت التلیفون ومسحت دمعتي الي وكعت وحده.  
وحضرت لهيب من شكو برنامج الي  
ونمت

كعدت الصبح. بلشت تحضيرات الحنه شي تروح صالون  
شي شوف التجهيزات

اني بقيت بفراشي بس وكلت هوبي لي حته هو كعد  
متحس عبالك حس هو مثلي شخص غير مرحب به  
وراها كمت سبحت وسبحته هم عيب من مها جايه للحنه  
مالتة وبيوم الحنه اخلصه نوم  
عاد كمت سبحت وسبحت هوبي. وبدائنه لبسته بدلتة

الاسود وقميص ابيض  
وشعره جان طويله لميته اله  
ولبست فستان ماروني قصير من فوگ ضاب عل جسم  
ومن جوه كلوشه

ولبست حذاء فلات وفتحت شعري سويته كيرلي  
من نزلت وجان هوبي بحضني امي صفت عليه كتله

منسى

هااا يوم

ام مها

لادفنين روح علمود طفل مو طفلج. اني ادري بيج  
غبيه وتحبين ابوه الي ما معترف بيج اصلا.

شوفي حياتج وانزلي هل نزله ويبيدج ابنج. انتي  
تره يونس بعده لهسه يحبج وكل مره يسالني عليج

منسی  
ممکن هذا الموضوع ينسد

وراها هوسنه وضحكنه وركصنه اخذت كم صوره اني  
وهوبي نزلتهم كلوز حرفيا جنه طالعين صاكين

بليل جنت احجي ويه لاره كالت

لاره  
اريد اكلج شي بس لضوجين

منسی  
خير شكو

لاره  
اليوم جنت كاعده اشوف صوركم انتي وهوبي لعمتي

وجديتي

منسی

اي

لاره

بيي المهم اليوم اجه لهيب للبيت نزل مجاز فمن جنت  
اشوف الصور لعمتي هو جان مدد ومخلي راسه بحضن

جديتي وجديتي كالت شو انطيني خلي اشوفهم

منسی

وبعدین

لاره

جدیتی ضلت اسوي صلاوات عل نبی ولج یمه تحجی  
ویاها های لا تلبس هیج وتلبس الطفل هیج لا تنحسد  
یعنی تعرفین سوائف بیبی حسد وهل امور  
قلهیب سحب التلیفون من بیبی وشاف کل الصور  
وحار شسوه

کل لعمتی انی کتلج ابنی مسولیتج لوماکت شنو دازته  
ویه طفله های من تطلع انی ارید انز احد ویها یعنتی  
بیه مو دزیتهن طفل ویها  
عاد عمه کتله ابنک مایسکت بس یمه  
وهیه مو طفله عمره ۲۱ سنه لاضل بهل سوائف. البنیه  
کبرت محد یشوفه طفله غیرک انته.  
بعدین هیج مامن عله ابنک یمه  
روح زوج وخلي تربي موجاي تصیح علیه

منسی

وهسه شنو لهیب یرید یزوج

لاره

مادری بس هو طلع من البیت وهو عصبی مارد عله  
عمتی

منسى  
لش مو من كد حزنه عله هاله ميباوع بخلقت ابنه. شنو  
وين راح الحزن  
لاره

شمدريني. بس انتي شوكت تجين تره ضاله وحدي مثل  
البومه

منسى  
خلي يخلص العرس.  
لاره

ي يعني شوكت تجين  
منسى

بعد سبوع اني يمج  
لاره

هو ااي  
منسى

ههههه ولج خلي يلتحق هل خبل واجي  
لاره

شنو رجغه نلعب لعبه الفار والبزون  
منسى

تعاركنه وحضرتة وجهرته ماريد اشوفه لا اني ولا هوبي  
لاره

سلملي علساس هو لو يريد يشوفكم تمنعينه انتي  
منسى

اي امنعه وهسه روجي اريد انام

سدیت من لاره وصفنت بالسکف  
(یرید یزوج الافندی)  
احس بالم بداخلي وکاني اول مره اسمع هل خبر

بعد ما خلصت السبعه مال مها رجعت للبيت. اني وهوبي  
رجعنه فهد.

للبيت سلمت عل كل ومثل العاده کل من انطيته هديته  
وصعدت الغرفتي سبحت هوبي وسويتله ممة شرب  
حليب ونام  
واني نفس الشئ بحيث كعدت العصر عل صوت لاره  
ضلت تحجي وسولف ومندمجه  
ما عرف شلون سالتة دون ما حس

منسى  
لكتله جديتي مرة  
لاره  
منوه  
منسى  
الشيخ لهيب منو  
لاره

واني شمدريني بعدين شكو سالىن عنه شعليج بي شنو  
حنيتي لو شنو

منسى

هاي شبيج مجرد سوال

لاره

لا سوال ولا بطيخ خليه بالج لهيب ممامكن يفكر بيج بهل  
طريقه من الاخير منسى ولو اجرهج بس هو ماله نفس

بيج

عيشي حياتج وشوفي مستقبلج وسوي كل الي بخاطرج  
حبي ونحبي مثل كل البنات انتي الف واحد يتمنه اشاره

منج

مو تنتضرين سنين وسنين ودموع وبجي وهو اصلا مو  
شايلاج ولا شايلاج من كاعدج

منو هو حته يذلج بهل طريقه ويهينج كل مره و

لا وبعده منصب روجه مسؤل عنج

ليش صيرين بموقف يخلي الكل يشفق عليج وانتي

احسن من الكل

حته عمتي ام فهد تكول منسى تربي ابن لهيب بلكت

لهيب ياخذه

شبيج انتي شنو ناقصج

حجت لاره هوايه اشياء صحتي عله زماني. وراها  
غيرنه الموضوع  
وصرنه نخطط لعرسه ونرتب وافكار  
صح اندمج وياها بس كلامه عن لهيب والي حاجيته  
عمتي اثر هواي بيه  
اني ابن لهيب احبه من داخلي اشوف نفسي بي مستحيل  
افكر بيوم انو اربي او اصير زينه وياه حته لهيب  
يزوجني  
اصلا مستحيل بعد ما تركني وراح ازوج غيري افكر بي  
بحلامه بعد. يفكر بهل شي  
لو مو احبه لو روجي بيده  
مر سبوع عادي. بيوم جنت العب اني وهوبي بالغرفه  
عطله ماعدي دراسه  
ولاره راحت ويه امه جهز سولف العرس وتجهز  
اندكت الباب كلت اتفضل عبالي عمتي  
اني وكفشتي وهوبي ماعده شغله وعمله غير يشلع  
شعراتي كلت تفضل  
واني مستمره العب ويه هوبي وتارسين الغرفه العاب  
وملابس وحفاضات مطشره  
جان اسمع صوت

لهيب  
شهل مزبله



منسی  
لهیب ???  
لهیب  
شبیج مخترعه اول مره شوفینی وشبیج هیج جنج واحده  
مسحوله

ماردیت علیه بس لمیت شعری ولبست حجابی. وهوبی  
ههههه اجه زحف کعد بحضنی جنه هم خاف مثلی  
والله هل لهیب مسویننه رعب

لهیب  
لا والله شهل عقل وین جان عقلکم قبل شویه  
منسی  
هو یحجی وانی صافنه هذا شبی شیرید

لهیب  
شبیج ماتردین خرسیتی  
منسی  
شرد هو انته جای ترزل کمل صیاحک ورزایک وروح  
لهیب  
ی مو متعوده عل مهاین  
منسی

اكيد من حضرتك ماشفت شي حلو حته انتضر مثل هل  
شي

جان يريد يحجي ورن تليفوني بس وين تليفوني  
خرب هوبي وين وديته. اسمع بس الصوت.  
جنت ادور علي اشيل بالغراض وهو من يشوفني اشيل  
الشي هو هم. يشيل شي ولهيب. يباوع عليه بنضرات  
غريبه  
شو فجاة كال

لهيب  
هذا شعده يتصل بيج  
انداريت عليه واشوف تليفوني بيده.  
منسى  
منو

جان بيده تليفوني ويباوع بنضرات ضلام وخله التليفون  
بوجهي هذا يونس  
نسيته البارحه كال عدي موضوع وياج اريد احجي من  
يصير عذج مجال اتصلي بيه واني نسيته  
بس تصرف لهيب جان غريب فتح خط واشرلي احجي  
وهو فاتح سبيكر هذا شبي

منسى

الو

يونس

هلو سمس

منسى

هلا يونس شلونك

يونس

الحمد لله وينج من لبارحه ماكو

منسى

والله نسيت التهيت اني وهوبي ونسيت ارجع اتصل بيك

يونس

لا عادي مصار شي بس عذج مجال نسولف الصراحة

موضوع مهم وحساس

عززه بعيني هذا شيريد يحجي وهذا لهيب فوك راسي

جنه عزرائيل ويشرلي ارد عليه

منسى

ي كول

يونس

منسى اني اريد ابدى بدايه جديده وياج. اعرف اول مره  
جانت بدايته غلط بغلط بس هم تعرفين اني مالي ذنب  
وماجنت ادري باي شي من الي صار  
بس الله شاهد اني حبيبتج من كل كلبى. واخر سفره انه  
جنت ناوي احجي وياج وجه لوجه واوضحج كلامي بس  
ماكدت تدرين عرس ولتهينه  
الله شاهد عليه اني صادق وياج بكل حرف وحته مستعد  
انتقل للبصره اذا تكولين داومي وكليتي  
واني مستعد اقبل بكل شروطج. كل الي يهمني وجودج  
بحياتي.

جان يحجي ومندمج واني بالي يم هذا الي واكف فوك  
راسي. واحسه صار مثل الثور الهايج  
بس صوت انفاسه ترعب  
الولد بعده ماکمل كلامه وتليفوني صار الف قطعه من  
شمره بالغاع وهو يصيح بصوت عالي

لهيب  
اني شكتلج عله هذا القندره مو كلت ينحضر واي تواصل  
وياه ماريد

صرت مثل السعفه بيده يهز بيه يوديني يماني ويسره  
وحار شحجه  
وشعد وصف  
هذا كله وهو زين يعرف اني مستحيل اقبل بيونس. اني  
رفضته من البدايه هسه اقبل بي  
هوبي فرح بجي من شاف دموعي  
ماثر بي لا صريخ ابنه وبجي لا اني بس اريد افهمه  
انو مالي علاقه بي  
اخر شي كال

انتي الي جبتيه لوروح وعافني وطلع  
ومافهمت قصده اجتني امه تركض اتريد تفهم شبي هيح  
متخبل حته ماعرفت ارد عليه  
اخذتني اني وهوبي غسلت انه وشربته مي  
هوبي نام.  
واني مددت بحضنه وحجيتله كل الصار. سكتت وراها  
كالت يمه انتي قابله بالولد  
كتله عمه صدك تحجين. انتي اكثر وحده تعرف اني  
اصلا كاره الزواج وكلشي اله علاقه بي  
ضلت تحجي ويبي وصبر بيه  
كالت اني السبب اني الي لحيت عليه وكتله روح شوف  
ابنك.  
لوما اني مجان صعد لغرفتيح

وراها اني نمت من دوخه وعمه نزلت  
حسيت بليل هوبي بحضني واني نايمه بحضن احد رفعت  
راسي شفته لهيب  
ههههه اكيد اني جاي احلم. بس حابه هل حلم. دفنت  
روحي بحضنه وهو باس گصتي ويكلي ليش هيچ تخليني  
اقسه عليج وكل مره اذيج  
وانتي اغله بشر عندي بهل دنيا  
ااخ شيصير لو هل حضن واقع واني فعلا بحضنه وهو  
يحيي هيچ وويايه  
عبالك واقع مو حلم احس عطره ترس ريتي الي دفعت  
روحي اكثر واكثر اريد ادخل بداخله  
وهو نفس الشيء. يحضني بكل قوته باسني من ركبتي  
قوي  
وهو يسوي ادري بيچ مو صاحيه خلني اني الصاحي لا  
اسوي شي اندم عليه بعدين اني مو حمل هل دلال  
ماجنت اقدر ارد الساني مربوط  
بس دفو حضنه خلاني ارواح لغير عالم حسيت الصبح  
واني اتمنه الي شفته يكون واقع مو حلم  
بس من فتحت عيوني جان هوبي بس بحضني. ولهيب  
ماكو.  
بس جنت احس هل شي جان واقع عبالك مو حلم  
والله احس عطره بيه. وتارسني

وراها اجتني كفخه من هوبي وكانه يكلي اصحي ست  
منسى تره البارحه هو سحل بيچ الكاع مو جان مخلبيج  
بحضنه  
اخذت هوبي لحضني وشميته قوي واني ابوس بي  
وكت غسلته وبدلتله  
واني هم غسلت وبدلت ونزلت  
اني وهوبي. لكيته كاعد كدامي عل تخم بالصاله.  
وماعجه العجب  
عشتو فوك شينه كوات عينه  
جاهلته ورحت خلتي هوبي بحضن بيبي وفتت للمطبخ  
ويه عمه نكمل الريوك  
كمنه وكعدنه كنه عل ريوك وهوبي بحضني  
واكيد ميكعد راحه همه ودينه يخرب حجابي  
جر شال من راسي وطلع كفشتي والكل يضحك عليه جان  
تكول عمتي

ام لهيب  
ولج هاي شبيه رگبتج  
منسى  
شنو شبيه  
ام محمد  
بيه طكعه زرکه  
منسى

منين اجنتي. معقوله لهيب عضني بس هو حته سنون  
ماعدہ.

ام محمد

لا ولج هذا الطفل شنو هو سنون ماعدہ خاف كارصتج

حشره

منسى

يجوز. يله مو زين كرصنتي اني مو هوبي

كمنه الريوك ولهيب كاعد. يشرب جاي وحده. ومدري

ويامن بتراسل. اني جاي الم بالسفره

وعمتي طلعت للحديقه

وهوبي كام يبجي صاحت بيبي عله لهيب كوم شيل ابنك

هو ضل صافن. كتله

عوفي بيبي اني كملت اخذت هوبي ورحت بيت مرتضى

كل عقلهم اضل بالببيت وهل وحش بي

بس بالي يم هاي زراكَّ الي بركبتي منين

صارت الدنيا ضهر وخطيه مرت عمي وحده بالببيت

وهسه وكت سوي غده. خابرتة كتله عمه لتسوين شي



للغده. راح اجيب غده من بيت مرتضى شو هو عمي  
ولهيب رايعين كعده عدهم بس هيه وببيبي  
صدك اخذت الهم غده واخذت هوبي ورجعت للبيت  
طبيت سبحت اني وهوبي لان شبتت حر  
نزلت لابسه دشداشه حفيفه وهوبي بس شورت وراسه  
مبلل بببي كالت

الشيخه  
ولج هذا ليش بله هدوم  
منسى  
بببي حارة. خطيه هسه منو اكو عود محد يكول شيخ  
لهيب طالع بله هدوم  
هو جان كاعد بالكاع يلعب شو فجاة اجه يزحف قوي  
وكعد بحضني  
شلتته بوسته بس عيونته علته غير مكان  
باوكت شفت لهيب صافن عليه  
اجيت اكوم جان يكول

لهيب  
انتي زعلانه مني هو شكو هم زعلان  
منسى  
ماكو فرق بينه  
لهيب

ارجعي كعدي

منسى

اريد اكوم ابدل

لهيب

وشكو لعد لبستيه من تدرين بيه مو مكانه

منسى

جنت اعرف محد بالببيت بس عمه وببيبي

لهيب

اكعدي وجيبي لهيب

منسى

ما عليك بينه

الشيخه

منسى كافي انطي الولد لابوه وروحي بدلي

لهيب

جيبي وارجعي لمكانج

منسى

ليش

لهيب

شوفي هاي كدام امي وجديتي هل مره راح اعديه لخاطر

امي وجيته البارح اجتي تتوسل بيه ما حاسبج

بس يا منسى وحق السماج منسى اذا مره ثانيه احس

مجرد احساس هذا يونس مسلم عليج بالصدفه

يا منسى لانسى انتي منو وانسه انتي شنو. وماشوفين  
غير قسوتي واعتقد جربتيني من اعاقب ماكو داعي  
نتعرف

منسى

شوكت طلگني

الشيخه

انتي قابله بهذا يونس

لهيب

جده انتي شجاي تحجين

الشيخه

خليني اسمع منه حتى اذا راضيه بالولد وهو مبين علي

شاريه انكله كبع وخذ

منسى

حسيت الجو بده ينشحن بالزايدي واني كل همي من هل

كعده لهيب أخذ ابنه لحضنه وباعو عله هوبي فرحان

ويباوع بعيون ابوه رغم مايفهم كلامه ماردت اخرب هل

لحضه

كلت لجديتي

بيبي اني لا قبله بيونس ولا غير. ومن كلت. اريد لهيب

يطلكني تره ماقصدي ازوج

بس الي فهمته لهيب يريد يرجع يزوج علمود هوبي

وتربي ومدري شنو

صح اني مستحيل. اقبل انطي هوبي لاي وحده لو مو

لهيب قرر

لهيب  
لا بله شنو يعني تكسرين كلمتي  
منسى  
لا طبعا هو ابنك وانت حر بي بس وكت الي تنطي هوبي  
لوحده غيري تلكاني لامه غراضي وراجعه لامي  
واعتقد تعرف انتة هذا اسهل شي عدي  
وزين ادري انتة ماعدك مشكله بهل شي  
بس لا جديتي ولا عمي راح يرضون عليك اذا طلعت  
لذالك روح ازوج عيش حياتك بس لهيبي معليك بي.

لهيب  
انتي منو كالج اني اريد ازوج  
منسى  
مو مهم هاي حياتك وانتة حر بيه اني الي يهمني من كل  
هل هوسه لهيب

لهيب  
تمام هذا الدنفوش انتي امه وحتة بالجنسيه راح يصير  
باسمج

منسى  
بس احنه سميناه وكملنه بيانه  
لهيب  
ادري بس سويتوله بيان بس بعده جنسيه ماعده  
منسى

يعني لهيب راح يصير باسمي

ما عرف كنت هل شي بفرحه احس طلعت من داخل كلبي  
اني اصلا مجنت اعرف زواجه اني ولهيب مصدق  
بالمحكمة صح اخذوني للمحكه والقاضي سألني بس اني  
ذيج الفتره جنت عايشه بعدم  
ومانتبه لاي شي يصير ويايه. لدرجه مذكرت هل شي  
غير من. حجو بجنسيه هوبي  
وراها تغدينه ولميت السفره بيبي فانت لغرفته وعمتي  
همات اني اخذت هوبي وصعدت  
احاول انيمه بس ميقبل كتله

منسى

هوبي شببك حبيبي دنام والله نعيانه

اني احجي وياه وهو يضحك خرب هذا ماله نيه ينام  
بهل اثناء انفتح الباب ودخل لهيب نهضت بسرعه عدلت  
روحي هو ماهتم اليه شمر روحه بصف هوبي  
كال اذا تردين نامي يمنه واذا ميعجبج عوفني اني وابني  
وروحي نامي بغرفتي القديمه

منسى

لا والله تره هاي غرفتي

لهيب

ماطردتج منه كتلج في حال يزعج وجودي

منسى

خو انتة اخذ ابنك وطلع خلوني انام. ساعه

لهيب

هاي شنو. احنه زاعجينج

منسى

اكول شيخ لهيب لصير لطيف اخذ ابنك واطلع تره

مانسيت حضرتك فلشت جهازي

لهيب

جان المفروض افلش راسج مو

منسى

انتة ليش متسالني تسمع مني يله تحكم حالي حال الكل

تكعد وتسمع وتفسر شمعنه بس اني

لهيب

لان انتي غلطاتج يجن عل جرح مايسولف بيهم

منسى

لا والله

لهيب

تعاي خل نتعاتب ولو الوكت فات

بس فسريلي شلون اكعد واسمع وسامح وبرر لوحده

ربيتة من هيه طفله عله ايدي خفت عليه حته من

روحي لاعبالج من كتبتيلي بورقه الاساله احبك مررت

عليه مرور الكرام

بس جنت خايف يكون حب مراهقه نروه وتعدي طفله  
وماشافت غيري

من بعدج عني ردت اشوف هل حب شنو ومن يانوع  
وضليت ابعج عني رغم اني اتعذب باليوم الف مره  
جنت يومية بليل اخلي جديتي تسولفلي كل اخبارج  
وانطيه مصروفج واجي اتفقدج قبل ماتام

انتضر يوم يوم تكبرين وتثبتين هل حب الي وتكليلي يا  
لهيب اني اعشقتك انتة مو نزوه ولا حب مراهقه ولا تعلق  
لا اني فعلا احب

ومن شفت غيرتج وتعجب واذيتج واني السبب صدكت  
وكلت لا هاي مثل ماني احبه تحبني  
العذاب الي جاي اعشه بعده نفسه هيه تعيشه  
جنتي بحضن جديتي وزين سمعتي من كتله بعد ماصبر  
الخميس اخطبه

جنت ادري انتي مانايمه

وخليتيني اعزم شكو واحد اعرفه والي خاطر عده  
واجبيه خطاب يوم الخميس حته اخطبج من ابوي  
تطلعين حضرتج متفقه ويه امج الي عافتج لحم وراحت  
زوجت الي دفعته فلوس بكد شعر راسج حته تتنازل  
عنج

تفقتي وياها ونزلتي راسي بين العربان وشردتني مني  
اني لهيب ولاكانو اني ذاك الي ربيتي عله ايده بحضنه  
وثبتيلي اني نزوه وذرته ثقه ماعدج بيه

من شفتج منزله ستوري وانتي يم كبر ابوج وتكولين  
محتاجته  
حسيت بذيج الحضه كون الله الوسيح ضاك بيه وخليت  
جديتي تخابرج  
بس ماكدت ادوس عله كرامتي واجيج لان انتي بعيني  
بسعر التراب  
لا عبالج من تركتج وزوجت جان الموضوع سهل عليه  
اني تارك مرتي عروس ١٠ ايام وكابلج بالمستشفى  
من كال الدكتور مواكيد تصحه  
وعمتي تباع بعيووني وتكول بيش تقابل ربك وانته كاسر  
خاطر طفله يتيمه  
حسيت الدنيا انطنتي كرت احمر وطرديتني منه  
تعرفين شنو يعني تموت المره الي حبيته اكثر من روي  
واني السبب  
اسوء مشاعر ممكن تنعاش يالدنيا عشته بسببج  
مقدار الالم الي عشته من يوم الي تركتي البيت لحضه  
وكعتج بيوم عرسي مستحيل يكون بشر عاشه  
الي ان ختمتية من كلتي لفهد اني اكره لهيب  
وزين تعرفين اني واكف وراج  
انتي انسانه كل الي ممكن سوينه تقلل من قيمتي  
واني الي يقلل من قيمتي ادوسه وامشي لوجان ابوي  
لذلك مانتضرت منج تفسير من شفت هل نعال يطلبج  
للزواج  
لان انتي بشرع الله وكتابه مرتي شرعا وقانونا



حته لو جان هل زواج مو طبيعي ومجرد حبر عله ورق  
ضلين مرتي شلون سمحين لنفسج هيچ يحجي وياج  
ويجراً لهل حد وانتي بزمه رجال

جان هو يحجي واني دموعي صب ماكدر اكول من غير  
كلمه

منسى  
الي خلاني اذله روعي بكل مره واتوسل بي لا يتركني  
مستحيل بعد افكر ارفع من شاناه او انقص  
اني انتة بكبرك اني ماشايفتك حته اذكر انتة مزوجني  
وغير هذا لو نرجع للماضي اني ماشفت هل حب الي انتة  
تحجي بي  
ولا حته ادري جان الك نيه تخطبني وعازم ومدري  
شمسوي

اني ماكدت تبقة بيت واحد وياك واني اسمعك  
باذني تكول لابوك وعمي كلشي مالهن يمي لا ورث ولا  
غيره عمي مات وحدي حي  
ماكدت ابقه واني مجرد عاليه عليك  
ماكدت ابقه وانته بيدك ردت دزني لامي  
هذا الي اني اعرفه عن الشيخ لهيب. كسرني واني يمه  
ذلني بعد هح

جنت تباوع بنص عيني وتختار غيري وزين تعرف  
روحي بيك

هسه بعد مادفنتك وصرت تراب وطيره هوه عالي  
اتريد انتضر منك شي ابد  
خليه بالك لهيب الطفله الي عشقتك وماشافت عيونه  
غيرك انتة بيدك دفنته

انسه بيوم احن واذكرك بشي واحد زين  
والحضه الي تركتني بيه بحضن امك مثل طير مذبوح  
وماهزتك صرخاتي ولو شعره يحطوني بالكبر ومانساها  
صح جنت بالماضي احبك واهيم بيك بس انتة بيدك دفنت  
هل حب

وخليت مكانه كره  
وحته الكره هواي عليك  
وهسه. اذا تسمح اخذ ابك وطلع من غرفتي او عوفه  
يمي اني انومه

وياريت بعد اليوم مايجمعنه شي  
غير لهيب. وان شاء الله ماظطر اتواصل وياك حتة  
علمود لهيب

من كتله هيچ نزل لهيب من حضنه وصفن بيه وكال

لهيب

الله كريم ان شاء الله مراح شوفيني بعد وماتضطرين  
تذكرين الماضي الحقيير الي يجمعنه  
واذا شي يوم حسيتي روح تعبتي من ابني اتركي  
مامجبوره بي  
اكو من يدير باله عليه  
وهم اذا تردين ترجعين لامج. ارجعي معلج بحديتي  
وابوي. اخذيه مني محد يفك حلكه  
انتي من هل لحضه حره اخلصي من قفص لهيب ا

بعد ذاك اليوم ماشفت لهيب الشخص الي فعلا جنت اريد  
ابتعد عنه لان كل افعاله تاذيني  
صرت ماشوفه مرت الاشهر ورجعت اداوم جامعه  
وقرب ميلاد هوبي.  
العصر اخذت عمتي والسايق وطلعنه جهزت كيك  
وحلويات وكلشي يخطر بالي ورتبت الصاله العصر  
وعمه خابرت عل هذي للعامله الي تشتغل عنده  
كالت متلحكين وحدج واني مابيه حيل اشتغل  
كملت كلشي وسبحت هوبي ولبسته زي عربي. طلع  
يجنن اصلا هو نسخه مصغره عن ابوه  
يمكن اني احب كل هل حب لان هو ابن لهيب مو بس  
ابنه يشبه بشكل ماينوصف  
لبست فستان بسيط ورتبت نفسي وشويه مكياج واكيد  
لبست حجاب لان. ولد عمامي وعماتي عازمتهم يمنه

العصر. حفله لهيبي وبليل العشه  
عمي خطيه فرحان هوايه بهوبي يكول خله روح بالبيت  
بضحكاته وسوالفه  
مرات استخطي لان يشتاق هوايه لهيب. ولهيب جيته  
كلش قليله  
ومرات احس بالذنب اكول بسببي قليل يشوف ابوه  
بس اني شعليه هو لو يريد يشوف ابنه يجي باي وقت  
ياخذه  
بس هو مصدك كتله ماريد اشوفك  
جنت شتيلته لهوبي وهو مكيف يمشي ويلعب بالنفاخات  
(بالونات)  
يحير شيسوي  
شلتة داعدل ملابسه كتله

منسى  
امي حبيبي او كف اثبت شويه تره ماكو هيچ شيخ خفيف  
فهد  
هو ابن لهيب وترباتج شيطلع  
منسى  
تروحله فدوه بعدين. انتة كتله ابن لهيب يعني يا جبل  
مايهزك ريح  
بس يجوز ماخذ هاي الخفه همة عمه فهد  
فهد

دولي طاح حضج. انتي وابنج وصدك شنو شيخ لهيب  
اليوم مايجي  
منسى  
ماعرف هو بالدوام  
فهد  
يمعوده يا دوام هو يغيب عليه شهر وجماعته كل سبوع  
ينزلون هذا تلكينه زوج وحده بغداديه  
منسى  
شاب ومن حقه. عادي خلي  
لهيب  
السلام عليكم

من كال السلام عليكم احس جسمي رجف صار اشهر  
مسامعه صوته ولا شايفته  
هو سلم عل كل وصراف بطريقه اني نفر ما موجود دنك  
عليه اخذ هوبي من حضني وهو يشم بريحته  
ويسوي

لهيب  
تعال يروح لهيب ودنيا ولك كبر وصاير شيخ

جان ييوس بابنه واني اباوع عليه شلون يحضنه  
وييوسه وهوبي مكيف عليه يضحك ويسوي بابا وكلماته  
عبالك صينيه مدري ياباني

تحسه بس يريد يحجي ويسولف ومكيف بابوه  
ولهيب ابد ما مل منه رغم ميفهم شيحجي  
وراها اجاه تليفون كل هوبي بابا روح يم ماما هسه  
جايك

اخذ تليفونه وطلع  
جنت اباوع عليه الشباك مفتوح يفتر ويحجي بالحديقه  
ويبتسم

ماعرف شصارلي احس نار بداخلي معقوله صدك زوج  
بغداد

ي وليفش ميزوح شنو الي ناقصه  
منسى انتي شبيج شنو الي منتضرته يعني انتي بعدج هم  
تحبين لهيب وميته بي مثل قبل

صار وكت نقطع الكيكه وهو. يحجي بره ماعرف شهل  
خبال الي عدي

طلعت عليه للحديقه وحجيت بصوت يسمعه الشخص الي  
ديحجي وياه وكلت

منسى

لهيب يله صار وكت نقطع الكيكه تعال. ابنك ينتضر

هو مدري شبي خزرنى عبالك مسويه جريمه  
شنو حضرته مكايل اله انى مزوج وعدي طفل لذارك  
ضاج من حجيت  
انى عفته وطبيت  
اخذت هوبى وكفنه دنقطع الكيكه اجه هو وكف ورايه  
احس روى صخنت خفت لا يوكع هوبى من ايدي  
كمنه الحفله وهذا هوبى صار عباره عن ككو وكريمه  
سبح بالكيكه  
كتلهم. ارواح اسبح هوبى وابدله واجى اشوف شنو  
جايبين هدايه لابنى

همه بقو يضحكون بس انتبعت لهيب عافنه وطلعت مبقه  
عله كد الحفله واخذ كم صوره ويانه وانتبعت اله ارد  
صور بس هو وهوبى  
يعنى انى مرادنى اطلع بالصوره  
هل شى حسيته مؤذى بطريقه ماعرفت اترجمه  
انى فعلا احس روى امه لهيب مو مجرد عاطفه هو  
ابنى مسوليتى  
الشى الوحيد اللى يفرحنى  
بس كتمت هل شى بداخلى وسكتت

وراها سبحت هوبي ونزلت اتعشينه وتعلنه هو ماكو  
اختفه

بليل بعد منام هوبي اني طلعت للسطح  
حسيت روجي محتاجه ابجي محتاجه حزن يلمني ياريت  
لو عدي ام مثل كل البنات  
بس اني امي هههههه حته تبقيني يم لهيب اخذت ثمن  
عليه

كعدت وحدي صافنه بالسمه رن تليفوني شفته لاره  
هاي السرز ماجتي اليوم رجله عده شغل ضليت احجي  
وياها جان تكول شبيج حزينه

منسى

مابي بس تخيلي لهيب راد ياخذ صوره ويه هوبي ابتعد  
عن الوكفه لان اني موجوده ماراد اطلع بالصوره  
لاره

انتي تتوهمين يجوز هيچ حركه عاديه مو قصده شي  
منسى


لا ابد بس يله هيه بقت عله هاي. اكولج المهم هوبي  
بعضني ومحارمني منه هاهيه ماريد شي  
لاره

الله يبرد كلبچ اكولج صدك دروسج شلونج بيهن



منسى  
زينه الحمد لله بس ضايجه اريد بس تجي العطله حته  
اروح لبغداد هم اشوف مها وهم اتونس. ومحتاجه  
شغلات اريد اجيبهم من المتنبى  
لاره

يجوز اروح وياج بس مابات ارجع ويه فهد  
منسى  
والله اكيف يا ريت

سديته منه وحسيت روعي بس اريد ابجي  مدري  
شبيهه استغفرت ربي فقت سبحت ونمت بفراشي سحبت  
هوبي لحضني  
كعدت الصبح بدلت ورحت للجامعه بس اني كلش نفسيتي  
تعبانه ماتحمل حرف  
وعرفت هل يوم مراح يعدي عله خير  
جنت بالمحاضره وعدنه واحد معيد غثه ومكروه مثله  
مشفت الاساتذه مو مثله هيچ مكروهين  
هو يشرح واني مخليه الايباد احدد مهمات الي ديكون  
عنه  
صراحه صفتت واكيد صفتت بلهيب وسالفه انو ممكن  
احد بحياته وهل الم الي يعتصر داخلي  
ماحسيت غير عله صوته يسالني

بلحضته حته لو اعرف الجواب مراح اجاوب من جفلتي  
ضليت صافنه بي  
مجاوبته رغم هو ملح ويايه بس استهضمت حسيت  
روحي فشلت أحس لدمعه بس اتريد تطلع من عيني كوه  
لازمته  
صرت ارفع عيوني ليفوك بس حته ما توكم دمعتي من  
خلصت المحاضره جنت الم بغراضي  
جان يكول

دكتور معاذ

منسى بيج شي

منسى

ها دكتور شبيه

دكتور معاذ

هو اني جاي اسالج شبيج صاير وياج شي

منسى

لا دكتور

دكتور معاذ

ماشى راح اصدك رغم منسى لي اعرفه ماتصفن

بمحاضره ولا من اساله متعرف تجاوب

هو من كال هيچ اني وكعت دموعي الي جنت حابسته

هو محجه شي سحب الكرسي وكعد كدامي موقفه وترني  
بس اني وياه بالمختبر اصلا هاي اول مره هو هيچ  
يقترب من طالب ابد هو رغم صغر سنه بس علاقتاه وياه  
طلاب كلش محدوده  
اني ضليت ابجي وهو ساكت من كملت كتله

منسى

اسفه دكتور بس تعباناه

دكتور معاذ

كلشي يمر ويهون ويصير سوائف بس ممنوع هل  
دموع وهل ضعف احد يشوفه الناس اله الضاهر وخلي  
ضاهر جليد  
وهسه فوتي للحمامات غسلي ورتبي شكلاج وحضري  
نفسج للمحاضره البعده

هل كلمات الي كاله اليه حرفيا. غيرت نفسيتي كافي كل  
مره لهيب يحركني بناره واصلا هو ناسيني ميذكر شي  
اسمه منسى

رجعت من الجامعه تعباناه حرفيا تعباناه باواعت هوبي  
ماكو سالت عمتي كالت بغرفه جديتج سبحت وبدلت

واجبت لغرفه جديتي لكيتيه نايم بحضنه اني هم سحبت  
الغطه ونمت يمه حسيت عله احد يلعب بشعري هاي  
سوالف هوبي  
ومن يحس بيه ماكعد يدخل راسه بركبتي ويكوم يحوص  
من حظ راسه بركبتي سحبتيه لحضني وحضنته قوي  
واني اشم بي.

منسى  
اووووف ريحتك جنه العافيه

اني اشمم بي وهو يسوي ماما عم عم

منسى  
شنو حبيبي لهسه بله اكل  
نهضت من فراشي واخذته ورحت للمطبخ حميت اكل  
اكلت اني. وياه  
وراها شربت جاي وحطيت ملازمي اني اقره وهوبي  
يلعب يمي بالعابه مانتبهت للوقت ولا حته شوكت غفيت  
بس من صحيت لكيت روجي بغرفه جديتي كتله

منسى

جده اني شجائبي هنانه

الشيخه

طب عليه لهيب شايح كال هاي نامت مثل الموته

منسى

ليش لهيب هنا

الشيخه

ي يمه غير مجاز لعد وين يروح

منسى

مجنت ادري بي هنانه

الشيخه

لو ما جان نايم هنا من اجيتي من الكليه

منسى

الله عليج

الشيخه

ي والله اصلا هوبي كعدكم ثنينكم هو كعد قبلج. وطلع

واني تاخرتي

كعدت اليوم الصبح غير عن كل يوم ما عرف احس بيه

طاقه بيه روح مود لكنايه راح وله بدلت وكشخت

وتعطرت ورتبت روعي

وظلعت للجامعه.

مو يوم عادي حاله حال غيره دراسيا

بس صرت الاحظ نضرات هل دكتور اليه ماتشبه نضراته  
لغيري

بس مجاهله الموضوع. ومر اول اسبوع  
وتبعه الثاني. وصارت العطله

جنت انتضره اكثر شي بهل دنيا اني جنت انتضر العطله  
صح الجامعه اتونس ويه صديقاتي ومرات نطلع نفتر  
مولات ومطاعم ونسوي سفرات بس اني احب بيتي دفو  
عائلتي ابني الي بيوم وليله صرت ام وعندي طفل. الطف  
منه بهل دنيا ماكو

جان يوم خميس يعني اكيد اكو ثواب وعائله كله ملتمة  
وخطار

جانو العاملات متكفلات بالشغل والطبخ عمه بس تدخل  
تنطي تعليمات وتطلع  
وراها اجتي لاره جان تگولي

لاره

لج شنو اليوم منوره

منسى

اسكتي خليني مليانه طاقه وفرح لج ممصدكه خلصت

امتحانات ودراسه

لاره

ي وحترحين اكيد للشمال تتونسين كم سبوع

منسى

اول شي اروح اشوف امي ضل امي شما صار وراها  
اطلع المها

لاره

ي تونسي هل كم يوم وهم مدام هوبي بيقه يم ابوه  
منسى

شنو بيقه يم ابوه اني ماعرف ابني  
لاره

تره لهيب يريد ياخذ. ابنه ويطلع لتركيا شهر هيچ فهمت  
من امي وجديتي  
منسى

حجي يفیده بعدین شنو نسيتي لهيب رجال عسكري  
ميكدر يسافر كل هل مده. دون عنر يكدر يسافر وكت  
اجازته وهم يطلع من الاقليم مو من مطاراتنه مو عاد  
يروح شهر

لاره

والله العظيم. هو هيچ كاييل. حته كاييل حضرولي جوازه  
وهل امور

منسى

لاره لا تخبليني شنو ياخذ شهر. شتحنين والله ماعوفه  
اله لو تنكلب الدنيا

لاره

تخبلتي انتي الابن ابنه بابا. شبيج

منسى

واني امه ميكدر يسفره دوني ودون رضاي

لاره  
ومتوقعه لهيب بحاجه ياخذ اذن منج

بعد مجنت متونسه وفرحانه طيرت هل خبله مني ام  
الونسه والفرح اني هل طفل ماكدر اعيش من دونه يوم  
مو شهر  
لا واني بلد وهو بلد  
والله لو تتكلم الدنيا  
خلص العشه والعالم كل من كام يروح لبيته بقه بس عمتي  
وعمامي هو ماكو ماشفته هوبي بحضن عمه ام فهد.  
عمي يلاعب بي وهو اللسان ما شاء الله ولا عبك توه  
سنه ونص وحرك كل عقلهم اعوفه لهيب شهر الله يعلم  
ويه منو يريد ياخذ هل طفل 🤔 جان كلت العمي

منسى  
عمي محمد لهيب وين  
ابو لهيب  
بالمضيف ليش  
منسى  
عمي لهيب يريد ياخذ ابني ويروح واني ماقبل



جنت بعدني مكملة كلامي وسمعت صوت لهيب من  
ورايه بعده بيه نفس ذيج الرهبة والخوف الي يصيبني  
من اسوي مكسوره ويجي لهيب يحاسبني  
وهو يمول

لهيب

ومنو حضرتج حته تقبلين آخذ او ماخذ ابني

منسى

( جان لازم اصير قويه هل مره وحقي ماعوفه مثل كل  
مره هل مره هوبي ابني اني ومحد اله حق بي غيري  
وكفت ونداريت عليه جان بزي عسكري النسر يضوي  
عله جتافه مليون هيبه وفخامه وجمال. شيخ وظابط  
ومالي مكانه وكل ميكبر يوم تحسه يزيد هيبه وجمال  
اكثر اخذتلي صفنه بي من ثولي خاصه صارلي كومه  
مشايفته هو رفع حجابہ الحركة الي يخليني اتترفز بيه  
كتله )

منسى

اول شي تريد تاخذ لهيب وياك شهر وحته مافكرت  
تسالني تكول. تنطيني خبر اسمع من العالم وكاني....

لهيب

انتي منو حته. اكد احجي وياج بهيج موضوع واخذ

وانطي

منسى

امه اذا جنت ناسي اذكرك اني امه يا حضرة الراءد  
لهيب

امه ماتت الله يرحمه واني ماريد احملج اكثر من طاقتج  
هم شابيه ومن حقج. تتونسين بعطلتج تطلعين وويه  
صديقاتج واختج اني اصلا. ماخذيه شهر حته انتي  
ترتاحين منه

منسى

اني امه وهذا الشى اني اقره لهيب مماثر عله حياتي ولا  
دراستي ولا طبتي ولا طلعتي اصلا هو ونستي وحته اذا  
حضرتك ردت تخليني اطلع واتونس وخاف هو ياثر عليه  
فاني اذا هو مو ويايه راح يضل بالي يمه ومراح اتونس  
ولاخر مره اكله الك شيخ لهيب عاملني عله اساس اني  
الام الوحيدة بهل كون لهيب تره ميصير خير  
لهيب

لا بله شسوين يعني مثلا حضرتج تهددين  
منسى

افهم الي تريده ولتنسى قانونا اني امه لهيب بالجنسيه  
اسم امه منسى دون موافقتي متكدر سفره  
لهيب

الله عليج غصبا ماعليج توافقين  
منسى

رجلي عله رجل ابني. وين ماكون هو يكون والعكس  
صحيح

اشتد النقاش بيني وبين لهيب. وعمي صاح كافي

منسى

مشوفه عمو عبالك طفل ديعاند المهم يغثني يعني وين  
ماخذ طفل وياك وحدك لبلد ثاني هو مو زين يعرف انتة  
ابوه يشوفك بالسنة حسنة

جنت احجي وانو لهيب متعود عليه وميكر بيتعد عني  
وانو هو مراح اصلا يكر يعثني بي وحده بعدين انتبهت  
معقوله لهيب اكو وحده تريد اتروح وياه  
اي ليش لا يجوز صدك مزوج بغداد وهل ديحاول يخلي  
هوبي يتعرف عليه ويتعلم عليه  
اني جنت احجي واعد واصف وفجاة سكتت من خطرت  
هل فكره براسي  
هو باوع عليه مستغرب سكتي  
وعمي هم كال طفل ومن هل حجي بس هو اصر اله  
يسافر وياه  
جان اصدمه واكله

منسى

ي خلص عمو خلي يسافر وياه شكو بيه.

لهيب

شتغير

منسى

متغير اني اسافر ويه ابني وكيفك بعد

لهيب

لا والله وين موليه ويايه

منسى

محد اله شي يمك اعتقد شرعا وقانونا اني مرتك وهم بت

عمك خلصت عمري جو جناحك شنو نسيت اني جنت

اكلك بابا.

فماصور سفري وياك بي مشكله

الشيخه

ماشوف بي مشكله اخذه يمه وياك

لهيب

جده شتجبن وين اخذه.

منسى

والله ارواح اني وابني سوه نروح كل واحد بمكان تخلينه

سالفه انساها

اني من حجيت هيچ جديتي وعمي وعمتي صفو ويايه  
هو عافنه وطلع اني جنت مستحيل اتوقع انو لهيب يقبل

او حته يفكر نساقر اني وياه ولهيب من طلع. بعد منفتح  
الموضوع. وره سبوع جنت كاعده العب اني وهوبي  
بالحديقه الخلفيه مال البيت. حاطين طوبه (مره قدم)  
زغبيرونه نلعب بيه  
جان اشوفه فوك راسي. خنست مثل ايام زمان من جان  
يجي يلكاني العب اني وفهد وسعد ومصطفى ومرضى  
طوبه ويكتلني ويدخلني جوه  
الضاهر هو ذكر موقف من هل مواقف لان ضحك ودنك  
عله هوبي شاله وهو ييوس بي  
بعدين انطاني اياه وكال حضرو روحكم نطلع للسوك  
نجهز الاشياء الي ناقصتكم

منسى  
مناقصنه شي شكرا  
لهيب  
هذا الشي اني اقرره  
منسى  
شبيك لهيب شناقصنه يعني مثلا  
لهيب  
ورانه سفره اكيد اكو شي ناقص انتي او هوبي  
منسى  
شنو يا سفره  
لهيب

اعتقد شئيتي حرب تردين سافرين انتي وانبج. شنو

نسيتي

منسى

قصدك حتاخذني اني وهوبي وياك

لهيب

مجبور

منسى

المهم اني وابني منفترق

لهيب

دروحي يله بسرعه الكم نص ساعه الكاكم بالسياره

اخذت هوبي وصعدت ركض مثل اي طفله ابوهه راح

يطلع اني ويه لهيب ماعرف انسه دور الاب الي جان

مأخذه بحياتي

شكد از عل منه توصل لحضات احسني اكرهه

اذاني هواي عاقبني بابشع الطرق

غير كل هذا اني احبه حب رجل لمراعه بس بنفس الوقت

حنان الاب وتعامل الاب الي جان معيشني بي وخوفه

وهتمه اليه ماكدر. اجاوزه واطلع من هل وضع

كملت اني وهوبي ونزلنه هو صفن بالبدايه بيه بعدين

كال يله

طلعنه. اول شي للمول صراحه اني محتاجه شي للسفر

يعني شحتاج كلشي عدي وحته هوبي مناقصه شي

بس حببت هوبي يعيش هل لحضات يسافر يطلع يتونس  
ويه ابوهه

طبعا هو اشتره الروحه كومه اشياء عبالك عريس  
ديجهز سلامات هذا بس لا صدك ناوي هيچ نيه. وراح  
ياخذه ويانه لتركيا ضل الموضوع براسي. بس تونست  
نسيت كلشي واني اضحك واسولف ويه هوبي ولهيب.  
مو من النوع المزعج بالطلعه اصلا اني متعوده عليه.  
ابد ميكول لا ولا يكول ماخذ هل شي ولا هل شي  
معاجبني

اشترانه كومه سوائف صح هو يحاجني برسويه بس  
بهاي طلعه بابا لهيب بعده موجود  
وراها اخذني اني ولهيب لمدينه الالعاب مثل مجان قبل  
يخليني على جتفه وياخذني. يشتريلي ويلعبني  
جان مخلي هوبي على جتفه مثل مجان يشيلني قبل. واني  
اضحك جان يمشي كدامي وهوبي ميت ضحك  
اندار لكاني صافنه بيهم.  
كال

لهيب  
شبيج  
منسى  
جنت هيچ. شيلني  
لهيب

ههه ليكون غرتي من هوبي تره زحمه كلش اشيلج هيچ  
وانتي بهل طول  
منسى  
بيوووو موهيچ قصدي بس نكرت الماضي بعدين اني  
ماغار من ابني. اوك  
لهيب  
ي صدكت ديله انطيني ايدج شو تعاي جاي

سحبني من ايدي مثل الطفله واخذني وياه جنت اباوع  
ليده شلون لازم ايدي  
صعدنه بالمراجيح اني وهوبي وصار مره يدفني ومره  
يدفع هوبي واحنه ميتين ضحك  
وراها رجغه للبيت بالطريق شترانه موطه جان بالسياره  
يضحك ويسولف ويه هوبي وهوبي حار شسووه  
طبعاً هوبي ابد ميشبه امه هاله. لان هاله جانت هادئه  
بس هذا تحسه ابني مو ابنه نفس خبالي وجناني واذا  
ينطلق بعد ميسكت نزلنه جوه ولهيب شايل الغراض واني  
شايله هوبي  
لكينه عمه وبيبي يشربن جاي  
ديجن ويانه وهوبي خبصنه مدري شيحاجي ابوه. جان  
لهيب يصفن بي وكال

لهيب



بالقران. صدك هذا ابنه

ام لهيب

ها يمه شنو

لهيب

مشوفي تكول منسى صغيره سطرني شكذ يلغي. امه الله  
يرحمه جانت قمه هدوء بس هذا منسى مو هاله


ماعرف ليش حسيته وكانه يكول لو منسى الي ماتت مو  
هاله. حسيته بنبره صوته جان متمني لو ابنه طالع يشبه  
هاله بشي

واكيد جديتي فهمت نضراتي وهدوئي هذا. شنو معناه  
اني ما حجيت شي بس حسيته كلي ادفعي ثمن هل كم  
ساعه الي ضحككج بيهن

اخذت هوبي ماريدو يدوخ حضرت جنابه. وكلت للعامله  
صعدي الغراض ويانه  
وكتلهم تصبحون عله خير.

ورحت لغرفتي بدون حته ما اباوع بوجهه  
هل بشر مراح يتغير بيوم وراح يضل هو هو لو بعد الف  
سنه

اليومح. اليوم الي مقرر بي نساقر اني ولهيب. وهوبي.  
جنت مجهزه كل جنطي اني وهوبي واوراقته

نزلت جوه ونزلت الجنط جانت ساعه تلاته الصبح لان  
هو كال نطلع هيچ وقت  
بس لهيب ماكو. خلّيت. هوبي بعربانته وصعدت اريد  
اشوفه وينه  
دكيت الباب مارد اكثر من مره اخر. شي رجعت فتحته  
ودخلت شنو هذا نايم  كل عقله يضحك عليه  
حاولت اكعه بس سوي. ممم

منسى

لهيب يمعود تحجي صدك

لهيب

هااا شصاير

منسى

تحجي صدك غير اليوم موعد سفرتنه شنو شصاير

موكلت ب ٣ الكاكم جاهزين

لهيب

ميت تعب بس اغفه نص ساعه

منسى

عادي نلغيه انروح غير يوم

لهيب

ي مو احنه رايعين بطيارتنه ونلغيه.

منسى

لعد تريد اروح وياك اني وهوبي هيچ. وانتة نعلان  
ومطفي منا لبغداد بله سويت حادث اني شحصل  
لهيب

طاحضج خايفه بس عله. روحه  
منسى

لا اكيد ولهيب ويايه  
لهيب

واني رجل كرسى [?] حاطيني  
منسى

تره كلت لهيب وثنينكم لهيب وهسه شنو.  
لهيب

يله انزلي سويلي جاي ابدل وانزل ونطلع  
منسى

خو خلي السايق يوصلنه اصلا سياره نروح بيه وين  
انوديه بعدين  
لهيب

اني جنت مفكر اخليه بيتي الي بغداد. مناكه ناخذ تكسي  
للمطار لان اصلا طيارتنه ب ٣ العصر  
منسى

مادري كيفيك بس السايق افضل انتة اصلا من شكك  
مادري شلونك  
لهيب

شبي يابه شكلي معاجب حضرتج  
منسى

مالي خلك عرايك من الصبح. اصلا من كعدت قررت  
اكون طول الرحله ريلاكس وفرفوشه وانسه اصلا اني  
طالعه وياك واتونس اني وابني اخر ونسه

لهيب

خفت هشكول ام الريلاكس والله اله كل دقيقه اذكرج

بلهيب

منسى

عادي هو اصلا انتة كدامي بس الفكره اني اسويك مسح  
مسح متوكل دماغي

لهيب

هاهاهاهاهاهاهاهاهاها.

منسى

شبيك تضحك سولفتك نكتة

لهيب

اعقلي ابويه صرتي دكتور ه بطني هل سوائف

منسى

ي مو الدكتور لازم يموت

لهيب

انزلي لا اشمرج من الدرج يله اريد ابدل واجي

عفته وطلعت. وصح اني مقررہ ابد ولا اهتم الوجودہ  
شنو اضل طول عمري كل ميحبيله حرف يغثني شنو  
اول وحده اخر وحده حبت وطلع مثل لهيب ثور 🐂 مو  
مال حب ❤️

وراها بنص ساعه نزل بيده جنطه سفر وجنطه زغيره  
بجفته يحجي بالتليفون. من وصل يمنه سده وكال يله

لهيب  
يله بابا خلونه نطلع  
منسى  
تمام  
لهيب  
هذا نايم كاعد  
منسى  
لا نايم. بس كلت عرباتته اريح اله بالطريق

مارد عليه شال هوبي بحضنه وطلع كدامي كال عوفي  
الجنط فتحلي باب السياره الخلفي. وخله هوبي بحضني  
وراح. اجه السايق سلم وصعد هااا يعني السايق راح  
يوصلنه الحمد لله 😊

هو سعد الجنط. وقفل البوب لان احنه البيت كلهم  
ودعناهم بليل بس شفت بيبي مدري شكلته وباست  
راسه وهو باس ايده ورشت ورانا مي من طلعه  
شو هو عاف السايق واجه كعد يمي ليوره هاي من  
شوكت.

كال للسايق اتوكل ابو محمد.

وهو رخه راسه عل كشن مال سياره ونام غمض عيونه  
اني موكلش احب سالفه انام بالسياره. اضل اباوع عل  
طريق والاماكن

بس جانت ليل ضلام كلشي ماكو. لا وشنو احنه طالعين  
من البصره للعماره للكوت عود نوصل بغداد



طريق شبه صحراء  
اخذت تليفوني كنكت عل خط وضليت اكلب بي. ماحسيت  
غير راس لهيب عله جتفي

من باواعت نايم عفته نايم

بس احس دكات كلبي صارت بسباق

حاولت قدر المستطاع ماهتم. وشنو يعني ميدري نايم  
ونعسان وطريق طويل وما منتبه كملني منسه شغلي  
روحج باي شي

دخلت عله كروب الدفعه. لكيتهم يسولفون بدكتور معاذ  
واحد كاتب شكذ غثيث

صراحة هو صح ماله علاقه باحد ولازم تكون هيچ علاقه  
دكتور وطلابه ماكو داعي الميانه الزايدة وهو كتريسي  
جدا ممتاز

كتبتلهم هذا لان محترم معاجبكم لو ملطظ جان كله  
صفكته

ضلينه مابين معارض ومؤيد  
وهو من المستحيل ميكون عده طالب بينه يوصله هل  
كلام  
جنت مندمجه وياهم جان اسمع صوت لهيب وهو يكو لي

لهيب  
وشدعوه هيچ. محروك دمج عله دكتور معاذ  
منسى  
شنو انتة كاعد شكو حاظ عيونك بفوني اعتقد هذا شي  
خاص

لهيب  
سالت سوال جاوبي  
منسى  
شبيك بابا انتة كلته دكتور معاذ يعني استاذنه بعدين اني  
مو زوج اجي احجي عنه اكيد اكو احد بالكروب راح  
يوصله هل حجي

لهيب  
اولا هاي البابا بعد متعاد وانتى لصيرين منافقه  
منسى









هو هم ضحك ورج راسه لحضني وغمض عيونه وهو  
يسوي

لهيب  
اريد انام كافي تعبان  
منسى  
هذا مكان هوبي هسه وين اخلي  
لهيب  
جيبني خلي اينام بحضني

اخذ هوبي ونومه بحضنه ونامو سوه جنت صافنه  
اباوع عليهم  
كلش حابه اخلي ايدي عله شعره والعب بي بس ماكدر  
ماجرأ  
طلعت الشمس واني صافنه بيهم شلون نايمين  
من فتح عيونه اني درت وجهي هو خله هوبي بحضني  
وكام  
باوع للطريق وكال لابي محمد

لهيب  
ابو محمد صافنه يم مطعم خلي نتريك درب طويل  
ابو محمد  
دلل شيخ.

وراها صدك نزلنه هو شائل هوبي وسحبني من ايدي  
عبالك راح اضيع يعاملني صدك عبالك اب وبنته هو صح  
دائما هذا لهيب. بس اني مرات انزعج من هل تصرف  
ومرات هواي احن اله  
تريكنه وهوبي بس يسولف ويلغي جان يكوله

لهيب

كافي بابا اكل عوف السوالف

منسى

ميصير سكت الطفل بس لان هل شي معاجبك بي خلي  
يحجي ومنطلق احسن ما بعدين يصير اخرس

لهيب

ليش احسج تلمحين لشي ثاني

منسى

شنو الشي الثاني. طفل من حقه يسولف  
ويحجي وينطلق ماريده يصير بي حاله نفسه

لهيب

الله كريم

اني فعلا ماجنت اقصد. بس الي گلته بس اكيد مراح اكله  
اني مفتهمه قصدك وانو انتة تتمنه بلهيب شويه من  
هدوء امه هاله


وراها كملنه اكل بعد محجيت وياه ضليت ساكنه والعب  
بهوبي

بس شو هذا ودانه فندق مو علساس نروح لبيته  
معقول فعلا مزوج واكيد ست الحسن هذا مو الوقت  
المناسب الي لازم نتعرف بي عليه  
سالتة ليش فندق كال كم ساعه وطالعين هذا للفندق  
قريب عل مطار  
وهم سالفه اكل ما اكل يجي ليمنه البيت صار هواي محد  
واصله هسه كله اتراب  
سكنت محجيت شي وراها دخلنه لغرفه لشخصين سرير  
نفرين سويت يله هو كم ساعه وطالعين  
فوتت هوبي سبخته وطلعتة انشف بشعره دخل لهيب  
كال

لهيب  
ها لك خو انتة شابع دلال  
منسى  
يمعود عوفه صار ظلي خلي ينام  
لهيب  
يله جيبي خلي ينام بحضني  
منسى  
خاف ميغفه لان ممتعود  
لهيب

هو اكيد حضني مو مثل حضنج بس جيبي هذا ريحته  
طيبه دوخ الواحد وتخلي يغفه

سحب هوبي لحضنه بعد ما نزع قميص وبنظرونه وبقه  
بس بالشورت يا هذا شبي تخبل ولا عبالك اني موجوده.  
احس لهيب مو لهيب

اني بسرعه طلعت خلي ينام هو وابنه عشتو  
فتت للحمام سبحت باوعت اهووووو مجاييه ملابس  
باوعت شفت البرنص ما شاء الله هذا يصيرلي عبايه مو  
برنص لفيت نفسي بي وصل لكعب رجلي  
وخليت المنشفه عله شعري جنت واكفه كدام المرايه  
اخلي مرطب  من رفعت راسي شفت لهيب ورايه  
ارتبكت ماعرفت شنو اسوي توترت ردت ارجع للحمام  
بس هو فاصل بيني وبين الباب. دنك راسه عليه وهمس  
شي باذني حسسني بي اني تافه وماعرف شنو اريد من  
كلي

لهيب

هسه عرفتي ليش جنت ارفض رتباطي بيج

منسى

شقصدك

لهيب

قصدي انتي مشوفيني غير بابا لهيب حبيتني حب طفله  
لابوهه حب تملك خفتي لا ازوجج غيرج وتخسرين هل

حب و هل اهتمام وسويتي كل هل ضجه وهمتي نفسج  
وغيرج بمشاعر انتي اصلا متملكيه هذا الخجل الي  
بعيونج خجل بنيه من ابوهه مو مره من رجال

منسى من كلي هيچ وستهان بمشاعري وحبى اله بكل  
بساطه يكلي وهمتي نفسج وهمتي غيرج. رفعت راسي  
وحطيت عيني بعينه جانت كل كسرة الدنيا بيه بس  
ابتسمت بوجهه وكتله

منسى  
صح بابا اني هواي جنت خايفه اخسر بابا لهيب انتة زين  
تعرف اني بهل دنيا ما عندي غير بابا لهيب  
وفعلا من دخلت مره بحياتك انتة نسييتي ونسيت وجودي  
ولو باقيه هاله الله يرحمه وعدكم هوبي جان اني اصلا  
حتة الذكرى الباقيه مني انمسحت يعني جان عندي حق  
من اخاف لو دخلت غيري حياتك

جنت اباع لعيونه بدت صير بلون الاحمر وظلام عرفت  
بهل لحضه لهيب وصل لقصى حد من العصبية. دنكت  
راسي وكتله

منسى  
زين لهيب اقدر ارجع لبابا لهيب مثل قبل وننسه كل الي  
صار

رفعت راسه وباعوت بعينه وكتله وهو بحاله صدمه  
يعني يصيرون عدك ثنيت بلوتين بحياتك منسى ولهيب  
الصغير

لا وهل مرة ثنين مجانيين مو وحده  
لهيب



انتي منتبهه لروح اذانج تسمع شيگول السانج  
منسى

اعرف بعد الي صار مو من حقي اطلب هيچ طلب بس  
وعد هل مره اذا قررت ترتبط باحد ماراح شوف مني  
اي فعاليه. لان كبرت اني يعني بكل الاحوال عفتني او لا  
مراح يتغير شي  
بس حابه ارجع البابا لهيب



من حجيت هل كلام مستحيل جنت اقصد ولو حرف بي  
اني زين اعرف نفسي شنو حبي لهيب بعمره مجان نزوه  
ولا حب تملك ولا طيش مراهقه اني عشقت كل تفصيله  
بي كل ذره بي

بس بلحضه الي ستهان بيه بمشاعري وعتبر خجلي  
وتوتري بحضوره الي هو سبب بي.  
مجرد مشاعر ابويه وتملك حبيت اكله اي اني ماشوفك  
شخص مناسب الي انتة اكثر من شخص يعوض عن  
مكان فارغ بحياتي مو اكثر وهسه كبرت سواء رحت او  
بقيت متغير شي

من نضراته اعرف بداخله بركان  وحتة ماعرفت  
شنو سبب هل غضب  او حتة ليش هيچ احسه  
كارهني  
بس افعاله جان عكس الي مبين عليه خاصه من اندار  
ونطاني ضهره وكال

لهيب  
كل عمرج بنتي وراح تبقين بنتي والي صار انسي انتي  
منسي بنتي ومحد يكول غير هل كلام

كاله وفات للحمام اني بدلت ودخلت بسرعه لفراشي  
وسحبت هوبي الحضني غمضت عيوني اهرب من  
دموعي الي تريد تنزل واني اتوسله مو وكتج

ماعرف شكذ نمت وصحيت عله صوته وهو يكعدنه بدلنه  
ورحنه للمطار جان ماخذ وضع الصامت لحد ما وصلنه  
تركيا TR نزلنه بالمطار هو شاييل هوبي ولازمني من  
ايدي

صعدنه بالتكسي وصلنه لفندق  
من دخلنه الغرفه جانت صح جبيره بس هم بسرير واحد  
اهووو هاي شلون سالفه  
هو باوع عليه وكال

لهيب

منسى

منسى

نعم

لهيب

شنو بالكم تاكلون تنامون تردون طلعون

منسى

والله يا باباتي مابعرفش مافي خطه براسي

لهيب

هههههههه اذا تعبانين ارتاحو والصبح اطلعكم

منسى

خوش لعد خلي نعهه هنانه ونام والصبح. وراك طريق

طويل

لهيب

ليش

منسى

انته خما جاي رحله عمل وجايينه وياك

لهيب

لا يابه يا عمل بس المفروض جماعه اصدقائي التقى

بيهن هنانه

منسى

تمام لعد اني وهوبي نسوي جوله وحدنه

لهيب

لا بله خاف مترضون وحدهم

منسى

هاي شنو سياده رائد معقوله لهيب هل بطل دباع

الضحكه مالتة يمه ينكرط المهم معقوله متوثق بهوبي

رجال شكبره شكده طالع ويايه

لهيب

والله حبيبي اني بيع موثق اوثق بهوبي

منسى

ي هو شلون الاهل يحطمون خلفتهم ويخلوهم ذا شخصيه  
ضعيفه بهل سوائف

لهيب

دروحي نامي ام ذا شخصيه ضعيفه بس السان حافظه  
شكم كلمه من الكتب جاي طبقهن براسي ولا عبالك اني  
الي ربيته

منسى

ي عاد شلون تربيه

لهيب

شنو شكلي ولج

منسى

هيچ مو وياك اسولف ويه هوبي اكوله عدنه اب ماكو  
منه تئين احنه محضوضين بحضرته

لهيب

غصبا ماعليج

منسى

هو اني اكر اكل غير هيچ.

لهيب

شنو بله مثلا شتكولين

منسى

شكول عمي اني بعائله كل حقوق ماكو بيه مصادريه  
لحقوقنه لا وفواكه رجل قانون رائد شكبره والمصيبه  
شيخ عشيره يعني هو. يجيب حق العالم واهل بيته خلفته  
حق مالهم



خاف مترضين يله دني وشكو لا بسه حجاب

منسى

انته ليكون مصدك بروحك أبويه. تره اصلك ابن عمي  
يعني حرام شوفني بله حجاب مو هاي سوائفك

لهيب

لج هي ثوله هسه بعيد اني تعتبريني ابوج اخوج ابن  
عمج عسما من الشارع اني كدام رب العالمين رلج  
يعني الله ميحاسبج يا مطي

منسى

وشكو تكول مطي وين اكو مطي يصير دكتوره

لهيب

انتي مثال

منسى

باع لهيب بله تجاوز خليك حباب واني اخليني حبابه  
ونرجع بابا لهيب والامور طيبه. وهااا بله ضرب كبرنه

لهيب

والله اذا مجرين عدل لو مو كبرتي ايدي والكفخه

منسى

ي عود الصبح

لهيب

شنو شنو صبح

منسى

اجر عدل غير

لهيب




منسى  
لهيب شببك بس شويه شو تعال لك فديت اني الي كاعد  
من الصبح تعال ابوسك ونام بس شويه  
لهيب  
تعال بابا خلي ماما تنام اني اسويك عميه  
هوبي  
لا ماما

منسى  
فتحت عيوني لهيب منحي عله هوبي وهوبي بحضني  
باوكت عليهم عبالك بزونات ويباوعون عليه  
سحبت الغظه وغطيت راسي وكتلهم  
ثنيكم ارجعو نامو لا اشمركم من الشباك  
هوبي  
بث ثويه انام مو هواي (بس شويه راح انام مو هواي)  
منسى  
ي حبيبي بس شويه

هوبي سحب الغظه من وجهي ودحس روحه بحضني  
ولهيب هم شمر روحه ويانه بالسريير نمه ثينه عل  
سريير وهوبي بنصنه



اني ميتة نعاس للصبح كاعده وهو هم وجه الصبح يله  
رجع هم بس خله راسه نام  
ماعرف شكك نمت كعدت عله كفخه قويه عله وجهي  
طفرت اني ولهيب بنفس الحضة ولازمين وجوهنه  
باوعنه منو الي ضربنه هوبي واكف بنصنه ومليان  
عصبيه  خفت هل شوفه جنه ابوه نسخه طبق الاصل  
وهو يسوي

هوبي  
شويه بس شويه دلنه اني عميه ماما ماما ماتو بابا بابا  
ماتو. بس نوم نوم ( شويه بس شويه كلنه نام واني  
جوعان واريد اكل وسوي بابا ماما وانتو بس نايمين )

ضلينه اني ولهيب بحاله صدمه لهيب راد يعيط بي لان  
ضربنه خرب شوفه شلون راشدي (كف)

منسى

بروح هاله عوفه

لهيب

لج عبالك ضربت جبير هذا يتعلم

منسى

لا والله بعد ميسويه خطيه جوعان واحنه عفناه

لهيب

هل كلب خر عني عمري كله محد مادّ يده عليه ابني  
يصحيني من نومي براشدي

منسى

صوجك

لهيب

شلون بله لان عفت ز عطوط مثلج تربى

منسى

جان قصدي لو ما عايفني اني وياه وحدنه بهل غرفه  
دون متكول جان نمت من وكت وطبيعي كعدت من وكت  
وكلته

بس حضرتك لوجه الصبح يله. رجعت واني نمت

وتاخرت عليه لان نمت متأخره

مو لان ز عطوط مثل متفضلت وعذرنه بابا لهيب خاف  
قلقنه نومتك

كلتله هيچ واخذت هوبي ورحت للحمام وهو صافن.  
خليت هوبي عل مغسله وعود مثلت الغضب كلته

منسى

شلون هيچ تضرب بابا مو عيب. روح بعد ز علت ولا

احجى وياك

هوبي

ماحبه

منسى

ميصير هذا بابا واحنه نحبه

هوبي

لا بابا ما يحبته

منسى

لا بابا يحبته وحيبيته عميه ونروح العاب

لهيب

ما شاء الله اكيد انتي ولا ره لو انتي وفهد تحجين بشكدا  
حضرتج تكرهيني كدامه لدرجه ضلت باله وصار ميحبنى

منسى

تره انتة الي عفت ابنك ومجان كدامنه اي طريق غير  
اربي انتة اول واحد غلطان بكل هل سالفه لانك كل عمرك  
تترك ناسك وراك

بس بعمرى كله ماعاملت ابنك او زرعت بداخله عن

قصد او غير قصد شي ضدك

حببته حته اكثر من الحب الي ممكن جانت تحبه هاله اله

وخليه بالك اني مو سبب موته

ولا اني دخلت بمشيئه الله وخليت ابنك ياخذ مني طبع

وشكل وماياخذ من امه

يعني مو اني سبب ابنك يشبه الطفله الي ربيته وتندمت

عله الوقت الي خسرتة وياها

وما يشبه حبيبته كلبك



منسى  
هااا مو ما متعوده صراحه اسالك تقبل او لا حتى اقولك  
انو اطلع او لا نسيت هل سالفه من سنين  
لهيب  
راح اعديه اليوم بمزاجي منسى  
منسى  
ماشي بابا ماشي هسه شنو شسوي  
لهيب  
ابقي بمكانج وذيلى الموقع عل واتساب  
منسى  
ماشي اصلا اناي بخان مندي الي بالمنصور. تندله انتة  
لهيب  
ماشي لعد اباقي بالمطعم هم اتعشه وهم اخذكم

صدك وره تقريبا نص ساعه اجه دخل للمطعم هو وزيه  
العسكري والرتبه مالتة. النسر عله جتافه يلمع ✨  
اباوع بنات خالتي اكلنه بعيونهن اصلا هنه ميذكرن شكله  
من اجه بتجاهنه اباوع هاي الخوثة ساره بت خالتي تعدل  
بشعرهه  
هو اجه كال السلام عليكم باسني من راسي واخذ هوبي  
من حضني باسه ويشم بي  
جان بت خالتي كالت

ساره

لج هذا الصاك منيلج

منسى

هذا لهيب شبيج فكيتي حلكج

ساره

النبي عليج لهيب لهيب ماغيره

منسى

اي لهيب ماغيره

ساره

لعد شبيه خاله تشكي بحالج تكول دمرت مستقبليه ويه

رجال بكد ابوهه

منسى

والله سياده الرائد كدامج طول بعرض هيبه وجمال وشكل

ومنصب وشيخ عشيره حلم الف وحده واني دادرس طب

باحسن جامعات

وهل گمر ابني. شوفين برائيج مستقبلي مدمر

ساره

ريت كل الدمار هيچ مثل هل شيخ

منسى

كافي هيلگه وخفه اني كاعده بصفج استحي مني عل اقل

ساره

ولطم قابل هسه اني شكلت. كلت حلو 🍰 لا اكثر ولا اقل

منسى  
ي حبي صوني عيونج فضحتينه هسه يضل يسويلي بت  
خالتج خفيفه  
ساره  
عمي راح احط راسي بالگاع


هو خلصه يلعب ويه هوبي بعدين اجه طلبه اخذناه  
سفري وطلغنه من وصلنه سبحت وبدلت اني وهوبي هو  
هم اتعشه وفات سبح وبدل  
من طلع كال

لهيب  
منسى هاي اخر مره طلعين واني مادري الوضع تغير  
انتي واني صفه جونيه واليوم احنه لهيب ومنسيته لا  
تخلينيه نرجع لنقطت الصفر

منسى  
سوري بابا بس والله مو قصدي تره اني اصلا ماحب  
المشاكل والله بس موبالي نسيت

لهيب  
ماشى ماشى. شلونيه هل حلو حما تعبج  
منسى  
تدري مرات افكر انو احلا شي بحياتي هو لهيب

لهیب  
هههههههههههه جنت هوای خایف من المستقبل من اول  
لحظه کالتي هاله اني حامل  
منسی  
لیش

ذنب المنشفه واجه نام ویانه عل سریر  وسحبه  
الحضنه وكال وهویباوع بعیونی

لهیب  
چنت خایف من رد فعلج  
منسی  
انی  
لهیب  
طول عمرج جنتي مدلتي الي محد یاخذ مكانه جنت  
خایف تفكرين ممكن هل طفل یاخذ مكانج بگلبي خفت انو  
ماتحبينه او صیر مشاكل ویاج بسببه  
منسی  
انته لیش دائما شوفني الطفله الطایشه  
لهیب  
هههههه لان انتي فعلا طفله طایشه وهسه کافی دوختینی  
ارید انام



تره اني المفروض انام بالمركز بس رتبته وياه الجماعه  
كتلهم زوجتي وابني ويايه وماكدر اعوفهم وصدوقي بقاءه

مكاني

منسى

لهيب اني ماحب لقب زوجتي ياريت بعد ماسمعه انتة  
كلت رجعه لهيب ومنسيته كلت ماريد مشاكل وتريد جو

صافي

اني مستعده اكون ذيج الطفله العنيده المتمرده الي بس  
الك تكول حاضر [?] بس رجائا لا تصرف بطريقه تبعدني

عنك سواء وحنه او كدام العالم

من كتله هيچ صفن بيه وحسيته طول بصفنته ورها

ابتسم وكال

لهيب

حاضر دكتورة  كلبى

منسى

ههههههه حطوه هاي دكتوره كلبى

لهيب

لا تكيفين مجرد لقب انتي لو درسين كل علوم الدنيا

ماتعالجين كلبى

منسى

اصلا ما نيتي اختص قلبيه

لهيب

صدك انتي شبالج تختصين

منسى

هو صح بعد وكت عله هل كلام بس عاجبني عيون (oo)

او جلدیه

لهيب

ليش هل ثنين

منسى

ماريد انحرم من جو العائله ودفوهه والاوقات الحلوه. هل

قسمين مابيهن خفر او شغل هوايه يعني اكيد التعب

موجود بس اقل

لهيب

منممم حلو خوش تفكير يله نامي

صح غمضت عيوني بس مانمت اليوم اني حاطه راسي

عله صدر رجال كل ذره بيه تعشقه بس بنفس الوقت

كرامتي الي سحل بيه الارضي

حبي الي هانه وخالاني مثل شي تافه كل ماذكر اني احبه

استصغر روعي

يجبروني ماخطي اي خطوه اتجاها ولا اسمحله يخطي

هيج خطوهه تجاهي رغم ادري هو مستحيل يفكر يخطي

مثل ما اني مسحته متاكده هو مو بس مسحني اصلا لغه  
من الوجود ذكره بيوم حبني اوفكر يحبني  
مرن هل سبوعين عل نفس المنوال مرات يجي. وكت  
الغده. مرات يبات بالدوام واني اروح يم امي  
الي ان خلص دوامه وبلشت الاجازه  
كال نروح للشمال شوفي مها  
وصدك رحنه بس جنت اكو شي دينغير بلهيب نضراته  
مرات احسه نضراته غريبه  
من غير سالفه اذا شاف حماها لمها الي جان خاطبني  
هاي قصه لوحده بحيث صرت اجنب اكون وياه نفس  
المكان. اخر يوم كتله

منسى

بابا خلي نطلع وحدنه بله مها وعياله

لهيب

بعد وكت

منسى

هاي شببك تره عيب شكلهم بالاضافه اريد اشترى كم

شغله تعرف اني ورايه دوام واريد اشترى كم شي

لهيب

روحي وياه مها

منسى

لهيب لا طلغني من طوري ماعرف اقول لمها اني  
لهيب

ولج هاي عليمن تعلين صوتج  
منسى

بله عصبية عله بالغلط 😊 بعدين شببك حته هوبي  
يكولي نروح ويه بابا  
لهيب

خوش انتي بلهيب جنت بو احد صرت بئين  
منسى

يله شببك شنو اتوسل بيك طلغني تره عيب اب انتة جيس  
حب

لهيب

منسى السانج ابويه

منسى

لك اني شلون عندي اب يرحوله فدوه كل الابهات  
لهيب

بعد بعد صبغني

منسى

ميحتاج شنو متعرف روحك

لهيب

امري لله فضوني

رحت ركض جهزت روهي اني وهوبي وجينه هوبي  
يركض واني وراه شال هوبي ولزمني من ايدي وطلعنه  
اسوگت شغلات للجامعه رغم شترت من تركيا هوايه  
غراض بس هو حضرته ميعرف يكلنه كافي واني وهوبي  
طماعين

وراها اكلنه بره وسالني اذا شترت شي لاره والبقيه  
كتله اخذتلهم من تركيا هدايايه ومنا هومات  
ورها ثاني يوم ودعت مها ورجعنه لبغداد  
من وصلنه كال

لهيب  
تره عگب باجر تخلص اجازتي  
منسى  
لعد باجر رجعنه للبصره

لهيب  
ليش  
منسى  
شنو ليش غير بلش دوامك  
لهيب

ي عادي ابقو مثل ذاك الاسبوع  
منسى

لا بابا ماكدر هواي راح يصير بالشهرين اني بعيده عن  
عمو وببيبي وعمه اني ماكدر بلاهم

لهيب

منسى واني تره اكمل دوام وتبلش اجازتي ونرجع

للبصره

منسى

هاي شببك نحجي والله يوميه تليفون واخلي هوبي  
يحابيك ادري تعودت ينام بحضنك وتلعبه يوميه بس  
ماقدر والله لا تنسى بعد يومين اني راجعه دوام شلون

بهل حاله

لهيب

تمام 

منسى

لضوج حباب بابا

مارد عليه بس طلع للحديقه طلعت وراه لكيته يدخن هو

من يدخن يعني ضوجه عده واصله حده

فمارحت ناقشته كنت الصبح يهدأ ونسولف ادري تعود

عله وجود ابنه خاصه هو جان بعيد عنه

ثاني يوم كعدني من الصبح. كال يله نرجع للبصره

صدك رجعه بس طول الطريق ساكت ما حجه شي

وصلنه تغده وصله ورجع لبغداد

بيبيي كالت.

الشيخه

ولج اني كنت سبوع بالزايذ اذا. ضلو سوه هسه صير

حرب البسوس

تالي شهرين يله ترجعين

منسى

رجعه منسى ولهيب القديمن

الشيخه

تشاقين لو صدك

منسى

ماشوفيني اكوله بابا وعادي اسولف وياه

الشيخه

دقيقه انتي شتقصدين

منسى

يا عيني انتي طار بالج وعبالج احبه ويحبني ورجال

ومرته

الشيخه

لعد شتقصدين

منسى

الشيخ لهيب وبنته منسى

الشيخه

سوده بوجهج وجه الشيخ لهيب بعد كبر يراد الكم الشيب

مله راسه وانتي بكبر الثور وتالي تكليلي بنته

منسى

انتي كلتيه الشيب مله. راسه والكل تره يشوفني اني مثل  
بنته فعلا شنو مسوين عرايك وطلايب اني ماناسبه ولا  
هو يناسبني  
الشيخه

ولج اني ساكته كل هل مده عله امل بلكت يصفه جوكم  
تالي تكليلي اني مثل بنته  
والله لزوجه خيرت النسوان وضلي انتي بهل خرط  
وخليه بالج تره لهيب لو تطلع نجوم الليل بالنهار ما  
ينطيج لغيره ولا يظلك  
وصدكي محد بهل دنيا خسران غيرج هو راح يعيش  
ويزوج ويشوف حياته وانتي ضلين معلقه لانج للسمه  
ولانج للكاع

مارديت عله بيبي وصعدت لغرفتي بس اني للصبح كاعده  
وماراحت من بالي سالفه يزوج ويشوف حياته

انتبهت عله هوبي من كعد. هاي شنو اني صبح الصبح  
واني بعدني بهل دوامه  
اخذته سبخته وبدلتله ونزلت ريكته بي بيبي كالبه خلقتة  
عليه عبالك اني الصوج مني ولا تگول هيه جانت  
عائشه كل الاخذات ويايه حدث بحدث وتعرف شكو ماكو.



اني خابرت لاره اجتي حجيت وياها. وكعدنه وسولفنه  
بس هم ما وصلت النتيجة ادور بنفس للدائرة  
اليل تعشيت وصعدت دنام اني وهوبي اخذت تليفوني من  
الشحن لكيت لهيب متصل  
رجعت اتصلت عليه رفضني  
اكيد يمه احد لان هو بالدوام كمت بدلت الهوبي والي  
ورحت لفراشي اصلا البارحه منمت وميته نعاس  
توني دخلت بفراشي لهيب تصل كامره  
فتحت عليه جان يشرب جكاير  
كتله

منسى  
هاي شنو بابا شو جگاره بيدك اليوم  
لهيب  
ليش مارديتي من اتصلت عليج  
منسى  
مادري جنت مخليته عل شحن بالغرفه واني جوه  
لهيب  
مهمم  
منسى  
ي شبيك ليش ضايج  
لهيب  
منو كال اني ضايج

منسى

الجكاره

لهيب

ههههههههه ماكو شي سالفه تخص الشغل بله شوفيني

هل مسودن

هوبي جان مخلي وجهه بالتليفون وعود منطلق  
وديسولف حبي عربي عليه صيني عليه كردي جان يبول

لهيب

ولج هذا شيكول

منسى

يكول مشتاقك بابا

لهيب

ههههه بابا هم مشتاكلكم بس انتو سفله عفتو ورجعتو

وخليتو وحده

منسى

مجبورين بابا مجبورين

لهيب

ي شبيج انتي الثانيه عيونج حمر باجيه

منسى

لا والله مابيه شي بس البارحه مانمت مدري شبيه

لهيب

هاي لان فاركتيي حضني تعودتي عليه



ي مكروهه الغيره عاميتج وحده انانيه

منسى

هي اني

لهيب

اذكرج شسويتي بهاي اول وحده رادو يخطبوهه الي

منسى

تره هيه جانت خفيفه وموخوش وحده

لهيب

ي يابه ييبي

منسى

هو شنو اشو احسك استهزاء لما شفته بعينك

لهيب

تره اصلا ماجنت رايده ضجت عله غير شي خابروني  
كلولي الامر نزل بيك عقوبه واني طالب بالكلية العسكريه

والدنيا طلعت من عيني ومن سولفتي حطيتج حجه

وعصبت

منسى

عززه شكك مكروه

لهيب

ولج هاي عليمن

منسى

عليك طبعا انتة تدري اني شكك انبني ضميري لان جنت

اصور انتة حبيته واني فرقت بينكم

لهيب



مرات يتصل قبل نومته بفترة حته نضل تحجي وياه  
اطول فترهممكنه  
وهم اغلب الوقت هو يتصل كل ميحصل فرصه لان هو  
دوامه التزام.

وراها بيوم ضلينه اني وهوبي ننتضر شوكت يتصل بس  
ماتصل هوبي ضل يسوي لي بابا اتصلت اني بي بس مارد  
نت ماكو بجهازه كلت اكيد طالع واجب  
نمت اني وهوبي  
وره فتره جنت نايمه حسيت احد فتح الباب بس تصورت  
نفسى حلمانه  
بس من نرفع الغطه ونحضنت بقوه اهنانه صرت صنم  
بس من شميت ريحته عرفته هذا لهيب  
ماردت ابينله اني صاحيه مو نايمه هو خله خشمه  
بشعري ونام  
عرفته شكذ تعبان مبين عليه مينام بسرعه  
كعدت الصبح قبله هو وهوبي. بدلت ونزلت سويتلهم  
ريوك عمي كال البارحه لهيب اجه صعدت اليوم الصبح  
الغرفته مالكيته  
كتله عمو نايم يم هوبي  
كال الحمد لله من حن كلبه عله هل طفل  
وراها صعدت لكيتهم عله نومتهم

بلكوهه كعدتهم وهوبي من شاف لهيب ركض الحضنه  
نام وغمض عيونه


منسى  
بابا صدك جذب كوم حباب والله سويتك ريوك ملوكي  
لهيب  
منسى عوفيني انام ماريد شي والله ميت تعب من الطريق  
والدوام  
منسى  
عيب عمه وببيي يسالون عليك كوم اترك وسلم عليهم  
وصعد نام


كعد مفتح عيب ومغمض عين يدر دم هوبي هم رفع راسه  
وياه يقلده سحبه لحصنه باسه  
واندار عليه باسني بخدي ستغربت حركته بس هو  
تصرف عادي عبالك متعود عل سالفه وكال

لهيب  
شلونكم ولكم مجانيين  
منسى





رحت ركض العب وياهم رغم اني جنت صافنه بيهم  
اللوحة عاجبتي كلش  
ضليت العب اني وياهم  
لهيب مسوي روجه حصان  واني وهوبي صاعدين  
عله ضهره ويفتر بينه بالغرفه  
ويسوي

لهيب  
هاي تاليتي شيخ شكبرني شكذني ولكم مركز موكفه عله  
تك رجل فنه الي يرفع راسه واني موجود تاليتي  
وسويني حصان   
هوبي  
بابا حبك  
لهيب  
هو شمطيح حضي غير حبكم

وراها نزلته وضل يلعب ويانه وكال

لهيب  
العصر اطلعكم نتعشه بره

منسى  
وين  
لهيب  
شوفي مكان عاجبكم ونروحله  
منسى  
انروح نتعشى عله هذا المطعم الي عل شط جنبه ناكل بي  
سمج  
وراها نتمشه عل كورنيش  
لهيب  
ماشي بس هسه خلوني انام ساعه تره اني كلش معوز  
نوم

صدك اخذت هوبي ونزلت وهو نام بغرفته مراح  
الغرفته. عمتي كالت

ام لهيب  
اكلج عمه لهيب جاي ينام يمكم  
منسى  
ي عمه خليته يتعود عله هوبي بهل سفره كله هوبي  
بيقه يمه وينام وياه فصارت الشغله عده عاديه  
ام لهيب  
تعود بس عله هوبي لو عله ام هوبي هم

منسى  
عمه فدوه لا صيرين مثل بيبي تره لهيب رجع يعاملني  
مثل قبل  
ام لهيب  
ي كالتلي جديتج سولفتلي كلشي وتكلي الوضع مو  
عاجبه

منسى  
ليش مو عاجبه مو ترید زوجه وتهدد بيه  
ام لهيب  
هههههه هيه بكيفه زوجه زعطوط لهيب اذا ما يجي من  
كيفه يحجي محد يفرض عليه شي

منسى  
والله عمه مادري  
ام لهيب  
وينه هسه هو

منسى  
نام يكول اليوم اعشيكم بره  
ام لهيب  
يا الله بلكت الله

منسى  
عمه شبيج هو شنو الي بلكت الله تره موبس لهيب  
رافض تتطور العلاقه بشي ثاني حته اني ماريد  
ام لهيب

هسه روهي لببت مرتضى مرته اجت عليج قبل شويه  
اني هاي سالفتمك ماحط روهي بيه

اني صدك مانقشت اني سالفتي اني ولهيب عايفته للوقت  
رحت لببت مرتضى مرته لكيته سوي كيك كالت ملل  
وحدي وانتي مجاي تجين وراها اجه فهد وسعد  
ومرتضى  
اخذنانه شويه اجوي بيت مصطفى ضلينه نضحك  
ونسولف ونشاقه  
جان يرن جهازي  
باوعت هذا لهيب

منسى  
الو  
لهيب  
وين انتي  
منسى  
بيت مرتضى  
لهيب  
اعتقد المفروض نطلع العصر  
منسى  
ي هسه جايه

لهيب  
لا ابقى اتونسي بيت مرتضى اني رايح للديون  
منسى  
سنو تضحك عليه انتة  
لهيب  
ي ولله كيفي مزاجي

كال هيچ وسد جهاز بوجيه وراح هذا شبي خبل والله مو  
صاحي

رجعت للبيت بعد ماتعشيت اني وهوبي بيت مرتضى لان  
حضرة الاستاذ طنكر عليه والله احس بي انفصام هيچ  
بكيفه يزعل وبكيفه يرضى  
دخلت للبيت لكيت البيت هدوء عمتي كالت اكو كعده  
بالمضيف ومخبوصين عمج ولهيب  
عاد اني صعدت اني للغرفة كل عاده سبحت هوبي واني  
ورحنه للفراش ضليت اسولفله قصص لحد ما نام  
جنت توني اريد انام جان يدخل لهيب. كعدت عل سرير  
وضليت اباوع عليه جان يباوع من الشباك عل بستان  
كتله

منسى

ممکن اعرف شنو سبب عصبيتك اليوم

لهيب

انتي غيبه لو تتغابين

منسى

ولا وحده

لهيب

اني كم مره كتلج منا وهيج من طلعين تنطيني خبر

منسى

ي بس اني وين طالعه

لهيب

لا والله

منسى

تره خمس دقائق بين بيتنه وبيت مرتضى

لهيب

لج بابا افهمي. اني جاي احاول افهم كل الي بالبيت. اني

وانتي علاقتنه تمام امورنه طبيعیه

بله اكو رجال عايش مستقر وعلاقتنه بمرته طبيعیه

مايعرف وين تطلع وين طب يروح يسال امه عنه

منسى

اني فهمتهم انو اني وائته رجعه مثل قبل مو صرناه

زوج وزوجه ماله داعي نمثل هل دور

لهيب

منسى لمصلحتج تمثلين هل دور محد حضه يطيح غيرج  
انتي وبعدين تعاي انتي شنو التخسرينه اذا كتيلي وين  
موليه  
منسى  
تره والله مو بالي شببك انتة. ليش صيح

من كتله هيچ باوع عليه وهز ايدو وطلع  
وراها عادي ستمرت ايامنه طبيعي من هو موجود هو  
يمنه ومن يلتحق نخلصه بالتليفون.  
صادف اول يوم دوام اليه هو نازل مجاز كال يله اني  
اوديج


صدك اخذني هو للجامعة مارحت ويه سايق  
هاي جانت امنيتي اول مداومت بالجامعة هو الي  
يوصلني  
ماعرف شنو حسيت بلحضته تخيلت كل الي بالجامعة  
تباوع عليه طبعا هو ماكو هيچ شي شنو جايه بطياره  
بس هو هيچ مجرد احساس  
وحسيت يومي جان جدا مميز  
بحيث حتى دكتور معاذ ومحاضرتة الي تلعب النفس مثله  
ماثرو عله مزاجي  
مرت الايام عادي طبيعي

انطونه عطله سبوعين علمود ورشه منضمته الجامعه  
لاحد المستشفيات بالريف  
طبعا هيه اختياريه بس اني جنت اعرف لهيب مستحيل  
يقبل بيه  
خاصه منطقه بعيدة وخدماته زفت حرفيا زفت وغير كل  
هذا راح يكلي انتي مجبوره ترحين  
لذالك اصلا مافاتحت احد بهل موضوع كلت اشتغل هل  
سبوعين ارواح وياه. لبغداد خاصه هو راح يلتحق  
وفعلا من اجه بليل جان مدد عل سرير وهوبي متربع  
وكاعد عله بطنه  
كتله

منسى  
هوبي وخر اريد احجي ويه بابا  
هوبي  
مالا ماوخل ( وخر )  
لهيب  
خير كولي  
منسى  
باجر راح تلتحق مو  
لهيب  
يي  
منسى



روح وياك اني وهوبي  
لهيب  
وين ترهون تساعدوني بالواجب  
منسى  
شبيك بابا قصدي مبقه بالببيت الي بغداد  
لهيب  
مو عذج دوام بالجامعه  
منسى  
اكو ورشه تدريبيه واني ماروح  
لهيب  
ليش  
منسى  
مو ضروريه هسه شنو تاخذنه لو لا  
لهيب  
ي اذا ماعدكم شي روهو ويايه احسن  
منسى  
تمام لعد خلي ارواح اجهز غرضنه

رحت ركض  خلتي غراضي وغراض هوبي  
بالجنطه واجيت شمريت روهي عل سرير هو باوع  
عليه وضحك كال




صايره متعوده عل نومه بحضن لهيب بشكل مو طبيعي  
عبالك ادمان صاير عدي بحيث من يلتحق اخلصه احجي  
وياه ليل كله فديو بحجت هوبي يريده بس الحقيقه اني  
الي اريده

وراها رحنه لبغداد خلصنه الطريق اني وهوبي نوم  
وراها من وصلنه هو راح للمركز واني نضفت  
البيت سويت غده هو خابر كال ماكدر اجي عل غده  
وبليل كال خابري عله امج لو تجي يمج لو تيجي تاخدج  
اليوم ماجي عدي خفر  
صدك خابرت ماما اجتي اخذتني يمه مقبلت تبات يمه  
ثاني يوم جنت نايمه بعده الساعة ستة ٦ صبح جان  
يتصل عليه  
فتحت خط واني بقمتم النعاس جان يكول

لهيب  
اني بالباب  
منسى  
مهمم  
لهيب

وجع كومي جيبي هوبي وتعاي اني واكف باب البيت

اهنانه استوعبت الي حجاه ظفرت اخذت هوبي هو ونايم  
وجنطه غراضنه وحته نسيت اكل لامي اني رايجه رحت  
ركض  لهيب  
من فتحت السياره كتله

منسى  
ادري شبيك بابا اكو واحد هسه يجي

لهيب  
ليش المفروض اخذ موعد

منسى  
ساعه 6 صبح

لهيب  
ي خلصت خفارتى كلت ارجع للبيت ارتاح كم ساعه  
وارجع للشغل

منسى  
اوك

هو جان يحجي واني اغفي وصلنه للبيت قبل ركضت  
للفراش عبالك ميته هو بدل واجه كل عاده سحبني  
الحضنه نمت ماحست بعد عله شي من كعدت لكيتيه ماكو  
خابرتيه كال خابروني ورحت للدوام  
ان شاء الله عل عشه اني يمكم

هم رجعت نمت لحد مكعد هوبي واكنه  
وراها كلت خلي اقره كم شغله مدام كاعده لا شغله ولا  
عمله

وصدك ضليت ادرس  
خابرته العصر كتله شنو تريد عل عشه  
كال ماريد شي اني راح اجيب من بره  
صدك اجه وقت العشه جايب مشاوي ولبن وحته سلطه  
ومقبلات جايبه وياه  
اني بس سويتله جاي  
كال

لهيب  
شنو الشطوره كاعده تدرس  
منسى  
ي نعم كلت استغل الوقت وكمل كم شغله

وراها عادي ضلينه نسولف. سألني عل كليه شلونيه  
اخباره واني خرطتله شكو ماكو حسته تندم لان سألني  
من كد ما حجيت

خلص هل سبوعين. عادي جانو حلوات ولطيفات  
رجعت للجامعه جان اول محاضره عدنه دكتور معاذ من  
شافني كال

دكتور معاذ

منسى شعجب مرحتي ويه جماعتج للورشه التدريبيه

منسى

محسبته ضروريه دكتور

دكتور معاذ

ماكو شي مو ضروري بالطب اتفه معلومه ممكن تنقذ

حياة انسان

ضليت ساكته محجيت شي

وهو كمل شرح. وراها كال سويتلكم كروب ووزيت

الرابط للمثل. راح انزل اساله بشكل يومي نناقش بيه

بهذا الكروب

حبيبه. الفكرة وحسيناه شي غريب

وراهها صدك صرنه نستفاد من الاساله الي يطرحه

مره دخلتله خاص ناقشته بسؤال جنت ممقتعه بجوابه

وراهها صارت سالفه جر سالفه

صراحه جان انسان جدا محترم

ولطيف يعني هو بالعادة موكلش نحبه نحسه مغرور

ومتعصب

بمرور الوقت صارت علاقتي بي قويه

خاصه بعطله نهايه السنه استفاديت هوايه من الملفات

الي جان يحوله الي تقريبا نص المواد ضبطته بالعطله

رغم هم سافر نه اخذنه لهيب لبنان سبوعين بس بنفس  
الوقت ما عفت التزامي بالكورسات ولهيب جان كلش  
يشعجني  
واول ما كتله اكو كورسات دراسيه وقت العطله. اونلاين  
كالي سجلي  
جان الاشتراك عن طريق محفضه الكترونيه يتحول  
الفلوس اله  
راح واجه كالي سجلتج بخمس كورسات  
كتله كول ضلي ادرسي عطله ودوام  
كال اريدج احسن طبيبه  
جنت اشوف الفخر بعيونه من انجح لو من اكد اسوي  
بحث عله فد شغله  
من رجغه للدوام وره فتره هم سوو ورشه تدريبيه بس  
هل مره دكتور معاذ هو المسول  
بس اني اكيد اعرف رأي مهيب ماسجلت  
جان يذ عليه لمكتبه دكيت الباب كال تفضلي

منسى  
مرحبا دكتور داز عليه  
دكتور معاذ  
شفت قوائم الطلاب انتي اسمج ماكو  
منسى  
اني ماروح دكتور

دكتور معاذ

لېش

منسى

ماصور عائلي راح توافق

دكتور معاذ

اتصلي بيهم وشوفي اني قبل كلشي رافضه. تره صدقا  
هاي الورشات جدا مهمه تفيدكم اكثر ما تتخيلون

الصراحة كلامه قنعني. زين اني ليش ماجرب واتصل  
بلهيب بلكت يقبل اني اصلا مامفاتحته بهيج شي ودائما  
اكول مايقبل  
طلعت جهازي واني بمكتب دكتور معاذ واتصلت بي

منسى

الو

لهيب

هلا والله

منسى

شلونه احلا شيخ بالدنيا

لهيب

خيرج اليوم تتغزلين

منسى



اذا بيك ما تغزل بيمن اتغزل هو اصلا اكو احد بجمالك  
شيخ كلبي

لهيب

قلبي صغير لا يتحمل شراح طلبين مني ولج بعد كل هل  
غزل

منسى

خهههه اكو ورشه تدريبيه

لهيب

يبي

منسى

صح هيه بالمنطقة \*\*\* بس حابه ارواح كلش راح استفاد  
وهل شي كلش مهم الي

لهيب

لا اني اخذج لمستشفى بغداد التعليمي وتدربي

منسى

مراح اشوف هيج حالات وهيج مرضى بهيج مستشفى  
حباب بداعتي وافق

لهيب

اخاف عليج والله

منسى

من شنو تخاف كومه طلاب ويابه واصلا دكاتره همه  
نفسهم الي يدرسونه بالجامعة ويانه حباب

منسى نست نفسه وهيه تسولف ويه لهيب وتحاول تقنعه  
يخليه روح وشلون تتغزل بي  
ومانتبهت لذالك الشخص الي كاعد على اعاصبه من  
كلامه وكانه كاعد على بركان موقوت  
بس الي خلاه يرجع ضهره على كرسي يارحيه وابتسامه  
من سمعه تكول

منسى  
انته احلا بابا بكل لدنيا لو اكو منك كم واحد بنات كل  
العالم راح صير نوابغ  
لهيب  
دروحي خليني اشتغل لا اعلمج شلون تستغلين البابا على  
اصول وين اكو بابا يستغلونه بغزل  
منسى  
حته لو بابا مالتى غير عن الكل مو اكو لك ماكو منك ثنين  
لهيب  
هههههه ماشي ماشي

من كملت ندارت وكالت

منسى  
راح اسجل دكتور  
دكتور معاذ

هذي القائمة كدامج سجلي اسمج

سجلت اسمي ورحت للقاعة كملت باقي محاضراتي  
وراها طلعت للكراج حته ارجع للبيت جان اشوف لهيب  
واكف يم سيارته ركضت عليه مثل طفله شوف ابوهه  
هو ضل يضحك ويسوي

لهيب

عله كيفج ولج خبله كبرتي

منسى

حته لو صار عمري ١٠٠ سنه اني ابقه منسيك

حضنته واني اكله

منسى

هوايه شكرا

لهيب

( سحبه من حضنه لان همه بكراج الجامعه صعده

بالسياره وكله)

عله شنو

منسى



كايلاه اني شفت حياتي سعيد ومتونس بيه  
اني بعدني احبه لهاي حفيدتج المجنونه وهاميم بيه كل  
الي بيني وينه مساله وقت وتسمعين خبر جاي حفيد ثاني  
للبيت

طبعا مانكر هل حجي خلاني اطير بله جناح  
بس ما بينت هل شي لبيني وكتله هذا افكار ج وكلامج  
ادري بيح تردين تفرين دماغي مو اكثر واصلا لهيب  
ميكول هيح هيه وراها طرتني من غرفته وتسوي جاي  
اجذب عليح اني اصبري والله لزوجه واخليح بحصرت  
شوفته

جنت كلش سعيده ميته فرح رجعت للبيت وثاني لميت  
غراضي لهيب مخلاني اروح ويه كروبي وصلني هو  
والطريق كله يوصي عبالك راичه جبه اخر شي كل اقل  
شي يصير وياج تتصلين بيه لو باخر الدنيا اجيح  
نزلت من سياره ورحت عله صديقاتي  
مر اول سبوع بكل حماس جنت متحمسه هوايه حته  
اتعلم اشياء اكثر اكثر واكثر صح مجنه نشتغل بدينه ولا  
نقترب من المريض بس جان الدكتور يشرحله عن كل  
حاله تجي  
حته لو جانت ابسط من البسيطة ويربطه بموضوع  
اخذناه احسه جان يسوي دمج العملي والنضري

طبعاً لهيب جان كل ساعتين تلاته يتصل بيه وطول الليل  
يحجي ويايه الئ ان اتعب وانام واني مادري  
مانكر اشتاقيته هو وهوبي احس شي ناقصني من دونهم  
لحد ما نهايه الاسبوع اجتي جان المفروض ننزل يوم  
ريست والسبت نرجع للمستشفى  
بليل جنت كاعده عادي اني متعوده عله جو الريف الفرق  
هنانه مو بساتين اهلي الي مليانه حرس اني هنانه مو  
وسط ولد عمي  
اني هنانه موبقصر الشيخ محمد  
بس اني من زمان احب اسمع هدوء الليل

فجأة سمعت صوت احد يقول

دكتور معاذ

منتبهلج هوايه تحبين تكعدين وحدج بهيج وقت بس  
اليوم تليفونج مو بيدج  
منسى

اهلا.كتور. ي صراحه اني اول مره ابتعد عن البيت  
لذالك دائما احجي وياهم

دكتور معاذ

منسى اني عدي موضوع كلش مهم اريد احجي  
وياج ولو ما مظطر هسه احجي مجان فاتحتج بي هسه  
بس الفكره اني بعد هل سبوعين طالع ايفاد لالمانيا لذالك  
ضروري احجي بي وياج

منسى  
خير دكتور شنو هل موضوع.

اتفاجأت من لزم ايدي. ماعرف شصارلي تحولت مثل  
الخشبه وكأني عرفت الي يريد يكوله كال احبج وهو  
يباوع بعيوني اني من صدمتي بقيت صافنه بي.  
الي خلاني اصحه من هل صدمه من حسيته بده يتقرب  
يريد يبوسني ماعرف ليش حسيت لهيب صارت صورته  
بس بعيوني

ضربت دكتور معاذ كف عله وجه ونهضت بسرعه ركض  
ورايه مجنت منتبه بشنو يحجي ولا شديكول طببت قبل  
للغرفه الي بيه اني والبنات. مكدر بعد يدخل لان هيح  
راح ينفضح

ضل جسمي يرجف ودموعي تنزل وغير لهيب ماكو  
براسي

ماعرف ليش حسيت خنته لهيب لمجرد سمحت لهل  
شخص يكولي هاي لللكمه  
البنات جانو نايمين محد انتبهت الي بس اني ماعرف  
شصارلي ليش هلكد اثر بيه الموضوع  
بهل اثناء اتصل اتصل بيه لهيب فتحت خط بس من  
فتحته الشهكه بيه اول ماسمع صوتي كال

لهيب

شبيج بابا

منسى

مايه

لهيب

شنو مايج ليش تبجين

منسى

ماكو بس مريض صارلي يومين اعنتي بي ومات اليوم

لهيب

الى رحمه الله بابا كنهه عله هل درب وانتي لازم صيرين

قويه هل مشاهد راح تتكرر هوايه كدامج

لهيب جان يحجي ويصبر بيه بس اني ماكدر اجذب بعد

اكثر ما عرف ارد عليه شكله عزيززه يقتل دكتور معاذ

خلاص هو جان يحجي واني كتله

منسى

تعال اخذني اريد ارجع للبيت

لهيب

هسه

منسى

اي هسه فدوه تعالى



## لهيب ماشني مسافه الطريق

صدك نص ساعه وخابرنني لهيب كال اطلعي  
من طلعت ركضت الحضنه ماعرف احس جنت بغابه  
وهسه شفت الامان كله هو مكال شي بس حضني  
ويمسح عله راسي  
ورها كال يله بابا. اجيت اصعد كال كلتي لمسولكم راح  
تطلعين انداريت شفت دكتور معاذ باب المستوصف وبياه  
جكاره يباوع عليه  
كتله ي كتلهم  
اخذني لهيب ورجعنه للبيت اول ما وصلت. جان الكل  
نايم تقريبا ساعه ١ ونص بليل فتتت سبحت بملابسي  
جوه المي اني وملابسي طلعت بس بالبرنص هو جان  
نايم عل سرير وهوبي نايم. بصفه  
من شاف عيوني حمر من البجي كال

لهيب  
ولج رجال غريب لا تعرفي ولا يعرفج لا ومريض يعني  
الموت شي متوقع. موتي روحج. لعد هاي لو متت اني  
شسوين

ما عرف من كال هيچ حسيت برعب اني اماني بهل دنيا  
الوحيد هو لهيب  
شمريت روجي بحضنه حته بله مابدل انشف شعري او  
اسوي اي شي  
من حركتي هو فهم الوضع هواي ماثر بيه محجه شي  
بس حضني اكثر وهو هذا الي جنت اريده حضنه بله كلام  
بس همس بذني اني دائما وياج  
صحيت ثاني يوم الدنيا ضهر بس اني بالغرفه  
ماكو لا هو ولا هوبي نزلت هوبي عده طوبه يلعب بيه يم  
عمه

وبببي كل عاده صلي بس ماكو هو. سالت عمتي بعد  
ماسلمت عليه كالت التحق

رحت فتحت تليفوني اريد احجي وياه لكيت ب ١٠٠  
رساله من دكتور معاذ يعتذر ويتاسف وانو هو فعلا  
يحبني وصادق ومن هل خرط وراح يثبتلي هل شي.  
اخر شي حضرته

وحاجيت لهيب. كال انو اجازته بعده مخلصانه بس  
خابروه عله شغله ضروريه راح يخلصه ويرجع  
رجعت لفراشي واني حرکه دكتور معاذ السنز من راد  
بيوسني مجاي تطلع من راسي

وره يومين رجع لهيب وتقريبا رجعت الامور طبيعا  
خلص وقت الورشه ولازم نرجع للجامعه جنت كلش

خايفه اشوفه بس دخلنه غير دكتور مكانه كالو انو هو  
طالع يفاد وهم اكو موتمرات طبيه راح يحضره الله ياخذه  
ستمر الدوام طبيعي مده شهر وراها بيوم جنت كاعده  
اقره العصر بالحديقه الخلفيه وهوبي يمي يرسم.  
لاره مسويه كيك وعصير. وممبيقه شي مجايته لان كتله  
عدي امتحانات

دخل لهيب بس من شكله معصب 😡 يعني اني حافظته  
عائشه وياه من عمري يوم كلت الطف الجوى. يله بعدين  
اساله شبي هيچ عمه شوي من شوف عمو فيوزاته  
طاكات عله كولته هو صافن بيه كتله

منسى  
اردي بيه هوايه حلو بس عادي لزوج ولا تغار انتة  
احلا مني  
لهيب

منين اغار منج. بعدين وينه جمالج انتي

منسى  
هم حقاك عمي تنغر رائد شكبركك شكداك ولي عهد  
العشيره وشايل كل هل جمال لا وفوكاها هل ثنين  
انجازاتك

كلتله واني اششر عليه اني وهوبي شو هذا باوع عليه  
وكال.

لهيب  
طاح حض هيچ انجازات  
منسى  
انت تحجي صدك لو تشاقه

لهيب  
لا صدك  
منسى

والله مو صوجك صوجي اني الي دالطف جو عود شفتك  
معصب كلت خلي اضحكه عساك دوم هيچ فيوزاتك طاكه

اني جنت احجي وهو يباوع عليه بصدمه لميت كتبي  
واني ادرم وكلت لهوبي كوم ماما كوم خلي هذا ابوك  
المتوحش

بعدين باواعت. عل صينييه الاكل. رجعت اخذته وكملت  
مشيتي  
وهو عله صفنته

كعدت بالصاله يم عمتي كالت شبيج

منسى  
ابنج يكول عليه طاح حظ هيچ انجاز ليش شبيهه اني. منو  
بكل بنات العشيره مثلي

لهيب  
لا حشا محد مثلج السانه طوله متر

منسى  
احمد ربك غيرك يتمنى يحصل هل اللسان

اشو اني كتله هيچ وهو رجع كلب خلقتة لا والنيه  
واضحه يريد يكمشني اني حافضه هل حركات بصغري  
شبعث طن كتل ركضت صرت وره عمه وكتله

منسى  
شبيك اشاقه وياك اصلا كل العالم تكول الله يساعدك لهيب  
شلون مستحمل هل خبله  
لهيب  
لا خليج مره كد حجايتج وتعاي كولييه بوجهي

منسى  
انته منو كلك اني مره  
ام لهيب  
هههه طاح حضج لعد شنو

منسى  
عمه شو دسكتي تردينه يعيد امجاده هذا اكو شي معصبه  
ماشاف غير منسى كدامه كالك اكتله كتله محترمه افوخ  
نار كلبي  
ام لهيب

يمعودين كولو يا الله شنو لهيب صدك تريد تضربه والله  
البس عباتي واطلع من البيت

لهيب

يمه انتي بس اطلعي منه خليني اربيه هاي ام السان

منسى

كافي تربيه بابا والله شبعت تربيه صارلك تلاته  
وعشرين سنه تربيه بيه هاي بس اخر كم سنه عفتني

لهيب

ي موكلت كبرت عقلت بس ذيل الجلب يظل اعوج

منسى

لا والله بس انتة اكو واحد يتغزلون بي لا واريد اعزمه  
عله عصريه ملوكيه يكولي طاح حضج

لهيب

وانتي شكو هلكد صايره حساسه واذا كتلج طاح حضج

منسى

بابا شببك تره كبرت صرت دكتووووورره الدنيا كله  
تحترمني وانتة تريد تكص الساني

لهيب

والله بختج وره امي جان علمتج الاحترام

منسى

لا انتة حباب ادري بيك تحبني ماهون عليك يله هسه  
تعال نتراضه

اول ماشفته ضحك كمزت من وره عمتي عليه كتله.

منسى

والله اصلا هذا الي مضوجج حمار ابن ستين حمار هو

اكو ائول يضوج هيچ كيك 

لهيب

بعد بعد صبغى

منسى

لا بابا شصيغ والله انتة كيك وراح اوكلك كيك هو صح

هذا جاي مخصوص الي بس اني وانتة واحد مابينه

فرق

راحت ضوجته ورجع طبيعى رغم هواي حسيته يصفن

بيه واعتقد الشغله الي مضوجته تخصني

عادي مرت الايام عادي خلصت عطله نصف السنه

ورجعت للجامعه وجانت المشكله كل عاده دكتور معاذ

صح محجه ويابه بس نضراته تحجي اني جنت مجاهلته

طول الوقت. رجعت للبيت لكيت لهيب ماكو.

سالت عمتي كالت التحق شنو التحق صار يومين من

اجه

اتصل بي ميرد خلصت دوامه واني ولا مره محاجيني

بس هو يحجي ويه اهله .  
كلت يرجع وافهم منه رحت الصبح للجامعه الحمد لله  
اليوم هل مسموم مداوم  
كملت رجعت عله امل اشوفه كالت عمتي اجاهم خطار  
بالمضيف وصاحو  
اني زين اعرف كلمه ( بابا ) شكدا اله اثر عله لهيب  
دزيتله رساله  
\* بابا اريد اشوفك عدي موضوع وياك رجائا رد هل مره  
عليه \*

شافه ومارد رجعت كتبتله  
\*بابا جاوبني \*

هم شافه ومارد سكتت كلت اوله وتاليه راجع للبيت  
واحجي وياه اريد افهم شنو قصده بهل بعد  
اني شمسويه  
لان زين اعرف لهيب يعاقبني. عله اخطائي يبتعد



مكان ثاني ( مضيف شيخ محمد )

دكتور معاذ

شيخ لهيب انتہ شيخ وابن شيوخ وتعرف الاصول. اني  
المثلي ماينضرب وينهان. بالطريقه الي ظربتني وهنتني  
بيه واني والدي جبير كومه والي مكاتي وهييتي  
واحترامي

فعلك مستحيل احد يسوي لمجرد اني طلبت القرب منك.  
ورغم كل الي صار اني اتنازل عن حقي واكول احتمال  
لان جان المكان مو مناسب وانو زحمه اطلب بنتكم من  
حضرتكم بكهوه بس صدقا بذات الله اني كل الي جنت  
اريدہ اجس النبض اعرف اذا اجيت اخطب اني هل  
مرحب بيه او لا

وحتہ. ابينك صدق نييتي وانو اني فعلا مشتريه لبنتكم  
نسيت كل الي صار واليوم اجيتك لبيتك ويائي كل اهلي  
وعمامي وكبار عشيرتي

جان المضيف متروس عالم وناس اله وزنه سواء الي  
من طرف لهيب او من طرف دكتور معاذ

وغلبهم جان يستنكر فعل لهيب وانو هو انسان واعي  
وابن ديوان شلون يبدر منه هل تصرف لكن لهيب كال

لهيب  
شوف لوما رجلك داست فراشي وهسه انتة بمضيفي  
وخل اكول احترامنا للي جابهم وياك  
قسما بذات الله وعزته لاخلي چلاب البراري تشرب  
دمك واعلمك اشلون تخطب عل اصول لسويك عبره لمن  
اعتبر

قبل ميكمل لهيب كلامه نهض عم دكتور معاذ الي مبين  
عليه جبيرهمم والكل بالكل لان من كام الكل كام وياه  
وهو بقمه غضبه وكال

كل عمري اكول مضيف شيخ محمد عامر بولده وابنه  
حكيم ومعدل  
لكن التجربه خير دليل. مو شيخ وابن شيوخ الي يهين  
خطاره بمضيفه

جان رايد يكمل كلامه بس لهيب قاطعه وكله

لهيب  
الطلب الي جاي بي هو الي قلل قيمتك وخالني امسح  
بكرامتك الكاع ياشيخ يابن الاصول  
ابو معاذ

طلب قربك يا شيخ لهيب يقلل من قيمته  
لهيب

الي جاي تخطبه حضرتك مرة الشيخ لهيب. وان ابنه  
شلون تريدني اعاملك وانت جاي تخطب مرتي اكد  
اتفاوض وياك عل مهر  
احمد ربك ماهدرت دمك

جانت صدمه عمر لمعاد واهله من كال ( مرتي وام ابني  
(

معاد ضل ساكت مانطق بحرف واهله اعتذر وطلعو  
بفشلتهم من المضيف  
اول ماطلعو لهيب اتوجه للبيت وهو بقمه غضبه  
وابوه وفهد لحكو بسرعه لان نيته واضحه اول مادخل  
صارت منسى بوجه دفعه عل حايط وهو ماسكه من  
حنجه الي من كميه القوه وضغطت حسته راح ينكسر  
فكه بيده وهو يكول بكل غضبا

لهيب  
انتي صدكتي روح اني ابوج لو شنو ادفنج بارضج والله  
ادفنج واخلي الكبر يلفج

جان يحجي بصوت عالي وبقمه الغضب هيه بس تريد  
تفهم شبي ليش هيج صاير وحش  
وابوه يسحب بي وهو ولا عبالك اخر شي سحبه ابوه  
بقوه وكله شبيك تخبلت

لهيب

لا بعدني بعقلي شتكول ارواح اطلكه البنت اخوك المصون  
واخليه شوف حياته. لان واضح ومبين هو هذا مخططه

جان يحجي وهيه صافنه بي ماردت ولا بحرف. شكله  
مخيف مرعب مو مال نقاش اصلا وشنو الي ديقصده  
بكلامه هذا

طلع من البيت مثل الاعصار  
عنه دخل الغرفته وهو يستغفر ويتحسب فهد كاله روي  
غسلي وصعدي الغرفتج لا تخلينه يشوفج

منسى

شصاير

فهد

علساس متدرين شصاير

منسى  
لو ادري جان ما سالتك  
فهد  
يعني متعرفين منو الخطار الي جان بالمضيف  
منسى  
لا منو  
فهد  
خطاب جاي يخطبج من لهيب

من كال خطاب ضحكت باخلي رغم الم حلقي الي احسه  
بي شلل صار انكرته شلون صاير بركان ويكولي مصدكه  
اني ابوج  
والله بوكته لو كايلي سبب هل عصبية جان كتله لا طبعا  
انته الزوجي الرجال الي حبيته كل عمري  
بس الي صدمني فهد من كال

فهد  
لا توزعين بتسامات لهيب مستعد يخلي الكبر يلمج ولا  
غيره ياخذج  
منسى  
انته شجاي تحجي  
فهد  
مثل ما سمعتي وهسه باي

عافني وراح  
خبل هذا مو صاحي كل عقله يحجي بعيد عن سالفه اني  
اعشق لهيب شلون يتوقع افكر بهيج شي واني بعدني  
عله ذمه لهيب اني لو عدي هيچ فكره جان من زمان  
طلكت من الهيب  
عفت هل مسودن وصعد الغرفتي. صافنه بوجهي خرب  
شرفك لهيب اصابعه صاير لونهم بنفسجي بوجهي  
يعني هل غيره الزايدة شيسمومه لو ماتدري اني من  
فتحت عيني عل دنيا ماشفت غيرك  
لضيت انتضر وهو ماكو  
مرن يومين ماكو اسال عمو يكلي عوفي يهدا  
رحت لببي من شافتني كالت ه

الشيخه  
ها ام المصايب  
منسى  
هههههه حفيدج صدك طلع بعده عاشكني  
الشيخه  
ها رد عقلج لراسج  
منسى

اني من زمان عقلي براسي بس مو هين الي سواه بيه.  
ولا تنسين هو هم جان بعيد  
الشيخه

لو ادري مخليته خانكچ هل خنگه من زمان حته يرجع  
عقلج لمكانه  
منسى

تره هل خنكه يجي وكته واحاسبه عليه بس حفيدج الي  
شافعله يمي حركته والغيره الي بعيونه ودمه الفاير  
شلون يخطبون مرته منه  
الشيخه

يجده لهيب مثل نار التحرك كلتله الج من گبل روي  
حاجي مدامه بفورته لا يبرد ويكلج لا اني بس ستصعبته  
شلون يخطبونج مني وانتي مثل بنتي وهل سوائف  
منسى

هو وينه هاي صارت ساعه ب ۲ ونص بليل وهو ماكو  
الشيخه

هاج منج نايم بالمضيف روحيله وطفلي هل نار 

مثل الغيبه مثل طفله مراهقه وعاشكه ركضت لغرفتي  
رتبت شكلي تعطرت وبادخلي رجفه. وخطواتي مرتبكه  
مو سهل عليه هذا عشگ عمري هذا تعب سنيني ي  
هسه صرت افتهمه من يكلي انتي تعب سنيني

جنت خايفه اكو احد بالمضيف غيره الكهوجي جان نايم  
بغرفته المضيف طافي اضويته اول ما فتحت الضوء شفته  
كدامي وبيده جكارتته هو ضل صافن بيه واني عيوني  
تتفحص المكان من شفت محد اكو بس هو سديت الباب.  
وتوجهت اله بداخلي خوف عبالك اول مره اشوف لهيب  
ولا عبالك نفسه ذاك الرجال الي اخلص اليل نايمه  
وراسي بحضنه  
جانت عيونه ضلام بس اني انعميت وجنت اشوف الحب  
جان كاعد عل تخم كعدت يم رجليه جنت اباوع بعيونه  
كتله

منسى

ماصورت بيوم من الايام اطلبك وديرلي ضهرك جنت  
اماني الوحيد الشخص الي بكل وقت النجى اله بس هو  
بس مو غيره  
جنت دائما اقول شماجنت غلطانه من اقول ( بابا  
محتاجتك ) مستحيل لهيب يجاهلني  
سبوعين واني اتوسلك بس حته ترد عليه

جنت احجي وياه قبل ماكمل كلامي نهض بغضب وكال

لهيب



ههه ليش جنتي ناويه تستغليني بكلمه بابا حته لوافق  
ازوجج من استاذج

من كال هيچ وهو يحجيه بكل قوه ومتاكد هذا جان  
مطلبي منه جان منطيني ضهره بذيج الحضه ماعرف  
وين تبخر ذاك الخوف الي جان بداخلي. وكفت كدامه  
وكتله

منسى  
بعمرى ماستغليتك ولا فكرت مجرد تفكير استغلك انى  
حته بلحضه الي حسيت بيه انى ماعدي ورث بهل بيت  
وهل ملكيه عفت كلشي وطلعت من البيت. شلون ستغليت  
حضرتك بله

لهيب  
لا تتلاعبين بالكلمات. دكتوراه انى يمكن نسيت او تناسيت  
كلامج ويه فهد وشلون كلتيه صرت اكره يجوز تخيلت  
اشياء غلط بسبب هل سنه الي مرت وشلون صارت  
منسى وياي

بس شنو جنتي متخيله حضرة الدكتوراه راح اتقبل قصه  
حجج ويه الدكتورج

وبما انو اني حسبت ابوج. راح ينكسر كلبي من يكلي  
رغم ظربك الي واهانتك بس اني احبه واجيت مره ثانيه  
اخطبه  
واشوف كميه الحب الي بينكم واروح اطلبك حضرتج  
وازوجج اله

جان يحجي بعصبيه ومستمر قاطعته وكتله

منسى  
قصدك اني مرتك على ذمتك بشرع الله وكتابه واحمل  
اسمك واروح اسوي علاقه ويه شخص ثاني. يعني  
بصريح العبارة. انتة حضرتك متعرض للخيانه

جنت احجي وهو صافن بيه رغم حسيت شي بداخله  
اتغير بس اجاني الجواب الي جنت خايفه منه

لهيب  
بيي طبعا وديري بالج تحاولين تبررين تصرفج حته لو  
جان الي بيني وبينج من اكثر من حبر على ورق

منسى  
منو كلك راح ابرر اصلا هيچ شايف العلاقه الي بينه  
تستاهل ابرر  
لهيب  
مو بس العلاقه اني بعد الي صار اليوم. اكتشفت حته اني  
ما استاهل واله ما جان انحطيت بهيچ موقف  
منسى  
تمام اني اترخص منك از عجتك بهل ليل

طلعت من المضيف واني احس روعي اغبه بشر بالكره  
بكل مره اروحله برجليه وارجع خايبه مذلوله بله كرامه  
الله ينعل هيچ حب دمرني وينعل هيچ قدر خلاني ما عندي  
ملجاً غيره  
مر سبوع لا اني اشوفه ولا هو اصلا مداومت بيبي رادت  
تعرف شنو الي صار كتله صفحه ونشكت مو بس نطوت  
مالي خلك شي والامتحانات عل ابواب.  
كاعده عل غده بس احس عمي هم ظايح مني. شنو  
ليكون هم مصدك ابنه وكلامه.  
كتله

منسى  
خير شيخ محمد مسويه شي يكدر خاطرک انتبهتک  
ماتباوع بوجهي

الشيخ محمد  
اني ماردت ادخل وكلت بنت اخوي ماسوي العيبه بس يا  
عمي رغم ثقتي بيج تصرفاتج تحز بالخاطر  
منسى

يعني عمي انتة هسه محملي غلط مو غلطي ومشيلني  
ذنب مو ذنبي  
الشيخ محمد

لا طبعا بس يضل غلطج هل دكتور ميبين شغلته مو  
مجرد معجب واجه خطب رغم انهان ونضرب رد جاب  
عمامه واجه

منسى  
وين غلطي بكل هذا عمي اني كتله تعالي مشي واخطبني  
وحط رجلي وعمي بهل موقف  
الشيخ محمد

بس يا بنتي هو استاذج وياج نفس الجامعه اغلب وقتج  
يخلص وياه مامعقوله مايوم لمحجج كالج حسسج بعجابه  
منسى

لا حاجاني وانطيته الرد الي يستحقه

بعدني مكملة كلامي واسمع صوت لهيب وهو يكول

لهيب

يعني كلتيه انتي مزوجه واجه يخطبج ويعرف انتي  
مزوجه

من كال هاي كلمه وبهل طريقه المستهزأا عرفت شنو  
قصده و ليش يتهمني اني خاينته  
كاله وصعد لغرفته حته بدون ميسمع ردي وكانه متأكد  
اني ماكتله هيچ بس الي وكفه عمتي من كالت

ام لهيب  
وشمديك ماكالتله انته ليش هيچ حاكم ومصدر احكامك  
عل بنيه

انادر علينه و حط عينه بعيني وكال  
لهيب  
مثل ما متأكد اسمي لهيب متأكد ماكتله لا اله ولا لاي  
مخلوق غيره ولا بشر بالجامعه يعرف هيه مزوجه  
وخليه تكول هذا الكلام جذب رکز عله كلماته وكال  
تدرين ليش  
مكالت لاحد لان هيه نفسه ما معترفه بهل زواج وتنتضر  
حريته مني يوم يوم  
كال هل كلام وكمل طريقه

صح اني ماكلت لاحد لان اصلا هاي حياتي الخاصه شكو  
اشاركه وياه الكل  
واصلا اني ماعدي هيج اصدقاء اكعد واسولف وياهم اني  
ماتواصل وياه احد غير بس بخصوص الدراسه  
ابد ماجانت نيبي مثل ما مفكر  
اني اكثر شي ممكن افتخر وافرح بي بهل دنيا هو انو  
اني مرة لهيب

حجيت لعمو وعمه علمه كل الي صار ويايه بالمستشفى  
ومن كلي معاذ الزفت هو يحبني شصار وشلون رديت  
عليه

جنت منهاره واني اشرح لهم مستحيل بيوم افكر هيج اني  
طول عمري عاشكه لهيب 🔥 عمه حضنتني وكالت كافي  
لتبجين غصبا ماعلي يجي يعذر منج وتصافون لا اني  
من يمي تعبت منكم  
صعدت لغرفتي لكيته شايل هوبي من طببت اخذه وطلع  
وهو

لهيب

يكلي لها ودورج انتة

منسى

شنو قصدك

لهيب

قصدي واضح ابني متنوع توصليله بعد لو شوفينه بنص  
النار تعوفينه وتمشين

منسى

لهيب...

لهيب

والى تردينه راح يصير ورقجج توصلج

منسى

الى بينى وبينك ماله علاقه بهل طفل

لهيب

تمام يعنى حته ماثر بيج سالفه طلاك الى همج هوبى

منسى

كضيت عمري اشترى البايعنى هل مره اشترى روى

لهيب

خوش لعد اشترى الى تردينه من اليوم حته راى كوني

ابن عمج لاتحسبين حسابيه ومثل ماكتلج ممنوع تقتربين

من ابني

اخذ هوبى وطلع من الغرفه وكانه يكلى حياتج انى وهل

طفل واليوم رسميا سلبت منج حياتج لهيب الى حته من

جانت هاله عايشه يتعارك ويه بيبي اذا تكول بيت فلان

حاجونى عله منسى اليوم يتخله عنى بهل بساطه

حركته اليوم جرحتنى حته اكثر من يوم زواجه بس

مستحيل يحرمنى من ابني اصلا هوبى طفل ميكدر يعيش

من دونى

مر سبوع ثاني واني عايشه بجحيم كل عقله ماخذ هوبي  
لبيت عمه ام فهد حته ممبقي بالببيت  
خابرتني بنيه ويابه كالت نزل بيح انذار نهائي باجر اذا  
مداومين تنفصلين ثاني يوم رحى للجامعة مثل المسطوله  
كلشي مافهمت ولا اعرف من دخل انه منو اخذنه  
صدكون اذا اكلكم حته نسيت معاذ وكل سالفته  
طلعت من باب الجامعة متوجهه للسياره واشوف لهيب  
خانك دكتور معاذ وشامره عل سياره وذاكه حلكه كله دم  
صفت بيهم واحد دمر حياتي والثاني سلبه كملت طريقي  
اباوع اريد اشوف وين السايق مالتى مالكيته بما انو  
لهيب هنا اكيد هو كايله اني ارجعه طلعت للشارع العام  
الدنيا حار وشمس تسمط اخذت تكسي اريد اصعد  
انسحبت من ايدي ابو التكسي ضل صافن كله روح  
حجي. اني اوصله مرتي هاي باوع عليه للرجال هزيتله  
راسي بمعنى ييي  
رحى صعدت وياه بالسياره مانطقت بحرف  
هو جان يثور ويفور جان يكول

لهيب

واصل مرمله يريد يبوسج هذا العار واني مثل الغبي اجي  
اخذج من يمه وبكل صلافة جذبين عليه تكلي مريضى  
مات على شنو جنتي تبجين على حضج المصخم كون  
واحد مثله حبج وانتي حياتج متحطمه وياه واحد مثلي



حجه اشكال الوان ماردیت زادت عصبیته بالزاید یسوق  
مثل المخبل ویسب ویغلط ویلغن بروحه شلون حب وحده  
مثلی و حار شحجه  
ماردیت علیه ولا بحرف جنت ابوع عل شارع جان یقول

لهیب

جامعه بعد ماكو عود من نطك ارجعي ادرسي انتي وهل  
كلب بنفس المكان

انداریت علیه وكتله

منسی

لیش بعد ماتترکني کرامتک راح ترجعک ویصیر عادی  
ابقه انی وحبیبی بنفس المكان

من کتله هیج ماحسیت غیر شی حار نزل علیه وجهی  
حته ماتتبهت شوکت وشلون ضربنی علیه حلکی وخله  
الدم یطلع

کلمه مجرد کلمه ماتحمل یسمعه بس انی خاینه و منحطه  
واحب غیره وانی علیه ذمته عادی انی اسمع هل کلامی  
درت وجهی ماردیت علیه من وصلنه للبيت مو ما دخل  
اول ما نزلت حرك سياره بسرعه وراح دخلت غسلت  
بالمطبخ ماردت احد یشوفنی بس اکید عمه لکفتنی  
لا وطلعت هیه الی مصخمه وحاجیه لهیب کلشی حجیته  
اله کل عقله ترید صالحنه متدری هل شی زاد الطین بله

صعدت لغرفتي من نزلت اسمعه تحجي ويه عمتي ام فهد  
سوده عليه هوبي من البارحه يبجي عاد ماستحملت  
خبال لهيب الي ماله نيه يخلص بدلت وطلعت لببت عمتي  
شيريد يسوي خلي يسوي

من دخلت بيت عمتي لگيت حبيبي هوبي من كد ما باچي  
عيونه صايره حمر ومنتهي نايم ويشهك سحبتة لحضني  
وفز من شافني رجع يبجي كمت سكتته وضليت الاعب

بي  
الي ان هده وسكت جابتلنه غده عمتي. وكعدت تحجي  
عليه شلون ماكلهم عل الي صار  
ماعرف شنو فلمهم عبالك عايشين بغير عالم. ميعرفون  
لهيب وسوالف لهيب يعني كل عقلهم واحد مثل لهيب  
ينحجي وياه بهيج موضوع  
اخذتلي بالساعه اجه فهد. وكال

فهد  
ها ام المصايب هنانه هسه يجينه. لهيب يحركنه احنه  
وياج  
منسى

بله مكافي تره ملبت من هل سالفه  
فهد

اني مستغرب سمعته يريد يظلك  
منسى

والله يسوي الي يعجيه بكيفه اني اخذ ابني واعوف  
البيت هل مره واطلع صدك ومابقه دقيقه  
ام فهد  
تره الولد ابنه.

منسى  
عمه اني الي ربيته اني امه  
ام فهد

يضل الولد ابن اهله  
منسى

بالقانون اني امه اني اخذ الحضانه منه  
ام فهد

هذا حجي يفيدج  
منسى

والله اذا هو عاجبه هيچ مبهل هل طفل ومسويله زعله  
عله شك براسه اني مو ذنبي  
فهد

خليه بالج شماصار انتي مرتبطه بهل بيت يعني حته لو  
طلكتو هم جامعج هنا مجبوره تبقين انتي ولهيب بنفس  
البيت

ام فهد  
قال الله ولا فالك انتة بيش طالبهم تريد طلکهم  
فهد

اني شعليه غير همه ولد اخوتج زوج خبول  
منسى

عوفو هل حجي اني راح أخذ هوبي واروح  
ام فهد  
عمه والله مالي خلك لهيب زين تعرفينه  
منسى  
معليج كليله ماخذته واني مادري جان نايم

اخذت هوبي رجعت للبيت اجيت ادخل واشوفه يطلع من  
البيت وعمتي تسويله بروح عمك مالك شغله بيه  
عرفته زاعجه طلعتي وبين جاي هاد شلون اروح لهوبي  
هو ماشافني من اجيت جان منطيني ضهره عمتي  
شافتني ضلت صافنه هو اندار عليه واكيد الشياطين كله  
بوجهه جان يگول

لهيب  
انتي...  
منسى  
بله عياط الطفل بيدي كافي عليك مخبله وصادفه شامره  
يم عالم يشوفهم مره بالاسبوع بحياته  
حطه بالك شيخ حته اذا ردت تطلق بالقانون الي بي  
حصه حالي من حالك حضانتته الي  
ولا تكعد سويلي مو ابنج ومن هل سوائف هل طفل محد  
يحبه ويهتم لامره. بكدي اني

انته الي علساس ابوه استخدمه حته تعاقبني بي مافكرت  
طفل شراح يصير بي  
كتله هيچ وعفته وصعدت لغرفتي سبحت هوبي وبدلتله  
ودخلت انام وياه بالفراش رغم باجر بيلش الفاينل  
العملي. والمفروض اكد اقره بس وين اني المشاكل  
معجبه تجيني غير وكت الامتحانات  
جنت نايمه محسيت غير عله صوت عمه وهيه تكولي

ام لهيب  
يمه الدنيا مغرب مايصلح تنامين وياجر موعدج امتحانات  
شكو نايمه

منسى  
عمه والله مالي واهس اقره حرف  
ام لهيب

ميخالف ماما كومي هذا مستقبلج

صدك كمت غسلت وجهي هوبي بعده نايم سوده عليه  
جان مخلصه بجي بسبب هل خبل ابوه  
طلعت ملازمي الحمد لله ماده باجر زينه مو ذيچ الصعوبه  
واني هوايه قاريتيه قبل  
كعدت اقره بغرفتي رغم اني ماحب اقره بالغرفه بس  
شسوي مجبوره ماريد اتواجه ويه لهيب ه  
كملت قرايه ب ٢ ونص بليل

رجعت لفراشي توني مددت حسيت الباب نفتح عرفته  
لهيب  
اجه باس هوبي و عدل الغطه مالتة وطلع  
حنين سوده عليه ابو العرايك  
ثاني يوم كعدت بدلت داروح للجامعه وهذا تخبل دك بجي  
يمعود ارجع والله ارجع وهو قافل  
جان يشيله لهيب وكال يله نروح سوه ويه ماما  
لا والله هذا منو الي يحجي ليش ماما وين رايحه لمدينه  
الالعاب لو جامعه  
اصلا فترة امتحانات منو يخلي يدخل جامعه هذا تخبل  
رسمي لا ويحجي ويايه من وره خشمه

لهيب  
روحي بدليله  
منسى  
انتة صاحي وين اخذه ويايه ليش اني وين رايحه  
لهيب  
السانج انتبهي لالفاظ لا اكصه الج وبعدين شنو ليكون  
متردين برستييج يخرب ويعرفون بيح مزوجه و عدج  
طفل

سكتتت ما حجيتة اعرف وين يريد يوصل بهل خرط بدلت  
لهوبي وكشخته وشلتة وشلت كتبي وطلعت

من وصلنه للكلية هو نزل وفترا آخذ هوبي مني شايله  
اني عفتهم ودخلت لستعلامات الطالبات خلي هو يحير  
بروحه وابنه وموصار فاندام براسي  
دخلت للجامعه بس بالي يم هوبي ادري بي يضل يبجي  
ضليت اباوع عله استعلامات الولد جان اشوفه يدخل هو  
بيده هوبي نزله يمشي بي ضليت صافنه هذا شلون  
دخل من شافني. اشر لهوبي عليه. اجاني هوبي يركض  
كعد بصفي ويباوع داير مدايره  
الاجواء غريبه عليه  
هو اجه كعد يمنه وساكت يلعب بتليفونه  
باوع جان يكول

لهيب  
شنو متراجعين ويه جماعتج  
منسى  
ماعندي جماعه  
لهيب  
ي منبوذه  
منسى  
اعتقد وصالك الجواب ليش محد يعرف بيه مزوجه

مارد عليه ساكت بس يباوع بعيونه. توني اريد اكوم لان  
خلص الوقت ولازم ندخل للقاعات جان اشوف دكتور

معاذ باب القسم هو نهض اني خفت تلقائيا لزمتم ايده  
وكتله

منسى  
اترجاك لسويلي فضيحه كدام الطلاب اني اصلا ما اشوفه

ضل ساكت وصافن بعيوني دار وجه اني نحنت عله  
هوبي كتله  
منسى  
حبيب ماما هسه بس افوت امتحن واجيك ماشي حبيبي  
ابد لاتبجي وهاي بابا يمك

بوسته ورحت دخلت للقاعه امتحنت واني كل بالي يم  
لهيب لان معاذ مراقب عليه حته اطمئن اكول هذا  
كدامي ذاكه ويامن يتعارك ما صدكت الوقت يخلص  
حته اطلع  
طلعت ماشفته لا يربي بس لا الي بالي صح  
خابرتة واني ارجف كال اني بالنادي ماخذ هوبي يشتريله



من دخلت النادي لكيت ما شاء الله كاعد على طاوله بنص  
النادي ومابقية بنيه ماكعه يمه لا مشكلهم شي اسنان  
شي صيدله شي عام وين اكو وحده. زايحته  
من اجيت سلمت عليهم شلت هوبي الي جان بحضنه  
وكتله يله

وحده من البنات كالت ما شاء الله ابكم عسل ربي  
يحفضه اباوع عليه وابتسم واشوف شلون هوبي مو  
طايقه وبس يريد يشرد وجه كله طبعات حمرة من  
حلوكهن

اخذته وكتلهن تسمحولنه لازم نطلع باجر عدي امتحان  
وظلعت خلي كاعد بنصهن عادي أخذ تكسي وارجع  
بعدين اذكرت لهيب اكيد ناوي يتعارك ويه معاذ اكيد مو  
غايته كعدت النسوان هاي  
ندرايت عليه وكتله

منسى  
يله لهيب شنو مناوي توصلنه  
لهيب  
السايق ينتضركم عندي شغله اريد اكمله  
منسى  
ماشي بس تعال وصلنه للسياره

هو انخرج بعد مايبه مجال كام من ابتعدنه كتله

منسى  
شنو قصدك بشغلتك شتريد سويلي فضيحه بنص الكليه  
لهيب  
شنو خايفه عله الحلو لا يخرب وجهه

منسى  
لهيب لا طلعتني من طوري بنص الكليه هنا وكدام العالم  
شهل حجي. تريد سوي شي سوي بره الجامعه مو هنانه  
خوش  
وهسه وصلني وتعال نتضره هنانه من يطلع من  
الجامعه حطه وكتله تمام خوش خطه

اني احجي وهو صافن بيه كتله يله امشي بله صفناتك  
طلع كدامي بس هو يثور ويفور  
وصلنه للبيت عمه من شافتنه كالت

ام لهيب  
ها يمه صالحتو

منسى  
اني اكمل امتحاناتي واخذ ابني واروح. ابنج مينعاش  
وياه

لهيب  
هذا احجي لمنو ست منسى

منسى  
الك. طبعا. شنو تريديني اضل ساكتة العمر كله تره مابقه  
شي يعتب عليك مسويته هاي اخره سوييتي مصادقه  
واني عله ذمتك  
لهيب

لا تخربطين بل حجي ماكلت هيچ اني عركتي وياج  
ليش ضميتي عليه كل هل احداث

منسى  
وانت شسويت ماجيت كتلي اول. مره من محاجيك ما  
ستفسرت اي صح غلطت اني. ماكتك بلحضته الي صار  
ويايه

بس هم حقي اني زين اعرفك واعرف ردود فعلك  
بعدين انسان اني مامشتريته بفلس شكو اصلا انفهه  
لموضوعهواكعد احجي بي مره مزوجه شنو اكعد اسولف  
اجوني خطابه تنطوني لو لا

جنت احجي شو هذا عافني وصعد كنت لامه

منسى  
شفتي ابنج. حته نقاش ميسمع  
ام لهيب

اصعدي حاجي حطي تحت الامر الواقع. حطي حد لهل  
مهزله وانهييه. لو انتو الي مصالحين لو انتو الي  
ناهين كلشي  
منسى  
خلي هوبي يمج. واني رايحتله لو اني الي مخلصه عليه  
لو هو الي مخلص عليه

رحت لغرفتي وبدلت قريرت الفاتحه لامّ البنين عبالك  
رايحه حرب مو لهيب  
فتحت الباب ودخلت بدون ما ادكه لكيتته توه طالع من  
الحمام ينشف براسه  
من شافني كال

لهيب  
خير  
منسى  
لازم نحجي  
لهيب  
بشنو  
منسى  
بلهيب ومنسى  
لهيب

مالي حبي وياج

منسى

شوف تره مالي خلك لهننا وصلت حده بعد يما تكعد  
تجاجيني مثل البشر الي الله هاديهم وعله اساس كلامك  
الهادئ اني اقرر ابقه ويه لهيب ونكمل حياتنه رجال  
ومرته لو عله اساس كلامك الهادي طبعا  
اني اكلك ظلكني ودوامي اسوي استضافه بغداد واكيد  
ابني الي عود مو بعيد عنك اذا ردت اشوفه وهذا الشئ  
لمصلحته زين تعرف طفل ومتعلق بامه عود من يكبر  
يقرر وين يروح

لهيب

لا والله حضرتج مخليه خطط ومكمله

منسى

ي طبعا افكر بروحي هل شئ من حقي الي متى اليه  
الثوله الي تعشق لهيب عل عمياوي

من كتله هيح اني جنت واكفه والميز بضر من اتقدم  
عليه رجعت ليوره ضربت الميز وكعن عطوره وتكسرن  
وهو ولا يمه كال

لهيب

رجعنه السالفه احب لهيب واعشق لهيب

منسى

اذا انتہ متحبني وسالفہ اني احبك تزعجك شكو مسوي  
كل هل طلايب لان زين تعرف اني ماعدي شي ويه دكتور  
معاذ ولا ادري بي جاي يخطب

لهيب

ليش مو جاي يثبتلج هو يحبج واجه تقدم

منسى

انتہ مو صاحي والله مسوي يوم القيامه قام لان شخص

تقدملي وهو ميعرف اني مرتبطه

وترجع وره شويه تكول اني ماحبج والافندي جاي يثبت

حبه الج

لهيب

الي تردين توصليله بالضبط شنو

منسى

شنو موقعي بحياتك اني مو بنتك هل سالفه تلغيه من

مخك لاجنت ولاصرت ولا راح اصير اني بت عمك الي

بعد ما مات عمك تكفلت بيه مو اكثر

واليوم زوجتك بشرع الله وكتابه وام ابنك

عندك غير هل كلام كوله حته اعرف نفسي اني وين

لهيب

منسى الي ضم عليه نضرات وتلاطف واعتراف رجال

غريب اله وتكمل وكان ما صاير شي. ما اله مكان

بحياتي

لان انتي كل ماريد ابلش وياج من جديد صدميني بحركه

تحركين كل اوراقج

اول مره شردتي وهل مره من قررت غير طبيعه علاقته  
اجيتيني بمعاذ الزفت  
منسى  
تمام

كتله تمام وطلعت ماحجيت ولا حرف هذا اخر كلام ممكن  
احجي وياه بهل خصوص اني باقيلي ه  
امتحانات وبقيلي النضري يعني شهر واكمل امتحانات  
اخذت ملابس مال شهر وملازمي  
وهوبي وغراضه خابرت فهد اجه اخذني لبيت عمو ابو  
لاره هو مجان عده غير لاره ومن زوجه البيت فرغ  
كتله عمي ابقه يمك لبين متخلص امتحاناتي خطيه تخبل  
اسوي ماسوي بلهيب كتله اذا الي خاطر يمك متفتح حلك  
وياه بحرف  
وخاف يجي لان متاكده راح يحط هوبي حجه  
حاجي بكل اريحيه وكله ي عمو هسه اجيبه الك شوفه  
ولا كان صاير شي.  
صدك مثل ما توقعت بليل اجه مثل الثور الهايج وعمي  
يصرف وياه بكل برود  
كل الي كاله الاياه

ابو لاره

عمي لهيب هسه انتة عله شنو صيح انتة البنيه ماتريده  
وهذا الشئ كلنه ندري بي خلص راح تخلص منه وهل  
مره بشكل نهائي احنه هم ضلمناها بهيج علاقه فاشله  
واذا عله ابنيك فھيه بنت عمك يعني ابنيك بكل الاحوال  
راح يكبر ببيوتنه واذا جان بالبصره فهو بيتي وهذا بيت  
عمك شوكت ماخطر بالك تجي شوفه  
واذا بغداد انتة اصلا دوامك هناك شوكت ما تريد شوفه  
تروح تاخذ ابنيك

يعني بكل الاحوال ماعدنه شئ نختلف علي  
والي فتهمته من منسى انتة ما مخليله لا حاضر ولا  
غايب يعني البنيه كلشي ماله يمك  
واني وابوك هم نكعد ونسولف بهل موضوع وخاصة  
حصه من ميراث ابوھه ماخذته  
هم حقه ولازم يرجع الھ  
شما صار بينك وبين منسى ھيه ضل بنت اخونه وامانه  
المرحوم الھ  
احنه من جنه مانسال وماندخل جنه مامين ھيه بامانتك  
وانتة مو اقل حرص منه عليه  
بس وكت الي ھيه ماتحس بالامان وتلتجا الواحد منه  
تره يالھيب اني هنا ما شوفك بنفس النضره لا اشوفك  
شخص ماذي بنت اخوي  
لذالك واني عمك مدام وصلتو لدرج مسدود احنه اهل لا  
انتة غريب ولا منسى بيت واحد تئينكم



انحله بهدوء وتفاهم وانتة اذا تعزه وتخاف عليه يعمي  
البنيه بنت عمك مو شرط تسمه مرتك حته تحرص عليه  
وتخاف

عمي حجه وياه بطريقه هادئه جانو كاعدين بالحديقه  
واني اباوع عليهم من شباك بله مينتبهون صح عمي  
جان هادئ ومتفهم بس عرف شلون يخلي يفور ويثور  
جنت اباوع عليه شلون مدنچ راسه ويهز برجله وقابظ  
عله ايده واوردته تريدك عرفته وصل مرحله بس هو  
مدنك  
من رفع راسه كال العمي

لهيب  
ادلل عمي الي تريده انتة وبنت اخوك اني حاضر اله  
وعله ورثه تدري اني فلس ماجست منه وحتة ارباحه  
من يوم الي توفه عمي لليوم ما وصلتهن أن شاله باجر  
اجيبك دفتر حساب المصرف الي باسم منسى  
واذا عل مهر اني جنت بوقت حرج ومانتبتهت لهل امور  
اني ماخليت مو ستنقاص منه واكيد المهر الي تريده اني  
ادفعه



دخلت للمحكمة هو جان كاعد وحده عمي محمد زعلان  
عليه ثنيه

ميحجي ويانه هو ولا عبرني ولا نفهلي  
دخلنه للقاضي بعد ماکمل كل اسالته وساله اذا رايد طلاق  
ماتدد لحضه وهو يكله سياده القاضي اني طلكت سيد  
غيابي وهم طلكت بوكاله صدك الطلاق ونهي الاجراءات  
لهل درجه رخيصة عندك لعد شببيه اني مسودنه عليك  
من سألني القاضي هو باوع عليه صفن بعيوني واعرفه  
من يتوتر

دست عله كلبى وكتله قابله وياريت تستعجل  
طلكنه وطلعنه من المحكمة

عمي راح يجيب مي هو اجه عليه احس رجليه بعد  
متعيني كلي ارجف ماعرف من شنو جان يكول

لهيب

صح طلكنه بس اضل اني اني وباي وقت ترديني.....



منسى

ممنوع شوفني خلقتك بعد حته اذا اموت جنازتي لا

تحضره

راد يرد عليه بس عمي اجه وكال يله عمو هو ركب  
سيارته وراح واني رجعت لبيت عمو

كملت امتحانات الحمد لله هو مرتين دز عله هوبي شافه  
بس اني مادري عنه  
اول مكملت امتحاناتي لميت شكو غراض اليه مخلت  
فتفوته لا الي ولا الهوبي  
ورحت لبيت امي هيه مكالت غير هذا احسن قرار  
سويتي  
من بلش الدوام خلتي فهد ورجل لاره عده معارف هوايه  
بالوزاره  
سوالي ستصافه لجامعه بغداد  
ورحت سجلت هوبي بروضه ارجع من الجامعه اخذه  
وارجع للبيت  
لان اكيد امي مراح تكعد تهتم بابن لهيب  
هو اكثر من تلت مرات خلال هاي الفتره اجه عله هوبي  
اطلعه الهه بالباب بس لا اشوفه ولا اخلي يشوفني ياخذه  
صبح يرجعه بليل

بعد مرور تلت   )))

سنوات    (((

بعد ما طلكت اني ولهيب ماشفته ولا خلتيه يشوفني حته  
من ارواح للبصره ارواح بفتريه ادري بي هو ملتحق  
بالدوام مو بالبيت

طلعت من قوقعه منسى الي ماعده صديقات لا صار عدي  
صديقات واصدقاء صرت اطلع وياهم اتونس واسولف  
طبعا الكل يدري عندي طفل ملك جمال اكثر من مره اخذه  
للجامعه بايام المناسبات والاحتفالات وان شاء الله هاي  
السنة اسجله مدرسه هوبي مالي الدنيا كله عليه  
اليوم يوم تخرجي. صح بعد الامتحانات النهائيه بس اكو  
مراسيم اخذ صورة التخرج بعد الكورس الاول  
يعني اول منبلش كورس ثاني ناخذه جان نهايه شهر  
الثاني الجو لاهو شته لاهو صيف مدري شلونه ساعه  
بارد ساعه حار

بديت اجهز بدله التخرج  والوشاح والقبعه وباقي  
امور التخرج ومخبوصه

ولازم هوبي هم اروح اسويله ويايه  
كملت كل تجهيزاتني اني وصديقاتني. جنه نطلع بسياره  
وحده صديقتي هوايه اجهه بالي اشترى سياره بعدين كلت  
لا خلي اتخرج يله اشترى. للدوام  
كملت اليه والهوبي كل سوائف التخرج  
وراها قبل صوره بسبوعين رحت سويت تغير شامل بس  
فلر شفاه كتله كلش قليل شي ميلفت الامتبااه بس رسمه  
لان اصلا شفتي مليانه من بدت النتائج توضح حسيتني  
اني مو اني

وجرئت اكثر وغيرت لون شعري كله سويته نحاسي  
واني بيضه كلش حسيته طلع يجنن بس كلفني كومه اني  
شعري هوايه طويل رغم خليته تاخذ منه بس هيه اصلا

مقبلت كالت البنات تتمنه هل شعر خلته شويه انزل من  
ركبه رجلي  
امي من شافنتي كالت شنو عروسه هاي شطالعه  
جان باجر صورة التخرج مالتني  
خابرتني لاره كالت اجيت اني وابويه وعمو محمد وعمه  
وببي وعمتي وسعد وفهد وكلنه اجينه نحضر تخرج  
كتله صدك لو تشاقين كالت شنو مجذبه عليج غير بتنه  
الدكتوراه راح تتخرج  
يمكن هذا احلا خير سمعته بذلك اليوم  
بليل اجوي لبيتنه امي ستقبلت عادي بس اني احس  
روحي طرت بيهم خطيه بيبي صح تعبانه بس احسه  
الفرحه شع من عيونه  
وعمه من شافنتي سوي الك الله يلي بالي. مافهمت قصده  
كتله خير عمته تكلي انتي شنو كل متكبرين تحلوين  
وصغرين  
كتله بعد كلبي بعد بعد تغزلي محد متغزل بيه غيرج من  
طلعت من بيتكم صابني جفاف غزلي  
والكل يضحك وهوبي هم مكيف لابس الروب فوگ تراك  
البيت مالتنه ويفتر يسوي اني دكتور لهيب يله صفاكولي  
ثاني يوم رحت للجامعة اجه فهد مسويه مثل سياره  
العروس ومخلي قبعه جبيره عل سياره ورد  
وانطاني ورد طبيعي ضحك وكلي هاي هديه مال تخرج  
السياره والزينه والورد  
ضليت مصدومه ابد ابد متوقعت هيچ هديه من فهد.

الصراحه حزت بنفسى مو لهيب  
لحضه تمنيت لو يحضر تخرجى شكداً جان يكلى راح  
اسوي وراح اسوي بتخرج تالى حته حضور مكلف  
روحه يحضر  
بعلت غصتي بداخلي وسكتت وبينت فرحتى لفهد بسياره  
خطيه متكلف وجاييه وصلت للجامعه  
كعدت اهلى عل كراسى خطيه بيبي وعمى ما بيهم حيل  
وكفه كعدو كلهم وانى اخذت هوبى ورحت يم جماعتي  
باوحت شفت وحده ويانه بالقسم هيه وزوجه وابنه جانو  
تلاثتهم لابسين زي التخرج لان همه طلاب وابنهم هم  
ملبسي وياهم شلون زوجه يعدل اله الروب والقبعه  
واخوهه يصور بيهم فديو  
درت وجهي ماريد احسدهم الله يسعدهم بس ما عرف  
ليش احس دكات كلبى بسباق. ومتمنيه لهيب يجي جنت  
منحنيه صايره بمستوى هوبى البسه بالقبعه. نتبعت فهد  
يصور بينه كتله بعد ماكملته

منسى

لهيبى حبيبي يله هسه دورك

هوبى

شنو شسوي ماما

منسى

هسه المفروض الشيخ لهيب يلبس منسى الروب والقبعه

لهيب

اي تدلل الشيخه منسى لو دكتوره منسى مو احلا

هل صورت شل اطرافي جمد حركتي هذا صوته وهذا  
عطره مانداريت ضليت ابوع عله هوبي يجوز داتخيل  
اني لان هوايي افكر بي  
حسيت احد خله اديه عله اکتافي ورفعني اجت عيوني  
بعيونه

نفسه ذيج العيون بس الشعر مليون شيب صح ضايفله  
جمال اكثر ومسوي احلا واحلا بس هاي اول مره اشوف  
الشيب براسه انتبهت لابس زيه العسكري الي مفصل  
عله جسمه الرياضي وتارسه  
هاي شنو رتبته متغيره اااه يا زمن لهيب ترقه واني  
اصلا مادري

صحاني من صفتي من لبسني الروب وخلاللي الوشاح  
جنت مركزه بكل حركه لادينه يسويه  
خله القبعة عله راسي ورتبه

وطلع علبه من حيبه بيه بروش مكتوب بي دكتوره  
منسى عثمان بالذهب لبسني ياه

وكال

لهيب



حاولت هواي ماجي وماهتم وانسه واكول ماتستا هل بس  
ماكدت انتي جزء ماعرفه افصله عن روجي  
واتمنى الهديه عجبتيج واذا ماعجبج الموديل نغيره  
دكتور ه

هنانه فهمت السياره هديه لهيب مو فهد  
مارديت عليه وبلا حرف بس عيوني سارحه بيه انتبهت  
عله صديقتي من صاححتي نصعد عله ستيج حته ناخذ  
الصوره

كلت لهوبي

ابقه يم بابا اخذ صوره واجي اصور وياك  
صعدت عل ستيج هوسه الصوره والدوخه وساعتين  
واكفين بس علمود الصوره واني عيوني مشوف غيره  
صايره بغير عالم مركزه بي وبضحكته وشلون بياو علي  
بفخر وكاني احد نجازاته  
شاييل هوبي وياشرله عليه وهوبي ياشرلي بيده  
كملت الصوره ولا ره وفهد فشخوني بالجليت عبالك حصو  
مو جكلت

وراها سعد جايب مصور وياه

كل شويه ست لاره طلعه لقطه حافظته بجهازه اخر شي  
اخذت ويه الكل صور وخاصه اني وهوبي كومه بس هو  
ماقترب ولا بصوره

جان يكله سعد. ها شيخ شنو تستحي تجي تاخذ صوره  
ويه الخريجه  
اقترب بس احسه متوتر جان يكلهم يله كش ملك ماريد  
اشوف احد غيري بالصوره  
اخذنه اني ويه اكثر من صوره وهم لقطات ويانه هوبي  
وراها عمو كال يله عازمكم غداكم عليه  
رحنه لمطعم فخم  
جنه كاعدين واجتي بنيه حلوه مرتبه يطلع عمره  
بالتلاتين سلمت عليه وباركتلي وكعدت بصف لهيب  
سوالها مكان  
ضليت مركزه بيه سالت لاره هاي منو  
وجانت الصدمه من كالت هاي خطيبه لهيب  
اريد اللكمه تنبلع ماكو وكفت شربت بطل المي كله وهو  
مركز بيه  
يعني مالكة يوم يعزمه بي. غير يوم تخرجي  
امي نتبعت عليه وعرفت سبب هل حاله جان تكول

ام مها  
احنه نترخص منكم جده هم مسويله حفله بالببيت ولازم  
انروح نحضر اله  
الشيخه  
يمه بعد وكت خلونه نفرح ببنيته  
منسى

لا بيبي اني هم تعبت خلي ارتاح لهوسه العصر وبيبي  
حبابه جيبي لاره وعماتي وتعالى  
فهد

واحنه شنو جكك

منسى

حقله نسوان لو انتة تخرّب عل نسوان

وراها ترخصت منهم كتلهم اغسل واجي نروح بس اني  
احس نفس بعد ماكدر اتنفس جان هوبي يكول

اروح وياج ماما

منسى

حبيبي بابا هنانه ابقه يمه اذا تريد

هوبي

لا وياج

لهيب

تعال ويانه بابا امك تعبت اليوم

هوبي

لا وياه ماما اصلا اروح انام ماتعبه

سحبت هوبي من ايده وتركتهم واتجهت عل مغاسل  
باحضت ضعف نزلت دموعي ماكدت بعد اني موجبل  
اني بشر

انتبهت الروحي المكياج خرب غسلت شكو مكياج بيه )  
بس اكيد بعدني حلوه واخبل )  
نتبهت عل بروش الي بالستره نزعته وشمرته بالزباله  
طلعت وكلت لهوبي يله  
المغاسل جان قريبه عل مكان الي كاعدين بيه جنت  
داودعهم جان هوبي يكول

هوبي  
ماما هذا مالتج بالغلط شمرتي بالزباله

من التفت شفته شايل البروش خرب شرفك باواعت شفت  
لهيب يباوع عله ايد هوبي كله

لهيب  
لا مو بلغط بابا جيبه  
منسى  
تفضل عمو لهيب شكرا الك بس ما قبل هيچ هديه من احد  
واصلا ما عرف اسوق

خليت سويج السياره كدامه وطلعت وامي شايله العلاكه  
الي بيه غراضي وهيه سويلي

ام مها

الي مثلج ياخذ تاج راسه لهل متعجرف لا زوجين  
منسى

الحاله الي اني بيه هسه انتي سببيه او ما حضرتج تبعتي  
نزواتج لو كاعده وكايله بناتي وصايرتلنه اب وام جان  
ماضطريت اقترب من لهيب واحترك هل حركه

من كتله هيچ هيه دنكت راسه اني كملت طريقي بس  
تدمت لان كتله هيچ الماضي راح ليش احمل اغلاطي  
لغيري

رجعت للبيت دخلت للحمام وكل عاده انتهيت بجي بس  
هل مره انتهيت بمعنى كلمه الانتهاء  
رحت نمت حسيت العصر عله هوسه بالبيت عرفت بدت  
العالم تجي واكيد امي عازمه امه الثقلين بته الدكتوره  
اتخرجت

بدلت وكشخت ونزلت الحفله الي واني بالعالم الموازي  
جنت كاعده بصف بيبي  
مانتبهت غير عله امي من كالت

ام مها  
والله خاله هاي منسى وساليه اني مادخل  
منسى

خير شكو

ام مها

خاله ام يونس اتكول شنو عده عذر بعد وترفض زواج

بيونس

منسى

هاا ليش يونس رجع فتحت هل سالفه

ام يونس

والله حبيبي يونس يحبج ومشتريج واختج يمج هاي  
صارله خمس سنوات هم يوم شكت مني او من اي احد

بالبيت

واذا هله هوبي وتعلقه بيح والله بعيونه نخلي

منسى

الله كريم خاله هسه مو وكته

ام يونس

الحمد لله من صارت الله كريم مو رفض مثل كل مره

منسى

لا خاله اني ادري يونس مابي عيب والنعمة منه بس

تعرفين ضروفي جانت حاكمتني

بعد العشه راح الكل بقينه بالبيت بس اني وامي  
وهوبي ماعرف شوكت نمت من كميته القهر الي بداخلي

فزيت على صوت التليفون

فتحت خط دون مانتبه منو

اجني صوته مثل الرعد هز كل جزء بيه وهو يكلي

لهيب

اني باب البيت تنزلين لا اسويج فضيحه اله اول ماله

تالي

منسى

هاااا

لهيب

الج دقيقتين اذا ما الباب انفتح وانتي بي لا تلومين احد  
غيرج علي راح يصير

نزلت مخترعه شنو الي ممكن يصير يجيب لهيب ب ٣

صبح للبيت بهل عصبيه

نزلت لابسه شورت وتعلاكه وكفشتي مفتوحه من

الخرعه اصلا مانتبهت عله روي

فتحت الباب جان واكف مرتجي عل سياره النعاس بعيني

اشوف الواحد عشره

جان يدفني بسرعه للداخل طب بالاستقبال وسد الباب

وهو غاضط عله زندي قوي

دفني بقوته نشمرت عل تخم حسيت عضامي تكسرت

واني بصدمتي بدشتي هذا وحش مو لهيب جرنى عليه

وهو يكلي

لهيب

هم فاهم غلط هذا هم ماشوفه عيونج وماتشترينه بفلس  
منسى

شنو منوه شصاير فهمني

لهيب

لا والله دكتوره لو عروسه احلا

من كال هيچ فهمت شبي سحبت ايدي منه بقوه وكتله

منسى

باي حق جاي تحاسبني

لهيب

منسى ( كاله بغضب )

منسى

اششششششش صوتك لاتكعد امي وشوف هل مهزله بنص

اليل

عله شنو جاي مثل الوحش حالي حال اي بنيه الف واحد

يدك بابه وتالي صير الواحد

اذا الولد بي عيب يرفض حسب الاصول يا شيخ مّوجاي

هاد عليه

شنو الي يخليك تسوي كل هذا لان جاييني خطاب

من كتله هيچ لظثني بالحايط وهو لزمني من فكي وكال

لهيب



انتي موافقه عليه موافقه تزوجين ولج شلون وافقتي  
شلون

جان منهار لدرجه كلمته ميعرف يجمعهن مثل حالتني  
واني اتوسل منتهيه كدامه ميعوفني ويروح يزوج  
الدنيا دواره ونقلبت الادوار حاولت ادفعه عني واني اكله

منسى  
وين الغلط بالموضوع واذا وافقت اصلا جان للمفروض  
اوافق بيه من اول مره وماتصل بيك وساعه السوده الي  
اتصلت وكتلك انقذني

من كتله هيچ انتبهت توازنه ختل ومن رفع راسه خشمه  
طك دم وجهه مليون دم  
ماعرف شصارلي احس اهتزت كل نره بيه ركضت عليه  
دفعني عنه وهو يكلي

لهيب  
لو بس مره وحده بحياتج ثابتلي صدك تحبيني  
منسى  
كل الي عشته وياك وماثبتلك

شفتك بعيني تنزف لغيري شفته بعيني بسيت النوم وياك  
صرت مربيه لابن وحده ثانيه بس لان هو ابنك  
دست عله كلشي كرامتي وعزت نفسي ورجعت الك بعد  
كلشي ومائبت حبي  
طلعتني من بيتك وسويتني مستمتعہ بسالفه رجال غريب  
يتحارش بيه  
ورجعت اليوم مثل جلب گلبي يرف عليك ويريدك لمجرد  
شفتك اجبت تحضر تخرجي ومائبتك اني احبك  
بس انتہ اي هواي ثبتت قيمتي يمك ولك عل اقل خلي  
اليوم يمر وباجر عرفني عله خطيبتك  
بس لان اني وافقت اتخطاك واعيش حياتي صرت مو  
خوش  
بعدين انتہ باي حق جاي هسه دورني اثبت لو ما اثبت  
شنو ناسي انتہ مطلقني وبايعني بسعر التراب

جنت احبي ومنهاره ماحسيت غير وكع من طولہ  
عززہ العرزواني  
صرت ماعرف شسوي ست سنوات الطب تبخرن راحن  
امي عله عياطي اجتي خطيه مخترعه من شافته مدد  
اخذت جهازي وتصلت عله فهد  
جابتلي عبايته لان فقدت نسيت روعي شلابسه  
اجه فهد وكوه صعديناہ بالسياره رحت وياه ورجعت امي  
لهوبي ليكعد وميلكه احد يمه

اخذوه بالطوارئ وره ساعتين من البجي ودك ولطم  
كال دكتور

صاير عده نهيار عصبي ولوما نازف خشمه جان نجلط  
سمحلنه ندخل يمه  
اني بقيت يمه وفهد كال راح انطي خبر لخالي محمد  
واجي

اباوع عليه فاقد عبالك ميت بس الاجهزه تدل هو حي  
سحبت الكرسي وكعدت يم راسه  
لازمه ايده وابجي لهيب اغلا انسان عدي بهل كون بغض  
النضر عن حبي اله  
هو جان اب الي ماكو احد بحنيته عليه.  
صرت اذكر ايام طفولتي وياه مراهنقتي  
ابجي واني اكله

منسى  
والله ماجنت راح اقبل باي. احد بس ردتهم يوصلوك اني  
قبلت اني مو مثلك. اني ماكدر اعيش ويه غيرك  
بس انتة تكدر لان انتة متحبنى مثل ما احبك  
اني احبك رغم كل سوالفك  
فدوه ارجع انه تره اني وابنك نتيه من دونك خليك بعيد  
واني اوعدك ماشوفك وجهي ولا ازوج ولا فكر بهل

موضوع اصلا اني اريد اكبر لهيب واسوي احسن واحد  
بالدنيا

اني مانسيه شرطك من كلت اخذ لهيب منه اذا زوجت  
اني مستحيل اعوف لهيب  
احس بي ريحتك هذا قطعه منك. نفس شكلك نفس  
اطباعك حته نفس غيرتك عليه صح طفل بس يفتهم نكي  
اني اشوفك بي وماريد من الدنيا  
غير انتو الاثنين بيه

جنت احجي ويه روعي ادري بي فاقد ما يسمعي.  
ماعرف شوكت غفيت صحيت على صوت عمي وعمتي  
واكيد خطيبته الي اجتي مفجوعه  
من شفته قررت الم الي بقه من كرامتي واطلع قبل ما  
يصحه من نهضت جان مجلب بيدي  
فتحت ايده من ايدي

هو فتح عيوناه. ركضت عليه خطيبته باسته من راسه  
هو يباوع عليه نزلت دمعتي الخاينه مسحته وطلعت  
ماعرف ليش وكعت من طولي باب الغرفه مادري من  
التعب من الخوفه الي عشته لو هذا مرض وهوس بيه  
من اشوف وحده تقترب منه انهار  
ماعرف شكك صار اني غايبه عن الوعي  
بس هسه صحيت

فتحت عيوني هو نايم على كرسي كدامي  
صفت بي جان يفتح عيوناه باوع عليه وكال

لهيب  
مكتوب عليه كل ماتدخل وحده حياتي توكعين هل وكعه  
واخلصه مكابج وكاعد بالمستشفى

درت وجهي عنه يقتل القتل ويمشي بجزاته جان يكول

لهيب  
ي من حقج ديرين وجهج وتنغرين لهيب بكبره ينتهي  
امرہ اذا صار لج شي  
منسى

ماجبرتك تگابني وتكعد اهلي هواي مو بس انتہ  
لهيب

لا بس اني ماعدج اهل غيري  
جان المفروض مانفه التصرفاتج واخذج بعين الاعتبار  
واسوي الي يعجبني  
منسى

اي تصرفات بلہ  
لهيب

تعرفين حساسي شنو من تحتمين بعمي مني عبالج الكلام  
الي كاله عمي ماعرف هذا كلامج  
منسى

انتہ الي جبرتنی ابتعد  
لهيب

لئيش كل مره تبتعدين لئيش ولا مره جبريني اقترب يعني  
لهل درجه عميه عيونج ماشوف شكتر احبج

منسى

عيوني شوف نسوانك عذرنى حبك هذا ماجاي اشوفه  
لهيب

يعني هسه اني ماحبج

منسى

لهيب رجائا داىخه وتعبانه ونفسي لعبت من هل سالفه  
تريد تحب تريد تكره تريد تزوج تلك

واله اكولك حتى هوبي اذا تريده اخذه

اني مليتك ومليت حبك واصلا احسه هذا لعنه مو حب  
لهيب

كلهن يعبرن وعادي ينكالن ساعه غضب بس من وصلتي  
ضحين بابنج لا معناها قررتي تبدين صفحه جديده

بحياتج واكيد هذا الشى حقج

كاله وطلع

ضليت صافنه اني شحجيت شنو اني هوبي والله لو يموت  
دخلت امي من طلع

كتله فدوه صيحيلى فهد اذا موجود

امي صاحتلي فهد اول مادخل كال

فهد

ها ولج شلونج

منسى  
زينه زينيه بس فدوه طلغني بسرعه هذا يريد ياخذ هوبي  
مني  
فهد  
تره هوبي يم مرة خالي بشقه لهيب

بس مابست ايده انو ياخذني للشقه ماعرف شنو حساسي  
بذيج الحضه حسيته راح يسلب مني الشى الوحيد الي  
مخليني عايشه  
من طببت شقه لكيت هوبي بحضن خطيبته ومن شافتني  
نعقج وجهه  
هو حبيبي ركض عليه من شافني  
جان تكول

سهلى  
ابوه امنه يمي كال لبين مارجع ديرى بالج علي  
منسى  
واني امه ماكو داعي بعد احد يدير باله على ابني رجعت  
سهلى  
او ك بس يجي لهيب يله تاخذينه لان كلي بامانتج  
منسى  
باعي لج توني طالعه من العنايه ومالي خلك توخرين من  
خلقتي لا اعلمج الامانه على اصول

سهلی  
انتي ليش مو محترمه كتلج يجي ابوه وروحي انتي وياه  
ميته عليه اني

حسيت روحي دخت سندي فهد كعدي عل تخم وحببي  
هوبي ركض جاب مي  
جان يدخل لهيب من شافني كل لفهد شبیه وشطلعه  
جان يكله هوبي

هوبي  
هاي مدري منو صيحت عليه وتدري ماما مريضه  
منسی  
تعال انتہ معليك لتدخل وفهد فدوه اخذني اني وابني  
للبيت تعبت  
لهيب  
روح جيبانه غده وصل سهلی بطريقك  
سهلی  
لا حببي سویت غده لان عمه كالت دتروح شوف منسی  
بس هیه طلعت وراها بشويه اجتي منسی

باوحت عليه شلون تستعرض كدامه درت وجهي عله  
فهد كتله يله اجه فهد انطاني ايده لزمته داکوم جان يجر  
ايدي بغضب



لهيب  
اعتقد كلامي واضح واصل سهلى وبليل جايمكم اكو  
موضوع مهم لازم نجى بي

فهد عافني واخذ صدك هاي المسمومه وطلع اجه هوبي  
بحضني شميت ريحته يمه فدوه يروحي جنت اسم بيه  
جان يمول

لهيب  
ها شو اجيتي تاخذينه  
منسى  
معليك ابني معلي بسوالفك  
لهيب

اني اعلمج بسوالفي بس صحصي ويصير خير

يهدد ابو البلاوي عفته ورحت للغرفه مدتت وخليت  
هوبي بحضني ونمت  
حسيت تقريبا ب ٩ بليل احد يلعب بشعري  
عبالي هوبي بس شو هذا ماكو بحضني فتحت عيوني  
لكيت راسي بحضن لهيب  
ردت ابتعد ماخلاني كتله

منسى

وخر

لهيب

هل مره الي اريده يصير غصب عنج

منسى

شنو الي تريده ابني وين

لهيب

ابنج راح ويه اهله للبصره

منسى

( من كال هيچ احسه مثل الي ضربوه طلقه نهضت

مفروعه) وكتله ليش

رجع سحب راسي لحضنه وكال

لهيب

يحتاج رعايه واهتمام وانتى مريضه

منسى

شاكيتك انى مامقصره وياه

لهيب

كلمن يعتنى بابنه هو عده جده وجديته يعتنون بي وانى

اريد اعتنى بمنسىتى

منسى

اريد ابني

لهيب

وانى اريدج

منسى

شترید منی

لهیب

یول احبج عز الله خاین بیج

منسی

روح ابو النسوان مو خطبت

لهیب

راح اساهل عن سوائف وطولت السانج واکول مریضه

وتعبانه

بس ماعدي نسوان غیرج سهلی نهیت کلشی ویاها قبل

ساعه اصلا انی خطبته حته اغیضج

بس انتی سزرز شلون شمیرین هدیتی بالزباله

منسی

صدك ظلکنه یعنی خلص کلشی

لهیب ی واللہ نهیت کلشی خاصه بعد ماشفت شعرج

البرتقالي هذا

منسی

ی الحمد لله ابد ماحببته هاله جانت جنن الله یرحمه

لهیب

یعنی هسه اذا اخطب وحده لطیفه عادی الموضوع

منسی

شعلیه بیک قابل خاطبه الیه بس قصدی انو های متتحب

لهیب

منسی کافی عاد ملیت ولج شیب الله ترس راسی وانی

مکابلج وکاعد

منسى  
ليش شمسويه اني بشنو غلظت بله  
لهيب  
مد غلظ ولهنا وكافي اصلا اني خابرت أبوي كتل حضر  
روحك اجيب مشيه واجي اخطبه منك

منسى  
تخطب منو  
لهيب  
انتي منو قايل  
منسى  
ماينطيني عمي الك يعرف سوالفك يدريك تشلع كلبي  
لهيب

هههههه هاي امور روتينيه اني اخذج وانتي الممنونه  
اني سويت كل هل امور حته بعد يومين متكولين  
ماسويت فلان شي وضل بالي فلان شي  
منسى

شنو قصدك شحسوي  
لهيب  
حفله مهر وخطبهه حالج حال اي بنيه لو زحمه اني  
صرت عمو

منسى من كال هيچ ماعرف شو احس كل زعل والبعده  
تبخر دفنت راسي قوي بصدرة جان يكول

لهيب  
من اخذتي ابني وابتعدتي مفكرتي شلون راح انام  
واخلص الليل من دونكم واني جنت دوام ماكدر افاركم  
منسى  
انته مثل كل مره بسهولة تخليت عني

لهيب  
اني ماتخليت اني كنت هسه يوم يومين نصافه اصلا  
رجعت بليل نتي اراضيج لان جدتي وامي كالن هيه  
اصلا صعدت تراضيك فتت لغرفتي لكيتاه فارغه لا  
ومامبقيه لو شغله وحده لامه شكوشى الج  
اروح لبيت عمي يطلعي هوبي وحده  
منسى

انته دائما تجبرني ابتعد  
لهيب

منا وهيج حته لو حرب البسوس بينه متبتعدين عن  
حضني فهمتي

جان يحجي ويلعب بشعري انداريت عليه اريد احجي وياه  
صدمني من باسني من شفتي طول ماابتعد واني احس  
كهرباء سرت بجمسي

ما بتعد غير حس بيه اريد نفس جان صافن بعيوني واني  
احس روعي معت بين اديه  
جان يكول

لهيب  
خلي اكوم اطلع منا لا اسوي لي كارته  
منسى  
وين تطلع بهل ليل محد بالببيت اضل وحدي  
لهيب  
اكلج اذا تبقين هيچ بهل ملابس بين اديه انوب سمنانه  
بت الاوادم

جان يحجي ويايه ويكرص بخصري اني مصدومه عله  
متفاجئه عله خجلانه شخصيه لهيب هاي الجديده اني  
ما عرفه  
سحبته ونمت بحضنه لزمتم اديه بديه حيل اذاني  
بكرصاته واني اكوله

منسى  
كافي عاد بس تكرص خليني انام وانتة هم نام  
لهيب



لهيب

اني جنت احبج من عمي عايش و جان يكلي هو هاي  
حصتك واني اضحك اكله هااا شفته وكحه ومسودنه كلت  
مد ياخذه اشمرهه عله ابن عمه

منسى

لعد ليش كل ماكلك احبك تكرهني بساعه الحب

لهيب

توقيتج خطا حبيبي

جان يحجي. بيسلوب غريب عليه احس اكو شي بيني  
وبين لهيب نكسر بس ما عرف شنو  
حسيت الصبح واني نايمه بحضنه  
ضليت صافنه بي بوجهه اتامله معقوله بعد كل هل  
سنوات والضميم والقهر هاهيه خلص قرر يعترف ويصفه  
جونه  
جنت صافنه بي جان يكول

لهيب

ادري بروحي حلو بس ميت جوع

منسى

واني شعليه اني نفر مريض 



من كتله هيچ شو هذا سحبنى واخله ايدہ وره راسي  
وكلي

لهيب

لا عادي حبيبتى انى الريبوك الى اريده مايستوجب  
تكومين من فراشج

ماحسيت غير شفائفي راحت صارت خبر كانه هل بشر  
مو يبوس يفترس  
مرت الايام ورجعنه للبصره صح دنحضر الخطبتي انى  
وياه بس احسنى بحلم مو مصدكه  
خاف اصحه والكاه حلم ولهيب بعده بعيد عنى مو هذا  
الى يفتتر كدامى يجهز ويرتب ويحضر  
وصدك كل عقله جايب مشيهه عله ابوه يخطبني منه  
انى مارحت صالون ماحسيت اله حاجه وانى اصلا ماحب  
المكياج الهوايه ولبخ وصبغ رتبت شكلي بمكياج برز  
عيونى وحمرة احمر وفسستان بسيط كريمى  
من دخل عود يلبسنى الذهب والله احس روى مستغربه  
الاشياء الى داصير عقد سيد وذهب ولهيب مكيف بيه  
وراها كال العرس بعد سبوعين  
ولا عبالك انى الى خلصت عمري وياه توتر قلقت خفت  
ولاره ومها يضحكون عليه وناصابات عليه يسولى مو  
ردتى تموتين لوماتاخذينه وين لكيتى هل كلاوات

بس والله صدك اكو رهبه بالموضوع واكو خوف وتوتر  
بصعوبه كملت كل التجهيزات واغلبه هو جابه  
بليله الحنه جنت كاعده وحدي بالسطح ما عرف شبي  
شردت من الكل. صانه بالسماه مدده وباعو عل سمه  
والنجوم حسيت احد ممد بصفي باواعت شفته هو لهيب  
سحبني الحضنه وكال

لهيب

تدرين اني نفسج خايف

منسى

هااا شنو من شنو خايف

لهيب

خايف شلون اعاملج شلون اتعامل وياج صح ولا مره  
بحاتي نضرتلج نضرت بنتي مثل ما جنت اقول منسى  
بنتي ابد مجرد حجي السان. اني واصل مرحله جنت اغار  
من مصطفى ومرضى والبقية جنت خايف كونكم كبرتو  
سوه بنفس البيت تحبين واحد بيهم.

او واحد بيهم يحبج لذلك جنت امنعج تلعبين او تكعدين  
وياهم

يعني خايف شلون اعاملج بمثل ماريد اعاملج بمشاعري  
الي موجوده بداخلي الج



من كتله هيچ صار فوكي واحسه شلع شفافي مو باسهن  
احس دم طلع ونفسي نكطع بس احس روعي طايره  
ماعرشلون بادلته بقله خبرتي  
مانتبته عله روعي غير من كال

لهيب

لج كللي كافي ابعديني لا نوكن بالمحضور

منسى

هاااا

لهيب

سلملي الاخت ذاييه واني ادور تصحيني

اخذني من ايدي ونزلني جوه

ضليينه كاعدين نسولف ونضحك ويه الكل

ثاني يوم جان الحنه مالتنه العصر سويت الحنه مالتني.

مثل ماريد مثل ماحب. سويت شنو جان بخاطري شنو

الاشياء الي جنت احلم بيه

خاصه البدلات حجزهم لهيب من بغداد وراح جابهم قبل

الحنه بيومين

بغض النضر عن جمال شكلي جنت احس الفرحة الي

بداخلي ترجمت عله شكل جمال ونكعس عله وجهي

من دخل لهيب حناني مقبل احد غيره يحنيني وببيبي  
جانت تريد هيه تحنيني وهو عاند  
كلنه حنتي وره العشه سو لهيب حنته  
وكل شويه جايتني وحده تتغزل بيه لو بجماعته  
الضباط ولاره. تضحك عليهن تكلهن جماعه لهيب كلهم  
مزوجين لهيب اخر العنقود  
واذا رفع راسه للسطح وشافجن تباوعن من السطح  
يصعد يشمرجن ويسوي اخر يوم بحياتج  
خلصت الحنه وبعد بببي مخلته يشوفني كل عقله

ثاني يوم  
اجتي ام الصالون من الصبح والعرس بالقاع والمفروض  
ننزل الفندق  
بس ابصدمه جانت من دخل لهيب للقاعه عود اخذنه  
صور وهل سوائف وهو حار شسوه  
اخر شي جان يكولي

لهيب  
تره خلص صرتي الي رسمي  
منسى  
من يوم يومي الك  
لهيب  
اليوم حقوقي الشرعيه اخذه بجزر اليونان  
منسى  
هاي شنو

لهيب

هااااا شوف نسيت اكوك اني حاجزج شهر عسل  
باليونان بس عادي اذا ماعجبج نغير نبقه هنا بالبصره

منسى

لا طبعا عاجبني ونص بس هوبي شلون

لهيب

تره كبر هوبي ببقه يم امي

منسى

عزززه شهر ماشوفه

لهيب

ادبسنرز شو ماكلتي عزززه شلون ضليت تلت سنوات

ماشوفك

منسى

من يدك انتة عفتني

لهيب

ردينه عمي اني رجال عريس ماريد احس بغير هرمون

السعاده هرمون النكد عندج عطلي

ضلينه نضحك ونركص واني اشوف الفرحة بعيونه عاد

صدك غيرت ملابسي وسافرته

من بعد ذاك اليوم شفت لهيب ثاني. بقه هو نفسه  
الحنون. وبنفس الوقت شفت واحد غيرته جنون  
بقه نفسه الي يفيديني برووحه بس صار ممنوع ابتعد  
عنه لحضه  
اني صح جنت اعرف انو لهيب يحبني سواء كطفله رباها  
او غير شي  
بس هسه شفت لهيب شكذ يعشقتني وهاميم بيه  
رغم كل ذيج الضروف الي مریت بيه اللحضات الي  
حلفت بيه بعد ما رجع لهيب وحب لهيب  
اليوم اني رجعت لاحضان لهيب لحد وعشق لهيب  
لا والمشكله عندي لهيبين هو وابنه والاثنين نفس الطينه

..... الى هنا وتنتهي روايته وانتصر  
حب وحنون الطفله عله الشيخ ابو العقل.